

En¹nta³ xi³ t⁷a³ts⁷e⁴Cristo jo³s⁷in² Juan qui³squi³

Je² en¹ cho⁴ta⁴2 coan³

1 C⁷ia⁴ nca³ to²ts⁷in³-le⁴ cjoa⁴ to⁴c⁷oa⁴ ti¹jna³ je² en¹. Je² en¹ ti¹jna³t⁷a³ Ni³na¹. Je² en¹ ña³qui³ Ni³na¹ ni¹. 2 Je²-vi⁴ xi³ ti¹jna³t⁷a³ Ni³na¹ c⁷ia⁴ nca³ to²ts⁷in³-le⁴ cjoa⁴. 3 Je² tsa³c⁷e¹nta³ nca³yi³je³ tso³jmi². Tsa² tsin² je², ni⁴to⁴jme³-jin² xi³ tjin¹ xi³ qui³s⁷e³nta³. 4 Je² xi³ tjin¹-le⁴ cjoa⁴vi³jna³chon³. Je² cjoa⁴vi³jna³chon³ je² l⁷i¹ xi³ si¹i³sen³-le⁴ cho⁴ta⁴. 5 Je² l⁷i¹ si¹i³sen³ jña³ nca³ njion²-na¹, to⁴nca³ je² cjoa⁴njon² li²coi³ coan³cho⁴ya³-le⁴ t⁷a³ts⁷e⁴ l⁷i¹-ve⁴. 6 Jnco³ cho⁴ta⁴x⁷in⁴ xi³ Ni³na¹ qui³si³ca³sen¹, je² xi³ Juan ⁷mi². 7 Jo³-ni³ tsa² testigo ja³⁷ai³, nca³ c⁷oa⁴s⁷in² tsjoa¹ en¹ xi³ t⁷a³ts⁷e⁴ je² l⁷i¹, jme¹-ni³ nca³ nca³ts⁷i³ coan⁴cjain¹-si¹ni³le⁴ xi³ to⁴t⁷a³ts⁷e⁴ Juan. 8 A³li²je²-jin² xi³ je² l⁷i¹. To⁴je² xi³ ja³⁷ai³ tsjoa¹ en¹ xi³ t⁷a³ts⁷e⁴ l⁷i¹-ve⁴. 9 Je²-ve⁴ je² l⁷i¹ xi³ ña³qui³ cjoa⁴qui²xi⁴, xi³ ja³⁷ai³ i⁴ son³⁷nte³-vi⁴, xi³ si¹i³sen³-le⁴ nca³ts⁷i³ cho⁴ta⁴. 10 I⁴ son³⁷nte³-vi⁴ tsa³c⁷e²jna³, c⁷oa⁴je² tsa³c⁷e¹nta³ son³⁷nte³. To⁴nca³ cho⁴ta⁴son³⁷nte³-vi⁴ li²coi³ tsa³ve³xcon³. 11 Ja³⁷ai³ jña³ ts⁷e⁴, to⁴nca³ je² cho⁴ta⁴-le⁴ li²coi³ tsa³ve³tjao². 12 Nca³ts⁷i³ jo³ tjin¹ ma³-ni³ xi³ je² tsa³ve³tjao², qui³tsjoa³⁷nte²-le⁴ nca³ ⁷nti¹-le⁴ Ni³na¹ coan³, je² nca³ts⁷i³ xi³ ma³cjain¹-le⁴ t⁷a³ts⁷e⁴ jan³⁷ain¹-le⁴, 13 xi³ tsi² tsa² njin¹ qui³tsin³-ni³, ni⁴ t⁷a³ts⁷e⁴-jin²

cjoa⁴tsjoa³-le⁴ yao³-na¹, ni⁴ t⁷a³ts⁷e⁴-jin² cjoa⁴tsjoa³-le⁴ x⁷in⁴, to⁴nca³ t⁷a³ts⁷e⁴ Ni³na¹ qui³tsin³-ni³.
 14 Je² en¹ cho⁴ta⁴² coan³. I⁴ tsa³c⁷e²jna³jin³-na¹. (Tsa³ya³-ni¹⁴jin⁴ cjoa⁴je³ya³-le⁴ jo³-ni³ tsa² xi³ ts⁷e⁴ to⁴jnco³ ʔnti¹-le⁴ N⁷ai³-na¹.) Cjai¹nca³ to⁴tjin¹-le⁴ cjoa⁴nta³ cao⁴ cjoa⁴qui²xi⁴. 15 Je² Juan c⁷oa⁴s⁷in² qui³tsjoa³ en¹ xi³ t⁷a³ts⁷e⁴. N⁷ion¹ qui³nchja⁴, c⁷oi⁴qui³tso²: Je²-vi⁴ ntai⁴ xi³ c⁷oa⁴-na¹ qui³xin³-no³, je² xi³ cjoa⁴⁷ai¹tjen⁴nqui³-na³, je² nqui²sa⁴ ti¹tjon² tso²⁷va³ cao⁴ an³, nca⁴ je² nqui²sa⁴ ti¹tjon² ti¹jna³-na³. 16 Ja⁴sa³tse³ ja⁴sa³tse³-sa³ cjoa⁴nta³ qui³tjoe¹-na¹ nca³ts⁷ia³² xi³ ts⁷e⁴ cjoa⁴nta³-le⁴ xi³ cjai¹nca³ n⁷ion¹ tse³ tjin¹-le⁴. 17 To⁴t⁷a³ts⁷e⁴ Moisés qui³ts⁷ai² cjoa⁴te¹xo³ma³, to⁴nca³ cjoa⁴nta³ cao⁴ cjoa⁴qui²xi⁴ ja³⁷ai³ xi³ to⁴t⁷a³ts⁷e⁴ Jesucristo. 18 Ni⁴to⁴⁷ya³-jin² ni⁴c⁷ia³-jin² tsa³ve³ Ni³na¹. Je² to⁴jnco³ ʔnti¹-le⁴ xi³ ti¹jna³t⁷a³ N⁷ai³-na¹, je² xi³ c⁷oa⁴s⁷in² qui³tso²ya³ t⁷a³ts⁷e⁴.

Je² en¹ xi³ qui³tsjoa³ Juan

(Mt. 3:11-12; Mr. 1:7-8; Lc. 3:15-17)

19 Je²-vi⁴ en¹ xi³ qui³tsjoa³ Juan, c⁷ia⁴ nca³ cho⁴ta⁴ judíos qui³si³ca³sen¹ xa¹ je² na⁴⁷mi³ cao⁴ cho⁴ta⁴ levitas ts⁷e⁴ Jerusalén, jme¹-ni³ nca³ sco¹na³nqui³-si¹ni³le⁴ Juan: Ji³, ʔya¹-ni³. 20 Juan qui³si³qui²xi⁴ya³nta³, li²coi³ tsa³c⁷e¹⁷ma³, to⁴nca³ c⁷oa⁴qui³tso²: A³li² an³-jian²³ Cristo. 21 C⁷ia⁴ qui³sco²na³nqui³-le⁴: ʔya¹-ni³⁷ni³. A³ ji³ ni¹³ Elías. Qui³nchja⁴ Juan: A³li² an³-jian²³. A³ ji³ ni¹³ xi³ no²cjoa⁴yai³ t⁷a³ts⁷e⁴ Ni³na¹. Ma³jain², qui³tso². 22 C⁷oa⁴qui³tso²-le⁴: ʔya¹-cjoan²ni³ ji³,

nca³ c⁷oa⁴c⁷oin¹-ni³lai⁴jⁱⁿ⁴ je² xi³ qui³si³ca³sen¹-na³jⁱⁿ⁴. Jo¹ si³ xi³ ti⁴t⁷a³tsi⁴-ni³. 23 Juan qui³tso²: An³ nia¹³ xi³ n⁷ion¹ nchja²³ ya⁴ nte³t⁷a³xin²t⁷a³. Tja³qui²xio⁴³ ntia⁴²-le⁴ Nai³-na¹, jo³ qui³tso² Isaías xi³ qui³nchja⁴ya³ t⁷a³ts⁷e⁴ Ni³na¹. 24 Je² cho⁴ta⁴ xi³ qui³ni²ca³sen¹t⁷a³-le⁴ Juan ts⁷e⁴ cho⁴ta⁴ fariseos. 25 C⁷oa⁴s⁷in² qui³sco²na³nqui³-le⁴ Juan: A¹-ni³ nca³ ma³-ni³li² va³te²nta¹, tsa² tsi² tsa² ji³ ni¹³ Cristo, ni⁴ Elías-jin², ni⁴je²-jin² cho⁴ta⁴ xi³ nchja⁴ya³ t⁷a³ts⁷e⁴ Ni³na¹. 26 C⁷ia⁴ Juan qui³tso²-le⁴: An³ va³te³nta¹³-nia³ na³nta¹, to⁴nca³ ti¹jna³jⁱⁿ³-no³ jnco³ xi³ tsi² tsa² coi³ ya³xcon³. 27 Je²-vi⁴ ntai⁴ xi³ cjoa⁴ai¹tjen⁴nqui³-na³. Je² nqui²sa⁴ ti¹tjon² tso²va³ cao⁴ an³, sa³nta³ li²coi³ va³quin²-na³ nca³ sco³jnta¹³ čjhoa⁴xin¹-le⁴ jte¹-le⁴. 28 Je² cjoa⁴ xi³ coan³-vi⁴ ya⁴ c⁷oa⁴ coan³ ya⁴ Betábara ya⁴ xi³ncoa³-ni³le⁴ je² nta¹je⁴ Jordán, jña³ nca³ Juan tsa³ca³te¹nta¹. 29 Xi³ coan³ nchaon³ Juan tsa³ve³ Jesús xi³ ti¹nčhoa¹con³-le⁴, c⁷oi⁴qui³tso²: Coe⁴-ni³ nti¹ va³rre²-le⁴ Ni³na¹, xi³ fa³a¹xin² je¹-le⁴ cho⁴ta⁴son³nte³. 30 Je²-vi⁴ ntai⁴ xi³ qui³xin³-no³: Cjoa⁴ai¹tjen⁴nqui³-na³ jnco³ cho⁴ta⁴x⁷in⁴. Je² nqui²sa⁴ ti¹tjon² tso²va³ cao⁴ an³, nca⁴ je² nqui²sa⁴ ti¹tjon² ti¹jna³-na³. 31 An³ li²coi³ tsa³ve³xcoan³, to⁴nca³ ja²ai⁴ ca³te³nta¹³-nia³ na³nta¹, jme¹-ni³ nca³ cho⁴ta⁴ Israel scoe⁴-si¹ni³ nca³ je². 32 Juan c⁷oa⁴s⁷in² qui³tsj^{oa}³ en¹ c⁷oi⁴qui³tso²: Tsa³ve³ je² Espíritu Santo nca³ ji³tjo³jen³-ni³ nc⁷a³jmi³, jo³-ni³ tsa² jnco³ ni⁴se³ paloma, qui³sa³sen³jna²son²-le⁴ Jesús. 33 An³ li²coi³ tsa³ve³xcoan³, to⁴nca³ je² xi³ qui³si³ca³sen¹-na³ nca³ na³nta¹ coa³te³nta¹³-nia³, je²-ve⁴ xi³ c⁷oi⁴qui³tso²-na³: To⁴ya³-ni³ xi³ jchai⁴,

xi³ je² Espíritu Santo cjoa⁴ai¹jen³t⁷ain³-le⁴, xi³ ya⁴ sa⁴sen¹jna³son²-le⁴, je²-vi⁴ ntai⁴ xi³ va³te¹nta¹-ni³ Espíritu Santo. ³⁴ An³ tsa³ve³, qui³tsjoa³ en¹-na⁴ nca³ je²-vi⁴ xi³ ⁷nti¹-le⁴ Ni³na¹.

Je² xi³ ti¹tjon² coan³ cho⁴ta⁴-le⁴ Jesús

³⁵ Xi³ coan³ nchaon³ ti⁴ya⁴ ti¹jna³-nca¹ni³ Juan cao⁴ jao² cho⁴ta⁴-le⁴. ³⁶ Ti¹co³tsen³-le⁴ Jesús xi³ ya⁴ tso²va³, c⁷oi⁴qui³tso²: Coe⁴-ni³ ⁷nti¹ va³rre²-le⁴ Ni³na¹. ³⁷ Je² nca³ jao² cho⁴ta⁴-le⁴ qui³nch⁷oe¹-le⁴ nca³ qui³nchja⁴, c⁷ia⁴ qui³tjen⁴nqui³-le⁴ Jesús. ³⁸ C⁷ia⁴ qui³si³c⁷o¹fa³ Jesús, tsa³ve³ nca³ tjio¹fi²tjen⁴nqui³-le⁴, c⁷oa⁴qui³tso²-le⁴: Jme¹ xi³ vi³jnchi³sja³. C⁷ia⁴ qui³nchja⁴ nca³ jao²: Rabí (je² en¹-vi⁴ Maestro tso²-ni³), jña¹-ni³ ti³jnai³. ³⁹ Jesús qui³tso²-le⁴: Nchoao¹³ cho¹tsaon³. C⁷ia⁴ ji³nchoa³, tsa³ve³ jña³ ti¹jna³. Ya⁴ tsa³ca³tio²cao⁴ c⁷ia⁴ ni⁴chjin³-ve⁴, nca³ je² hora jo³-ni³ tsa² las cuatro nca³ ma³xon². ⁴⁰ Je² Andrés, nts⁷e⁴ Simón Pedro, jnco³ nca³ jao²-ve⁴ xi³ qui³nch⁷oe¹-le⁴ Juan, c⁷oa⁴ qui³tjen⁴nqui³-le⁴ Jesús. ⁴¹ Je²-vi⁴ ti¹tjon² coan³sjai³-le⁴ ti⁴ts⁷e⁴-ni³ nts⁷e⁴ xi³ Simón ⁷mi², c⁷oa⁴qui³tso²-le⁴: Je³coan³sjai³-na³jina⁴ je² Mesías (Cristo tso²-ni³ je² en¹-vi⁴). ⁴² C⁷ia⁴ ja³ai³cao⁴-le⁴ Jesús. C⁷ia⁴ nca³ Jesús ti¹co³tsen³-le⁴ qui³tso²: Ji³ ni¹³ Simón, ⁷nti¹-le⁴ Jonás. Ji³ Cefas c⁷oin¹-li² (je² en¹-vi⁴ la⁴jao⁴ tso²-ni³).

Jesús nchja⁴-le⁴ Felipe cao⁴ Natanael

⁴³ Xi³ coan³ nchaon³ Jesús me³-le⁴ nca³ coai⁴ ya⁴ Galilea. Qui³sa³te³jina³ Felipe, c⁷oa⁴qui³tso²-le⁴: T⁷in³tjen⁴nqui³-nai¹³. ⁴⁴ Felipe, ya⁴ Betsaida ts⁷e⁴, je² na⁴xi⁴na³nta¹-le⁴ Andrés cao⁴ Pedro.

45 Felipe qui³sa³te³jin³ Natanael, c⁷oa⁴qui³tso²-le⁴: Je³coan³sjai³-na³jin⁴ Jesús, ⁷nti¹-le⁴ José, xi³ ya⁴ Nazaret ts⁷e⁴, jo³ tso² cjoa⁴te¹xo³ma³ xi³ tsa³ca¹jna³ Moisés cao⁴ cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹. 46 Natanael qui³tso²-le⁴: A³ tjin¹ xi³ nta³ xi³ Nazaret fa³⁷ai³-ni³. Felipe qui³tso²-le⁴: N³choai¹³ cho¹tsain³. 47 C⁷ia⁴ nca³ Jesús tsa³ve³ Natanael xi³ ti¹n³choa¹con³-le⁴, qui³tso² xi³ t⁷a³ts⁷e⁴: Ne³ jnco³ xi³ cjoa⁴qui²xi⁴ cho⁴ta⁴ israelita, xi³ tsin²-le⁴ cjoa⁴ch⁷a²na⁴cha⁴-jin². 48 Natanael qui³tso²-le⁴: J⁷ña¹-ni³ tsa³⁷ya³-ni³nai¹³. Jesús qui³nchja⁴-nca¹ni³: To⁴nqui³-ni³ nca³ cje³ nchja⁴-jin²li² Felipe, c⁷ia⁴ nca³ ya⁴ ti³jna³nqui³ ya¹ higo tsa³⁷ve³-le²³. 49 Natanael qui³tso²-le⁴: Rabí, ji³ ni¹³ ⁷nti¹-le⁴ Ni³na¹, ji³ ni¹³ cho⁴ta⁴ti¹tjon²-le⁴ cho⁴ta⁴ Israel. 50 Jesús c⁷oa⁴qui³tso²-le⁴: A³ coi³ nca³ ma³cjain¹-li² nca³ c⁷oa⁴ca²xin³-le²³ nca³ tsa³⁷ve³-le²³ nca³ ti³jna³nqui³ ya¹ higo. Jcha⁴-sai³ cjoa⁴ xi³ nqui²sa⁴xcon¹ tjin¹. 51 Qui³tso²-le⁴: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Ni⁴čhjin³ xi³ fi²-sa³ni³ jcha⁴-nio¹³ nc⁷a³jmi³ nca³ ti⁴x⁷a⁴ cao⁴ je²a²ncje⁴ xi³ ts⁷e⁴ Ni³na¹, xi³ fi²mi³, xi³ vi³tjo³jen³t⁷ain³-le⁴ je² ⁷nti¹-le⁴ cho⁴ta⁴, je² Jesús.

2

Cjoa⁴vi³xan³ xi³ qui³s⁷e³ ya⁴ Caná

1 Xi³ coan³jan²-ni³ ni⁴čhjin³ qui³s⁷e³ jnco³ cjoa⁴vi³xan³ ya⁴ Caná xi³ ts⁷e⁴ Galilea. Ya⁴ ti¹jna³na⁴-le⁴ Jesús. 2 C⁷oa⁴-ti⁴ qui³no²cjoa⁴-le⁴ Jesús cao⁴ cho⁴ta⁴-le⁴ j⁷ña³ chi³xan² cho⁴ta⁴. 3 C⁷ia⁴ nca³

je³t⁷a³ vino, na⁴-le⁴ Jesús c⁷oi⁴qui³tso²-le⁴: Tsin²-le⁴ vino-jin². 4 C⁷ia⁴ Jesús qui³tso²-le⁴: Jme¹ xi³ tjin¹-na¹ cao⁴ ji³, chjon⁴². Cje³ fi³cho¹-jin² hora-na⁴. 5 Na⁴-le⁴ c⁷oi⁴qui³tso²-le⁴ cho⁴⁷nta³: C⁷oa⁴t⁷iaon⁴³ ni⁴tjo³son²-lao⁴³ nca³yi³je³ xi³ je² coi⁴tso⁴-no³. 6 Ya⁴ tjio¹ jaon³ ti⁴² tsian³ xi³ la⁴jao⁴, xi³ na³nta¹ s⁷e³ya³, jo³s⁷in² si¹tsje³-ni³ cho⁴ta⁴ judíos. Jao² jan²-la⁴ ni³sa³na³nta¹ jcho¹ya³ ti⁴²-ve⁴ nca³ jnco¹jnco¹. 7 Jesús c⁷oi⁴qui³tso²-le⁴: Ti⁴nchao³ na³nta¹ ti⁴²-ve⁴. C⁷ia⁴ qui³si³tse³ntjai². 8 C⁷oi⁴qui³tso²-le⁴: Ch⁷a⁴sjao³ na³nta¹-ve⁴, ta⁴nquin¹cao⁴-lao⁴³ ma³xtoan². Qui³cao⁴-le⁴. 9 Ma³xtoan²-ve⁴ qui³sco²t⁷a³ je² na³nta¹ xi³ qui³ts⁷on¹ya³ vino. Li²coi³ tsa³ve³ jña³ ja³⁷ai³-ni³ (to⁴nca³ je² cho⁴⁷nta³ xi³ tsa³c⁷a³sje³ na³nta¹ tsa³ve³). C⁷ia⁴ ma³xtoan²-ve⁴ qui³nchja⁴-le⁴ je² x⁷in⁴ xi³ ti¹vi³xan³. 10 C⁷oi⁴qui³tso²-le⁴: Nca³ts⁷i³ cho⁴ta⁴ ti¹tjon² tsjoa¹ vino xi³ nqui²sa⁴ nta³. C⁷ia⁴ nca³ je³qui³tse³, c⁷ia⁴ tsjoa¹ xi³ li²coi³ to⁴jo³ nta³. To⁴nca³ ji³ to⁴tsa³c⁷e²jna³tjao²-ni¹ je² vino xi³ nqui²sa⁴ nta³ sa³⁷nta³ nt⁷ai⁴. 11 Je²-vi⁴ choa⁴ xi³ tsa³c⁷e²jna³ ti¹tjon²-le⁴ nca³yi³je³ choa⁴ xi³ Jesús qui³tsjoa³ ya⁴ Caná xi³ ts⁷e⁴ Galilea. C⁷oa⁴s⁷in² tsa³ca³co¹son²tsen³ cjoa⁴je³ya³-le⁴. C⁷ia⁴ coan³cjain¹-le⁴ cho⁴ta⁴-le⁴ xi³ t⁷a³ts⁷e⁴. 12 C⁷ia⁴ nca³ je³coan³ je²-vi⁴, qui³jen³ ya⁴ Capernaum Jesús, cao⁴ na⁴-le⁴, cao⁴ nts⁷e⁴, cao⁴ cho⁴ta⁴-le⁴. To⁴jnco³jao² ni⁴chjin³ tsa³ca³tio² nca³ ya⁴.

Jesús si¹tsje³yo⁴nco⁴

(Mt. 21:12-13; Mr. 11:15-16; Lc. 19:45-46)

13 Je³cji³ma³chian³-le⁴ s⁷oi¹ pa²xco⁴ xi³ ts⁷e⁴ cho⁴ta⁴ judíos. Qui³mi³ Jesús ya⁴ Jerusalén.

14 Ya⁴ya³ yo⁴nco⁴ qui³sa³te³jín³ cho⁴ta⁴ xi³ tjio¹va³te¹na³ n̄cha⁴ja⁴ cao⁴ va³rre², cao⁴ ni⁴se³ paloma. C⁷oa⁴-ti⁴ ya⁴ tjio¹ je² xi³ si¹c⁷a³ntjai² taon⁴. 15 Jesús qui³si³nta³ jnco³ n⁷o¹, tsa³c⁷aon³sje³ nca³ts⁷i³ yo⁴nco⁴ cao⁴ va³rre²-ve⁴ cao⁴ n̄cha⁴ja⁴-ve⁴. Tsa³c⁷e¹tsao³va³ taon⁴-le⁴ xi³ taon⁴ si¹c⁷a³ntjai². Ña³qui³ qui³si³ncha³nca³jten³ ya¹mi²xa⁴-le⁴. 16 C⁷oa⁴qui³tso²-le⁴ je² xi³ tjio¹va³te¹na³ ni⁴se³ paloma: Cha⁴a²xion²³ je²-vi⁴. A³li² nti⁴tsin⁴-jin² n⁷iaon²³ nt⁷ia³-le⁴ N⁷ai³-na⁴. 17 C⁷ia⁴ ja³ai³tsjen³-le⁴ cho⁴ta⁴-le⁴ nca³ tji¹t⁷a³ xon⁴: N⁷ion¹ sin³-na³ nt⁷ia³-li⁴ sa³nta³ coan³xc⁷en¹jín³-nia¹³. 18 C⁷ia⁴ cho⁴ta⁴ judíos c⁷oi⁴qui³tso²-le⁴: Jme¹ choa⁴ xi³ v⁷ai²³ nca³ c⁷oi⁴n⁷iaín²³. 19 C⁷ia⁴ Jesús qui³tso²-le⁴: Ti⁴qui³xo¹yao³ je² yo⁴nco⁴-vi⁴, to⁴jan² ni⁴čhjin³ c⁷oe³nta³-nia³. 20 C⁷ia⁴ qui³tso² cho⁴ta⁴ judíos: Ña³chan²jaon³ no¹ qui³s⁷e³nta³-ni³ je² yo⁴nco⁴-vi⁴. C⁷oa⁴ ji³-ni³, a³ to⁴jan² ni⁴čhjin³ c⁷oe¹nta³-ni³. 21 To⁴nca³ je² yo⁴nco⁴ xi³ je² yao³-le⁴ qui³tso²-le⁴ Jesús. 22 C⁷ia⁴ nca³ Jesús ja³a³ya²jín³-ni³le⁴ c⁷en³, je² cho⁴ta⁴-le⁴ c⁷oa⁴s⁷in² ja³ai³tsjen³-le⁴ nca³ c⁷oa⁴qui³tso²-le⁴. C⁷ia⁴ coan³cjain¹-le⁴ je² xon⁴ Escritura cao⁴ je² en¹ xi³ Jesús qui³nchja⁴.

Jesús ve³ nca³ts⁷i³

23 Ya⁴ ti¹jna³ ya⁴ Jerusalén c⁷ia⁴ nca³ qui³s⁷e³jna³ s⁷oi¹ pa²xco⁴. Cjai¹nca³ ncjin² xi³ coan³cjain¹-le⁴ t⁷a³ts⁷e⁴ jan³ain¹-le⁴, nca³ tsa³ve³ jña³-le⁴ choa⁴ xi³ qui³tsjoa³. 24 To⁴nca³ Jesús li²coi³ tjin¹jnco³-le⁴con³ nca³ts⁷i³, nca³ Jesús je³ve³ nca³ts⁷i³. 25 Li²ya³ xi³

Jesús coan³chjen¹-le⁴ xi³ c⁷oa⁴coi⁴tso⁴-le⁴ jo³ cjoan³ cho⁴ta⁴. Je² ve³ jo³ cjoan³ cho⁴ta⁴.

3

Jesús fa¹cao⁴ Nicodemo

¹ Tjin¹ jnco³ cho⁴ta⁴ fariseo xi³ Nicodemo [?]mi², cho⁴ta⁴ti¹tjon²-le⁴ judíos. ² Je²-vi⁴ ja³ai³nč⁷oe² Jesús nca³ njion², c⁷oi⁴qui³tso²-le⁴: Rabí, [?]ya³-ni¹jin⁴ nca³ ji³ ja²ai⁴ jo³-ni³ jnco³ Maestro. Qui³si³ca³sen¹-li² Ni³na¹. Ni⁴ya³-jin² xi³ tsjoa¹ choa⁴ xi³ v⁷ai²³ nca³ ji³, tsa² Ni³na¹ li²coi³ ti¹jna³cao⁴. ³ C⁷ia⁴ Jesús c⁷oi⁴qui³tso²: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-le²³, je² xi³ tsi² jtsin¹ nqui²jnco³ c⁷a², li²coi³ coan⁴ scoe⁴ cjoa⁴te¹xo³ma³-le⁴ Ni³na¹. ⁴ C⁷ia⁴ qui³tso² Nicodemo: Jo¹ coan⁴-ni³ nca³ jtsin¹ cho⁴ta⁴ xi³ je³coan³ jchi¹nca³. A³ coan⁴² cjoa⁴⁷a³s⁷en³ nqui²ntia³ ts⁷oa⁴ na⁴-le⁴, c⁷oa⁴ jtsin¹-[?]ni³. ⁵ Jesús qui³nchja⁴: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-le²³, je² xi³ tsi² qui³tsin³ t⁷a³ts⁷e⁴ na³nta¹ c⁷oa⁴ t⁷a³ts⁷e⁴ Espíritu Santo, li²coi³ coan⁴ cjoa⁴⁷a³s⁷en³ cjoa⁴te¹xo³ma³-le⁴ Ni³na¹. ⁶ Je² xi³ t⁷a³ts⁷e⁴ yao³ tsin³-ni³, yao³ ni¹. Je² xi³ t⁷a³ts⁷e⁴ Espíritu Santo tsin³-ni³, espíritu ni¹. ⁷ A³li² ma³xcon¹-jin²li² jo³ ca²xin³-le²³: Ma³chjen¹ nca³ nqui²jnco³ c⁷a² jtsion¹³. ⁸ Je² ntjao⁴ to⁴jña³-ni³ve⁴ cjo³na³jon³-ni¹, c⁷oa⁴ no²⁷ya²-ni³lai⁴ nca³ fa³ne³, to⁴nca³ li²coi³ [?]yai³ jña³ nca³ nčhoa¹-ni³, ni⁴ jña³ fi². C⁷oa⁴s⁷in² ma³ nca³ts⁷i³ xi³ t⁷a³ts⁷e⁴ Espíritu Santo qui³tsin³-ni³. ⁹ Nicodemo c⁷oi⁴qui³tso²-le⁴: Jo¹ ma³-ni³ nca³ c⁷oa⁴ ma³-ni³. ¹⁰ Jesús c⁷oi⁴qui³tso²-le⁴: A³ tsi² tsa² ji³ maestro-le⁴ cho⁴ta⁴ Israel, c⁷oa⁴ li²coi³

ʔyai³-ʔni³ je²-vi⁴. 11 Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-le²³, je² xi³ ʔyai³⁴-jin⁴ no²cjoa⁴-ni¹⁴jin⁴, cʔoa⁴ je² xi³ qui³cho²tsen³-lai⁴jin⁴ coi³ xi³ vʔai²⁴-jin⁴ en¹-na⁴jin⁴. Cʔoa⁴ jon² li²coi³ chjoao¹³ en¹-na⁴jin⁴. 12 Tsa² je³cʔoa⁴qui³xin³-no³ jña³-le⁴ xi³ chon³ son³⁷nte³, cʔoa⁴ li²coi³ ma³cjain¹-no³, jo^{1s}ʔin² coan⁴cjain¹-no³ tsa² cʔoa⁴xin¹-no³ jña³-le⁴ xi³ chon³ ncʔa³jmi³. 13 Ni⁴⁷ya³-jin² xi³ qui³mi³ ncʔa³jmi³, to⁴je² xi³ ya⁴ ja³⁷ai³jen³-ni³, je² ʔnti¹-le⁴ cho⁴ta⁴ xi³ ti¹jna³ ncʔa³jmi³. 14 Jo³ qui^{3s}ʔin³ Moisés nca³ qui^{3sco}ʔmi³tjen⁴ je² ye⁴ ya⁴ ʔnte^{3t}ʔa³xin^{2t}ʔa³, cʔoa^{4s}ʔin² ma³chjen¹ nca³ je² ʔnti¹-le⁴ cho⁴ta⁴ tjo^{1mi}ʔtjen⁴-ni³, 15 jme¹-ni³ nca³ nca^{3ts}ʔi³-si¹ni³ xi³ ma³cjain¹-le⁴ tʔa³tsʔe⁴ Jesús, li²coi³ cha⁴, to⁴nca³ tjin¹-le⁴ cjoa⁴vi³jna³chon³ nca³ntsjai².

Ni³na¹ cʔoa^{4s}ʔin² coan³tsjja³que³ son³⁷nte³

16 Nca⁴ Ni³na¹ cʔoa^{4s}ʔin² coan³tsjca³que³ son³⁷nte³ nca³ qui³tsjja³ je² xi³ to⁴jnc³ ʔnti¹-le⁴, jme¹-ni³ nca³ nca^{3ts}ʔi³-si¹ni³ xi³ ma³cjain¹-le⁴ tʔa³tsʔe⁴, li²coi³ cha⁴, to⁴nca³ tjin¹-le⁴ cjoa⁴vi³jna³chon³ nca³ntsjai². 17 Nca⁴ Ni³na¹ li²coi³ xa¹ qui³si³ca³sen¹-ni³ ʔnti¹-le⁴ nca³ cʔaon⁴ne²-le⁴ cjoa⁴ñʔain³ cho⁴ta⁴son³⁷nte³, to⁴coi⁴² nca³ cʔoa⁴sje³ntjai² cho⁴ta⁴son³⁷nte³. 18 Je² xi³ ma³cjain¹-le⁴ tʔa³tsʔe⁴ Jesús, li²coi³ ti¹jna³ne²-le⁴ cjoa⁴ñʔain³, to⁴nca³ je² xi³ tsi² tsa² coi³ ma³cjain¹-le⁴ tʔa³tsʔe⁴, je³ti¹jna³ne²-le⁴ cjoa⁴ñʔain³, nca⁴ tsi² tsa² coi³ coan³ecjain¹-le⁴ tʔa³tsʔe⁴ jan³⁷ain¹-le⁴ xi³ je² to⁴jnc³ ʔnti¹-le⁴ Ni³na¹. 19 Je² lʔi¹ ja³⁷ai³ i⁴ son³⁷nte³, to⁴nca³ cho⁴ta⁴son³⁷nte³ nqui²sa⁴ coan³tsjja³que³ cjoa⁴njion² cao⁴-ni³ lʔi¹, nca⁴

cjoa⁴ts⁷en⁴ xi³ qui³s⁷in³. Coi³ nca³ ti¹jna³ne²-le⁴ cjoa⁴ñ⁷ain³. 20 Je² nca³ts⁷i³ xi³ cjoa⁴ts⁷en⁴ s⁷in¹, ma³jti³que³ l⁷i¹, li²coi³ ya⁴ n⁷choa¹ j⁷ña³ tjin¹ l⁷i¹, jme¹-ni³ nca³ tsi²coi³ coan⁴tsen³-si¹ni³ je² cjoa⁴ts⁷en⁴ xi³ s⁷in¹. 21 To⁴nca³ je² xi³ cjoa⁴qui²xi⁴ xi³ s⁷in¹, n⁷choa¹n⁷ch⁷oe² l⁷i¹-ve⁴, jme¹-ni³ nca³ coan⁴tsen³-si¹ni³ cjoa⁴nta³-le⁴ nca³ ts⁷e⁴ Ni³na¹.

Je² mi²yo⁴-le⁴ x⁷in⁴ xi³ vi³xan³

22 Xi³ coan³-ni³ ja³⁷ai³ Jesús cao⁴ cho⁴ta⁴-le⁴ ya⁴ na³nqui³ Judea. Ya⁴ tsa³c⁷e²jna³cao⁴ cho⁴ta⁴-le⁴ tsa³ca³te¹nta¹. 23 Juan c⁷oa⁴-ti⁴ tsa³ca³te¹nta¹ ya⁴ Enón čhian³-le⁴ Salim, nca³ cjai¹nca³ tjin¹ na³nta¹ nca³ya⁴. Cho⁴ta⁴ ji³n⁷choa³n⁷ch⁷oe² qui³sa³te¹nta¹. 24 Juan cje³ ni²cja³⁷a³s⁷en³-jin² nto⁴ya¹. 25 Tsa³cjao¹ya³-ni³ cho⁴ta⁴-le⁴ Juan cao⁴ cho⁴ta⁴ judíos jo³s⁷in² nca³ si¹tsje³-ni³. 26 C⁷ia⁴ je² ji³n⁷choa³n⁷ch⁷oe² Juan c⁷oi⁴qui³tso²-le⁴: Rabí, tsa³c⁷ai²³ en¹-li⁴ xi³ t⁷a³ts⁷e⁴ Jesús xi³ tsa³c⁷e²jna³cao⁴-li² xi³ncoa³nta¹-ni³ Jordán. Coe⁴-ni³ c⁷oa⁴-ti⁴ je² va³te¹nta¹, c⁷oa⁴ ña³qui³ je² fa³⁷ai³n⁷ch⁷oe² nca³ts⁷i³. 27 Juan c⁷oi⁴qui³tso²: Li²jme³ xi³ tjin¹-le⁴ cho⁴ta⁴ xi³ tsi² tsa² nc⁷a³jmi³ ja³⁷ai³-ni³le⁴. 28 Jon² nio¹³ nca³ts⁷io³ testigo-na⁴ jo³ qui³xian³: A³li² an³-jian²³ Cristo, to⁴nca³ nqui³xcon⁴ qui³ni²ca³sen¹ ti¹tjon²-na³. 29 Je² xi³ tjin¹-le⁴ chjon⁴² je² x⁷in⁴-le⁴. To⁴nca³ je² mi²yo⁴-le⁴ x⁷in⁴-le⁴ xi³ se¹jna³t⁷a³, n⁷ch⁷oe¹-le⁴, cjai¹nca³ to⁴ma³tsjoa³-le⁴ jo³ tso² x⁷in⁴-ve⁴. C⁷oa⁴s⁷in² cjoa⁴tsjoa³-na⁴ coan⁴tse³ya³. 30 Ma³chjen¹ nca³ je² Cristo

ca²ta³mi³nc⁷a³, nqui²sa⁴ ca²ta³sa³sen¹tjen⁴nquia³
nca³ an³.

Je² xi³ nčhoa¹-ni³ ja⁴nc⁷a¹

³¹ Je² xi³ nčhoa¹-ni³ ja⁴nc⁷a¹, je² xi³ ti¹tjon²-le⁴
nca³ts⁷i³. Je² xi³ ts⁷e⁴ son³⁷nte³, cho⁴ta⁴son³⁷nte³
ni¹, to⁴je² cjoa⁴ xi³ ts⁷e⁴ son³⁷nte³ nchja⁴. Je²
xi³ nčhoa¹-ni³ nc⁷a³jmi³, je² xi³ ti¹tjon²-le⁴ nca³ts⁷i³.

³² Je²-vi⁴ tsjoa¹ en¹-le⁴ jme³ xi³ tsa³ve³ cao⁴ xi³
qui³nč⁷oe¹, to⁴nca³ ni⁴⁷ya³-jin² xi³ cjoe¹ en¹-le⁴.

³³ Je² xi³ cjoe¹ en¹-le⁴, je²-vi⁴ qui³si³qui²xi⁴ya³nta³
nca³ Ni³na¹ xi³ cjoa⁴qui²xi⁴.

³⁴ Je² xi³ Ni³na¹
qui³si³ca³sen¹, je² en¹-le⁴ Ni³na¹ xi³ nchja⁴. Ni³na¹
li²coi³ fa³⁷a¹cho⁴ya³ nca³ tsjoa¹ Espíritu Santo.

³⁵ Je²
N⁷ai³-na¹ tsjoa³que³ ʔnti¹-le⁴, tsa³c⁷e¹jna³ya³ ntsja³
nca³yi³je³ cjoa⁴.

³⁶ Je² xi³ ma³cjain¹-le⁴ t⁷a³ts⁷e⁴ ʔnti¹-
le⁴ Ni³na¹, tj¹n¹-le⁴ cjoa⁴vi³jna³chon³ nca³ntsja².

Je²
xi³ tsi² ma³cjain¹-le⁴ t⁷a³ts⁷e⁴ ʔnti¹-le⁴ Ni³na¹, li²coi³
scoe⁴ cjoa⁴vi³jna³chon³, to⁴nca³ je² cjoa⁴ñ⁷ain³ xi³
Ni³na¹ tsjoa¹-le⁴ ti¹jna³ne²-le⁴.

4

Jesús fa¹cao⁴ chjon⁴² samaritana

¹ C⁷ia⁴ nca³ tsen³ coan³-le⁴ Jesús nca³ je² cho⁴ta⁴
fariseos qui³nč⁷oe¹ nca³ Jesús nqui²sa⁴ ncjin²
tsa³ca³te¹nta¹ cho⁴ta⁴ cao⁴-ni³ tsa² Juan,

² (Nta³
tsa² tsi² je² cjoan² Jesús xi³ va³te¹nta¹, to⁴nca³ je²
cho⁴ta⁴-le⁴.)

³ Jesús ji³tjo³-ni³ ya⁴ Judea, nqui²ntia³
qui³ ya⁴ Galilea.

⁴ Coan³chjen¹ nca³ ja³⁷a³to³j¹n³
ya⁴ Samaria.

⁵ C⁷ia⁴ ji³cho² Samaria jña³ nca³
na⁴xi⁴na³nta¹ Sicar ʔmi², ya⁴ čhian³-le⁴ ʔnte³ xi³
Jacob qui³tsjoa³-le⁴ José, je² ʔnti¹-le⁴.

⁶ Ya⁴ ti¹jna³

je² pilana³nta¹ xi³ ts⁷e⁴ Jacob. Cjai¹nca³ ji³jta³-le⁴ ntia⁴² Jesús, c⁷ia⁴ tsa³c⁷e²jna³t⁷a³ je² pilana³nta¹-ve⁴. Je² hora jo³-ni³ tsa² nchi³sen³. 7 Ja³⁷ai³ jnco³ chjon⁴² xi³ ts⁷e⁴ Samaria. Ji³cho² cja³⁷a¹ na³nta¹. Jesús c⁷oi⁴qui³tso²-le⁴: T⁷ai²-nai¹³ xi³ sc⁷oia⁴. 8 (Je² cho⁴ta⁴-le⁴ je³qui³ na⁴xi⁴na³nta¹-ve⁴. Qui³ ca³tse³ xi³ cji³ne³.) 9 Je² chjon⁴² samaritana c⁷oi⁴qui³tso²-le⁴: Jo¹ ma³-ni³ nca³ ji³ xi³ cho⁴ta⁴ judío na³nta¹ ni²je¹-nai¹³, nca³ chjon⁴² samaritana nca³ an³. Je² cho⁴ta⁴ judíos li²coi³ fa¹cao⁴ cho⁴ta⁴ samaritanos. 10 Jesús c⁷oi⁴qui³tso²-le⁴: Tsa² ⁷yai³ cjoa⁴tjao²-le⁴ Ni³na¹ c⁷oa⁴ tsa² ⁷ya³xcoin³ je² xi³ c⁷oa⁴tso²-li²: T⁷ai²-nai¹³ xi³ sc⁷oia⁴, ji³ xi³ si⁴je¹-lai⁴ nca³ je², c⁷oa⁴ je² tsjoa¹-li² na³nta¹ xi³ ti¹jna³con³. 11 C⁷ia⁴ chjon⁴²-ve⁴ qui³tso²-le⁴: Señor, a³li²jme³ xi³ qui³ch⁷ai²³ xi³ ch⁷a²sje³-ni³ na³nta¹. Cjai¹nca³ na⁴nca⁴ je² nca⁴jao⁴-ve⁴. Jña¹-ni³ve⁴⁷ni³ tj¹in¹-li² je² na³nta¹ xi³ ti¹jna³con³. 12 A³ ji³ ni¹³ ti¹tjon²-le⁴ n⁷ai³-na⁴j¹in⁴ Jacob, xi³ qui³tsjoa³-na³j¹in⁴ je² pila- vi⁴. Je² tsa³c⁷i³ na³nta¹ xi³ i⁴ tjia¹-vi⁴, cao⁴ xti³-le⁴ cao⁴ n⁷cha⁴ja⁴-le⁴. 13 C⁷ia⁴ Jesús c⁷oi⁴qui³tso²-le⁴: To⁴⁷ya³-ni³ xi³ sc⁷oi¹ je² na³nta¹-vi⁴ coan⁴fa³ti² nqui²ntia³-le⁴. 14 To⁴nca³ je² xi³ sc⁷oi¹ je² na³nta¹ xi³ an³ tsjoa³-le⁴, ni⁴c⁷ia³-j¹in² ti⁴coan⁴fa³ti²-ni³le⁴. Je² na³nta¹ xi³ an³ tsjoa³-le⁴, to⁴ya⁴² s⁷e³jna³j¹in³-le⁴ jo³-ni³ na³nta¹ xi³ cji²⁴nc⁷a³j¹in³-le⁴, xi³ tsjoa¹ cjoa⁴vi³jna³chon³ nca³ntsja². 15 C⁷ia⁴ chjon⁴²-ve⁴ qui³tso²-le⁴: Señor, t⁷ai²-nai¹³ je² na³nta¹ je²-vi⁴, jme¹-ni³ nca³ tsi² ti⁴coan⁴fa³ti²-ni³na³, c⁷oa⁴ li²coi³ ti⁴⁷i⁴ cjoe²⁷e⁴ cja³⁷a³-nia³. 16 C⁷oi⁴qui³tso² Jesús: T⁷in³ ti⁴no²cjoa⁴-lai⁴ x⁷in⁴-li⁴, n⁷choai¹³ i⁴-vi⁴.

17 Qui³nchja⁴ chjon⁴²-ve⁴ c⁷oi⁴qui³tso²: Tsin²-na³ x⁷in⁴-jin². Jesús qui³tso²-le⁴: Cjai¹ cjoa⁴qui²xi⁴ xi³ ca²si³, tsin²-na³ x⁷in⁴-jin². 18 Coan³ aon² x⁷in⁴ je³qui³s⁷e³-li². Je² xi³ tj¹in¹-li² nt⁷ai⁴-vi⁴, a³li² je² x⁷in⁴-li⁴. Je²-vi⁴ cjoa⁴qui²xi⁴ xi³ ca²si³. 19 Chjon⁴²-ve⁴ qui³tso²-le⁴: Señor, je³ti²ve³ nca³ ji³ xi³ no²cjoa⁴yai³ t⁷a³ts⁷e⁴ Ni³na¹. 20 Je² n⁷ai³-na⁴jin⁴ tsa³ve³xcon¹ Ni³na¹ i⁴ ni³nto³-vi⁴. To⁴nca³ jon² c⁷oa⁴vi³xcon¹³ nca³ ya⁴ Jerusalén ya⁴ ⁷nte³ jña³ nca³ ma³chjen¹ nca³ ⁷ya³xcon¹ Ni³na¹. 21 C⁷ia⁴ Jesús qui³tso²-le⁴: Chjon⁴², ca²ta³ma³cjain¹-li² nca³ cjoa⁴ai¹ hora, c⁷ia⁴ nca³ ni⁴i⁴-jin² ni³nto³-vi⁴, ni⁴ya⁴ Jerusalén-jin², jcha⁴xcon¹³ N⁷ai³-na¹. 22 Jon²-⁷ni³ ⁷ya³xcon¹³-nio³ xi³ tsi² tsa² ⁷yao³, to⁴nca³ jin⁴-jin⁴ ⁷ya³xcon¹-ni³jin⁴ xi³ ⁷yai³jin⁴, nca⁴ cho⁴ta⁴ judíos fa³ai³-ni³ xi³ v⁷a³sje³ntjai². 23 To⁴nca³ cjoa⁴ai¹ hora, c⁷oa⁴ je³ja³ai³, c⁷ia⁴ nca³ je² xi³ ña³qui³ cjoa⁴qui²xi⁴ ve³xcon¹ Ni³na¹, scoe⁴xcon¹ N⁷ai³-na¹ cao⁴ ni⁴ma⁴-le⁴ c⁷oa⁴ cao⁴ cjoa⁴ya³xcon¹ xi³ ña³qui³ c⁷oa⁴tjin¹, nca⁴ je² N⁷ai³-na¹ c⁷oa⁴-ti⁴ va¹sjai³ cho⁴ta⁴ xi³ c⁷oa⁴s⁷in² scoe⁴xcon¹ nca³ je². 24 Ni³na¹ espíritu ni¹. Je² xi³ ve³xcon¹ nca³ je², ma³chjen¹ nca³ ve³xcon¹ cao⁴ ni⁴ma⁴-le⁴ c⁷oa⁴ cao⁴ cjoa⁴ya³xcon¹ xi³ ña³qui³ c⁷oa⁴tjin¹. 25 C⁷ia⁴ chjon⁴²-ve⁴ c⁷oa⁴qui³tso²-le⁴: ⁷ve³-nia¹³ nca³ cjoa⁴ai¹ je² Mesías, je² xi³ Cristo ⁷mi². C⁷ia⁴ nca³ je² cjoa⁴ai¹, ña³qui³ c⁷oa⁴coi⁴tso⁴-na¹ jo³ chon³ nca³yi³je³. 26 Jesús c⁷oi⁴qui³tso²-le⁴: An³ nia¹³ je² xi³ fa²cao⁴-le²³. 27 C⁷ia⁴ ja³ai³ cho⁴ta⁴-le⁴. Jo³ to⁴coan³xcon¹-le⁴ nca³ Jesús ti¹fa¹cao⁴ jnco³ chjon⁴². To⁴nca³ ni⁴ya³-jin² xi³ qui³tso²: Jme¹-ni³ xi³ cho²na³nqui³, a³xo⁴ jme¹-ni³ en¹ xi³

cha²coai⁴ chjon⁴²-ve⁴. 28 C⁷ia⁴ chjon⁴²-ve⁴ tsa³c⁷e¹jna³
 ni³sa³-le⁴, qui³ ya⁴ na⁴xi⁴na³nta¹, c⁷oi⁴qui³tso²-
 le⁴ cho⁴ta⁴x⁷in⁴-ve⁴: 29 N³choao¹³ cho¹t³sen³-lao⁴³
 jnc³ cho⁴ta⁴ xi³ c⁷oa⁴qui³tso²-na³ nca³yi³je³ jo³
 qui³s⁷ian³. Tsa² je²-vi⁴ xi³ Cristo ⁷mi². 30 C⁷ia⁴
 cho⁴ta⁴ ji³tjo³-ni³ na⁴xi⁴na³nta¹, ja³⁷ai³n³ch⁷oe²
 nca³ je². 31 Je² cho⁴ta⁴-le⁴ Jesús tjio¹v⁷e¹ts⁷oa³-le⁴,
 c⁷oi⁴qui³tso²: Rabí, ti⁴chi³. 32 Jesús c⁷oi⁴qui³tso²-le⁴:
 Tjin¹-na³ xi³ va²cjen⁴-nia³ xi³ tsi² coi³ ⁷yao³ nca³
 jon². 33 C⁷ia⁴ cho⁴ta⁴-le⁴ nca³ i⁴ nca³ jan¹ nchja⁴cao⁴
 xi¹ncjin¹: ⁷ya¹-ni³ xi³ ca²fa³⁷ai³cao⁴-le⁴ xi³ coa⁴cjen⁴.
 34 Qui³nchja⁴ Jesús: Je² xi³ va²cjen⁴-nia³, nca³
 c⁷oa⁴s⁷ian³ jo³s⁷in² me³-le⁴ je² xi³ qui³si³ca³sen¹-na³
 c⁷oa⁴ nca³ si³jncoa³ xa¹-le⁴. 35 A³ tsi² tsa² vi³xon¹³
 nca³ jon²: Cha³-sa³ nqui²ño³ sa¹ nca³ coi⁴cho² je²
 ni⁴chjin³ nca³ s⁷e⁴xco¹ xi³ ma³jcha¹. Ne³ c⁷oa⁴xin³-
 no³, cho¹⁷ai²nquio³ xcon³, cho¹t³sen³-lao⁴³ son³⁷nte³,
 nca⁴ je³ji³cho²taon³ ni⁴chjin³-le⁴ nca³ s⁷e⁴xco¹. 36 Je²
 xi³ v⁷e¹xco¹ ntje⁴, ma³chji¹-le⁴. V⁷e¹xco¹ ntje⁴
 xi³ t⁷a³ts⁷e⁴ cjoa⁴vi³jna³chon³ nca³ntsjai², jme¹-
 ni³ nca³ c⁷oa⁴-ti⁴ je² xi³ v⁷e¹ntje² tjin¹-si¹ni³le⁴
 cjoa⁴tsjao³ cao⁴ je² xi³ v⁷e¹xco¹ ntje⁴. 37 Je²-vi⁴ en¹
 xi³ cjoa⁴qui²xi⁴: Jnc³ xi³ v⁷e¹ntje², c⁷oa⁴ cja⁴⁷ai¹-
⁷ni³ xi³ v⁷e¹xco¹ ntje⁴. 38 An³ qui³si³ca³sen¹³-no³
 nca³ c⁷oe¹xco¹³ ntje⁴ xi³ tsi² tsa² jon² qui³s⁷e³nqui³
 cjoa⁴ma⁴-no³ nca³ qui³ni²xa¹-lao⁴³. Cja⁴⁷ai¹
 xi³ qui³s⁷e³nqui³ cjoa⁴ma⁴-le⁴ nca³ qui³si³xa¹,
 c⁷oa⁴ jon² qui³ni²qui³njaon³. 39 Cjai¹nca³ ncjin²
 cho⁴ta⁴ samaritanos xi³ ya⁴ ts⁷e⁴ na⁴xi⁴na³nta¹-
 ve⁴ coan³cjain¹-le⁴ t⁷a³ts⁷e⁴ Jesús xi³ to⁴t⁷a³ts⁷e⁴
 en¹-le⁴ chjon⁴²-ve⁴ xi³ c⁷oa⁴s⁷in² qui³tsjao³ en¹-le⁴:

Ña³qui³ c⁷oa⁴qui³tso²-na³ nca³yi³je³ jo³ qui³s⁷ian³.
 40 Ncjin² cho⁴ta⁴ samaritanos ji³n³choa³n³ch⁷oe²
 Jesús, tsa³c⁷e¹ts⁷oa³-le⁴ nca³ ya⁴ ca²ta³v⁷e²jna³cao⁴.
 Jao² ni⁴čjin³ ya⁴ tsa³c⁷e²jna³ Jesús. 41 Nqui²sa⁴
 ncjin² cho⁴ta⁴ xi³ coan³cjain¹-le⁴ xi³ to⁴t⁷a³ts⁷e⁴
 en¹-le⁴ Jesús. 42 Cho⁴ta⁴ c⁷oa⁴qui³tso²-le⁴ chjon⁴²-
 ve⁴: A³li² tsa² to⁴coi³ nca³ ma³cjain¹-na³jin⁴ xi³
 to⁴t⁷a³ts⁷e⁴ en¹-li⁴. C⁷oa⁴-ti⁴ je³ca²no²⁷yai²⁴-jin⁴
 nca³ jin⁴, c⁷oa⁴ ⁷ya³-ni¹⁴jin⁴ nca³ je² xi³ ña³qui³
 cjoa⁴qui²xi⁴ v⁷a³sje³ntjai² cho⁴ta⁴, je² Cristo ⁷mi².

Jesús si¹nta³ jnco³ ⁷nti¹ti³

43 Xi³ coan³ jao²-ni³ ni⁴čjin³ ji³tjo³-ni³ nca³ya⁴.
 Qui³ ya⁴ Galilea. 44 Sa³⁷nta³ je² soa³ Jesús
 c⁷oa⁴qui³tso² nca³ jnco³ xi³ nchja⁴ya³ xi³ t⁷a³ts⁷e⁴
 Ni³na¹ li²coi³ ⁷ya³xcon¹ ya⁴ na³nqui³ xi³ ts⁷e⁴. 45 C⁷ia⁴
 nca³ ji³cho² ya⁴ Galilea, je² cho⁴ta⁴ galileos cjai¹nca³
 nta³ tsa³ve³tjao², nca³ je³tsa³⁷ya³-le⁴ nca³yi³je³ cjoa⁴
 xi³ qui³s⁷in³ ya⁴ Jerusalén c⁷ia⁴ nca³ s⁷oi¹, nca³
 c⁷oa⁴-ti⁴ qui³ cho⁴ta⁴-ve⁴ je² s⁷oi¹. 46 Nqui²ntia³
 ti⁴ja³⁷ai³-nca¹ni³ Jesús ya⁴ Caná xi³ ts⁷e⁴ Galilea,
 jña³ nca³ je² na³nta¹ qui³ts⁷on¹ya³ vino. Ya⁴
 Capernaum ti¹jna³ jnco³ xi³ ts⁷e⁴ cho⁴ta⁴ti¹tjon².
⁷nti¹-le⁴ ti¹m⁷en³. 47 C⁷ia⁴ nca³ qui³n³ch⁷oe¹ nca³
 Jesús ji³n³choa³-ni³ Judea, ja³⁷ai³ ya⁴ Galilea,
 qui³con³-le⁴ tsa³c⁷e¹ts⁷oa³-le⁴ nca³ ca²ta³vi³tjo³jen³,
 ca²ta³si¹xqui³-le⁴ ⁷nti¹-le⁴ nca³ je³me³m⁷en³. 48 C⁷ia⁴
 Jesús c⁷oi⁴qui³tso²-le⁴: Tsa² tsi² tsa² jchao⁴³ choa⁴
 c⁷oa⁴ cjoa⁴xcon¹, li²coi³ coan⁴cjain¹-no³. 49 Je²
 xi³ ts⁷e⁴ cho⁴ta⁴ti¹tjon² c⁷oi⁴qui³tso²: Señor, t⁷ian⁴-
 nai¹³ cjoa⁴nta³, n³choa¹jain³ nca³ cje³ m⁷en³-jin²

ʔnti¹-na⁴. 50 Jesús cʔoi⁴qui³tso²-le⁴: Tʔin³, ʔnti¹-li⁴ ti¹jna³con³-ni¹. Je² cho⁴ta⁴-ve⁴ coan³cjain¹-le⁴ en¹-le⁴ Jesús. Qui³-ʔni³. 51 Cʔia⁴ nca³ je³ti¹fi³cho²jen³ cho⁴ta⁴-ve⁴, je² cho⁴ta⁴cho⁴ʔnta³-le⁴ ji³tjo³nč^ʔoe² cʔoa⁴qui³tso²-le⁴: ʔnti¹-li⁴ ti¹jna³con³-ni¹. 52 Cʔia⁴ je² qui³sco²na³nqui³-ni³le⁴ jo³ chon³ nca³ coan³xan⁴-ni³le⁴. Cʔoi⁴qui³tso²-le⁴: Nco²jña⁴ la una coan³xan⁴-le⁴ ntʔai⁴. 53 Cʔia⁴ qui³sʔe³jjin³nta³-le⁴ nʔai³-le⁴ nca³ ti⁴coi³-ni³ hora-ve⁴ cʔia⁴ nca³ Jesús cʔoa⁴qui³tso²-le⁴: ʔnti¹-li⁴ ti¹jna³con³-ni¹. Coan³cjain¹-le⁴ nca³ je² cao⁴ nca³tsʔi³ xi³ tjio¹ ni³ʔya³-le⁴. 54 Je² xi³ coan³ jao² cʔa³-ni³ choa⁴ xi³ qui³tsjoa³ Jesús nca³ ji³nčhoa³-ni³ Judea nca³ ja³ʔai³ ya⁴ Galilea.

5

Jnco³ xi³ ti¹mʔen³ ya⁴ Betesda

1 Xi³ je³coan³ je² cjoa⁴ je²-vi⁴, jnco³ ni⁴čhjin³ sʔoi¹ tsʔe⁴ cho⁴ta⁴ judíos qui³mi³ Jesús ya⁴ Jerusalén.
 2 Ti¹jna³ ya⁴ Jerusalén ya⁴ xo⁴ntjoa⁴ nchʔoa¹-le⁴ cho⁴ jnco³ tanque na³nta¹ xi³ Betesda ʔmi² nca³ en¹ hebreo. Aon² corredor tjjin¹-le⁴.
 3 Ya⁴nqui³ corredor cjai¹nca³ ncjin² cho⁴ta⁴ cjio³ xi³ tjio¹mʔen³, xi³ xca⁴, xi³ chi⁴ʔnque¹, xi³ qui³xi² cjoan³, xi³ tjio¹co³ya³-le⁴ nca³ jtjin¹ya³ na³nta¹-ve⁴.
 4 Ja⁴sa³cʔoa⁴ tjjin¹ ni⁴čhjin³ cʔia⁴ nca³ jnco³ a²ncje⁴ vi³tjo³jen³ya³ tanque-ve⁴, cʔoa⁴ si¹cʔo¹jjin³ na³nta¹-ve⁴. Je² xi³ ti¹tjon² vi³tjo³jen³ya³ tanque-ve⁴ nca³ je³qui³tin²ya³ na³nta¹-ve⁴, coan³nta³-ni³ to⁴jña³-ni³le⁴ chʔin³ xi³ tjjin¹-le⁴. 5 Ya⁴ ti¹jna³ jnco³ cho⁴ta⁴xʔin⁴ xi³ coan³ can³ čhja³ʔaon²-jan² no¹ ti¹mʔen³. 6 Cʔia⁴ nca³

Jesús tsa³ve³ nca³ ti¹qui³jna³ cho⁴ta⁴-ve⁴, coan³jⁱⁿ³-le⁴ nca³ n⁷ion¹ coa²tse³ nca³ ti¹m⁷en³, c⁷oi⁴qui³tso²-le⁴: A³ me³-li² nca³ coan⁴ntai³. 7 Qui³nchja⁴ xi³ ti¹m⁷en³: Señor, tsin²-na³ cho⁴ta⁴x⁷in⁴-jin² xi³ c⁷oa⁴nc⁷a³-na³, xi³ si⁴²ca²jna³ya³-na³ tanque c⁷ia⁴ nca³ ma³tin²ya³ na³nta¹-ve⁴. Tjen⁴ an³ n⁷choa¹³ cja⁴⁷ai¹ xi³ je³ji³tjo³jen³ya³ ti¹tjon²-na³. 8 Jesús c⁷oi⁴qui³tso²-le⁴: Ti²so⁴tjain⁴, chjoai¹³ ni³jña³-li⁴, c⁷oa⁴ to²mjain³. 9 Nti⁴ton⁴ coan³nta³ cho⁴ta⁴-ve⁴, qui³scoe¹ ni³jña³-le⁴, qui³⁷ni³. C⁷ia⁴ je² ni⁴čhjin³-ve⁴ ni⁴čhjin³ ni²cja¹ya³ ni¹. 10 C⁷ia⁴ cho⁴ta⁴ judíos qui³tso²-le⁴ xi³ coan³nta³-ve⁴: Ni⁴čhjin³ ni²cja¹ya³ nt⁷ai⁴-vi⁴. Tsin²-li² n⁷te³-jin² nca³ jch⁷ai⁴ ni³jña³-li⁴. 11 Cho⁴ta⁴-ve⁴ qui³tso²-le⁴: Je² xi³ ca²si¹nta³-na³, je² soa³ c⁷oa⁴ca²tso²-na³: Chjoai¹³ ni³jña³-li⁴, c⁷oa⁴ to²mjain³. 12 C⁷ia⁴ qui³sco²na³nqui³-le⁴: ya¹ xi³ c⁷oa⁴ca²tso²-li²: Chjoai¹³ ni³jña³-li⁴, c⁷oa⁴ to²mjain³. 13 Je² xi³ coan³nta³-ve⁴ li²coi³ ve³ ya³-ni³ve⁴, nca⁴ Jesús ji³tjo³xin²jin³-le⁴ cho⁴ta⁴ xi³ tjio¹ ya⁴ n⁷te³-ve⁴. 14 C⁷ia⁴ nca³ coan³scan³-ni³ Jesús qui³sa³te³jin³-nca¹ni³ cho⁴ta⁴-ve⁴ ya⁴³ yo⁴nco⁴, c⁷oi⁴qui³tso²-le⁴: Coe⁴-ni³ je³coan³ntai³, a³li² ti⁴je¹-jin² vi³jnchi³-ni³, jme¹-ni³ nca³ tsi² tsa² ti⁴cjoa⁴⁷ai¹ne²-ni³li² xi³ nqui²sa⁴ to⁴⁷ai¹ tjin¹. 15 Cho⁴ta⁴-ve⁴ qui³, c⁷oa⁴qui³tso²-le⁴ cho⁴ta⁴ judíos: Je² Jesús xi³ qui³si³nta³-na³. 16 To⁴coi³ cjoa⁴-vi⁴ je² cho⁴ta⁴ judíos qui³tjen⁴nqui³ co²ntran⁴-le⁴ Jesús, me³-le⁴ nca³ si⁴²c⁷en³, nca³ Jesús c⁷oi⁴qui³s⁷in³ ni⁴čhjin³ ni²cja¹ya³. 17 Jesús c⁷oi⁴qui³tso²-le⁴: Je² N⁷ai³-na⁴ si¹xa¹ sa³⁷nta³ nt⁷ai⁴-vi⁴, c⁷oa⁴ an³ si³xa¹³. 18 C⁷ia⁴ nqui²sa⁴ to⁴n⁷ion¹ me³-le⁴ cho⁴ta⁴ judíos nca³

si⁴²c⁷en³, nca⁴ tsi² tsa² to⁴je² ni⁴čhjin³ ni²cja¹ya³
ti¹fa³⁷a³to³ntjai². C⁷oa⁴²-ti⁴ Jesús N⁷ai³-na⁴ qui³tso²-
le⁴ Ni³na¹, c⁷oa⁴s⁷in² ti¹si¹nco¹son² yao³-le⁴ cao⁴
Ni³na¹.

Je² ʔnti¹-le⁴ Ni³na¹ xi³ v⁷e¹nta³j³in³-le⁴ nca³ts⁷i³

19 C⁷ia⁴ Jesús c⁷oi⁴qui³tso²-le⁴: Ña³qui³ cjoa⁴qui²xi⁴
ña³qui³ cjoa⁴qui²xi⁴ xi³ xin³-no³: Li²jme³ xi³ ma³
s⁷in¹ ʔnti¹ nca³ to⁴je²-ni¹, to⁴coi³ xi³ je² ve³ jo³ s⁷in¹
N⁷ai³-na¹. Je² nca³yi³je³ xi³ s⁷in¹ N⁷ai³-na¹, c⁷oa⁴-ti⁴
s⁷in¹ ʔnti¹-le⁴. 20 Je² N⁷ai³-le⁴ cjai¹nca³ to⁴tsjoa³que³
ʔnti¹-le⁴, c⁷oa⁴s⁷in² va³co¹-le⁴ nca³yi³je³ xi³ c⁷oa⁴s⁷in¹
nca³ je². To⁴jo³ coa⁴co²sa³le⁴ jña³-le⁴ xi³ nqui²-
sa⁴ xcon¹ tj³in¹, jme¹-ni³ nca³ to⁴coan⁴xcon¹-
si¹ni³no³. 21 Jo³s⁷in² je² N⁷ai³-na¹ cjo³mi³tjen⁴ c⁷en³,
tsjoa¹-le⁴ cjoa⁴vi³jna³chon³, c⁷oa⁴-ti⁴s⁷in²ni³ ʔnti¹-
le⁴ tsjoa¹-le⁴ cjoa⁴vi³jna³chon³ ʔya³ xi³ me³-le⁴.
22 Tsi² tsa² je² N⁷ai³-na¹ xi³ v⁷e¹nta³j³in³-le⁴ cho⁴ta⁴,
to⁴nca³ coi³ xa¹ tsa³c⁷e¹jna³ya³-ni³ ntsja³ ʔnti¹-le⁴,
23 jme¹-ni³ nca³ c⁷oa⁴s⁷in² nca³ts⁷i³ scoe⁴xcon¹-
si¹ni³ ʔnti¹-le⁴ jo³s⁷in² ve³xcon¹ N⁷ai³-na¹. Je²
xi³ tsi² ve³xcon¹ ʔnti¹-le⁴, c⁷oa⁴-ti⁴ tsi² ve³xcon¹
N⁷ai³-na¹ xi³ qui³si³ca³sen¹ ʔnti¹-le⁴. 24 Ña³qui³
cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Je²
xi³ nčh⁷oe¹ en¹-na⁴, c⁷oa⁴ xi³ ma³cjain¹-le⁴ t⁷a³ts⁷e⁴
je² xi³ qui³si³ca³sen¹-na³, tj³in¹-le⁴ cjoa⁴vi³jna³chon³
nca³ntsja². Li²jme³ cjoa⁴ñ⁷ain³ s⁷e⁴-le⁴, to⁴nca³
je³ji³tjo³-ni³ cjoa⁴vi³ya³, je³tj³in¹-le⁴ cjoa⁴vi³jna³chon³.
25 Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-
no³: Cjoa⁴⁷ai¹ hora, c⁷oa⁴ je³ja³⁷ai³, c⁷ia⁴ nca³ je²
xi³ c⁷en³ cjo⁴i⁴nčh⁷oe¹ jta⁴-le⁴ ʔnti¹-le⁴ Ni³na¹. Je² xi³

cjoi⁴nč⁷oe¹ coa⁴tio⁴con³-ni¹. 26 Jo³s⁷in² nca³ N⁷ai³-na¹ tj¹in¹-le⁴ cjoa⁴vi³jna³chon³ xi³ ti⁴t⁷a³ts⁷e⁴-ni³, c⁷oa⁴-ti⁴s⁷in²ni³ qui³tsjoa³-le⁴ [?]nti¹-le⁴ nca³ tj¹in¹-le⁴ cjoa⁴vi³jna³chon³ xi³ ti⁴t⁷a³ts⁷e⁴-ni³. 27 C⁷oa⁴-ti⁴ qui³tsjoa³-le⁴ cjoa⁴te¹xo³ma³ nca³ c⁷oe⁴2nta³j¹in³, nca⁴ je² ni¹ xi³ [?]nti¹-le⁴ cho⁴ta⁴. 28 A³li² ma³xcon¹-j¹in²no³ je²-vi⁴. Cjoa⁴ai¹ hora c⁷ia⁴ nca³ je² nca³ts⁷i³ xi³ tj¹io¹ ya⁴ nch⁷oa¹c⁷en³ cjo⁴nč⁷oe¹-le⁴ j¹ta⁴-le⁴. 29 C⁷oa⁴ coi⁴tjo³-ni³ nca³ts⁷i³, je² xi³ cjoa⁴nta³ qui³s⁷in³ cjoa⁴a¹ya³-ni³le⁴, s⁷e⁴-le⁴ cjoa⁴vi³jna³chon³, to⁴nca³ je² xi³ cjoa⁴ts⁷en⁴ qui³s⁷in³ cjoa⁴a¹ya³-ni³le⁴, s⁷e⁴-le⁴ cjoa⁴ñ⁷ain³.

Je² testigo xi³ t⁷a³ts⁷e⁴ Cristo

30 A³li²jme³ xi³ ma³ s⁷ian³ nca³ to⁴an³. Jo³s⁷in² nč⁷oe³-le⁴ N⁷ai³-na¹, c⁷oa⁴s⁷in² v⁷e³nta³j¹ian³. V⁷e³nta³j¹ian³ xi³ cjoa⁴qui²xi⁴, nca⁴ tsi² tsa² an³ va³sje²³ jo³s⁷in² me³-na³, to⁴nca³ to⁴jo³-s⁷in² me³-le⁴ je² xi³ qui³si³ca³sen¹-na³, je² N⁷ai³-na¹. 31 Tsa² ti⁴an³-nia³ tsjoa³ en¹ xi³ t⁷a³ts⁷an⁴, je² en¹-na⁴ li²coi³ cjoa⁴qui²xi⁴. 32 Cja⁴ai¹ xi³ tsjoa¹ en¹ xi³ t⁷a³ts⁷an⁴. [?]ve³-nia¹³ nca³ je² xi³ c⁷oa⁴tso² xi³ t⁷a³ts⁷an⁴, ña³qui³ cjoa⁴qui²xi⁴-ni¹ xi³ tso². 33 Jon² qui³ni²ca³sen¹chon³-lao⁴³ Juan. Je²-vi⁴ xi³ qui³tsjoa³ en¹-le⁴ xi³ t⁷a³ts⁷e⁴ xi³ cjoa⁴qui²xi⁴. 34 To⁴nca³ an³ li²coi³ va³sje³sian²³ en¹ xi³ tsjoa¹ cho⁴ta⁴. Coi³ c⁷oa⁴xian³, jme¹-ni³ nca³ jon² coi²tjo⁴ntjai²-si¹nio³. 35 Juan xi³ jo³-ni³ tsa² l⁷i¹ xi³ ti⁴ti², c⁷oa⁴ xi³ si¹i³sen³. C⁷oa⁴ jon²-[?]ni³ coan³me³-no³ nca³ qui³ni²tsjoa³ i⁴tse¹-lao⁴³ yao³-no³ jnco³ tjo² cao⁴ xi³ i³sen³-le⁴. 36 To⁴nca³ an³ tj¹in¹-na³ xi³ nqui²sa⁴ nta³ si¹qui²xi⁴ya³nta³ xi³

t'a³ts'an⁴ cao⁴-ni³ tsa² je² xi³ ts'e⁴ Juan. Je² xa¹ xi³ qui³tsjoa³-na³ N'ai³-na¹ nca³ si³jncoa²³, ti⁴je²-ni³ xa¹ xi³ c'oa⁴s'ian³, c'oa⁴s'in² si¹qui²xi⁴ya³nta³ t'a³ts'an⁴ nca³ qui³si³ca³sen¹-na³ N'ai³-na¹. 37 Je² xi³ qui³si³ca³sen¹-na³, je² N'ai³-na¹, je² xi³ qui³tsjoa³ en¹ xi³ t'a³ts'an⁴. Ni⁴c'ia³-jin² qui³no²yao²³ jta⁴-le⁴, ni⁴ tsa³ya³-jion²³ jo³ cji³ nca³ je². 38 Ni⁴ tjin¹jjin³ntsjai²-jin²no³ en¹-le⁴, nca³ je² xi³ Ni³na¹ qui³si³ca³sen¹, li²coi³ ma³cjain¹-no³ xi³ t'a³ts'e⁴. 39 Jon² fa³sjai³jion³ xon⁴ Escrituras, nca⁴ jon² ni²cja³ai³tsjaon³ nca³ c'oa⁴s'in² s'e⁴-no³ cjoa⁴vi³jna³chon³ nca³ntsjai². Je² xon⁴ Escrituras xi³ tsjoa¹ en¹ xi³ t'a³ts'an⁴. 40 Jon²-ni³ cai³-no³ n'choa¹n'ch'oe²-nao¹³, jme¹-ni³ nca³ c'oa⁴s'in² s'e⁴-si¹ni³no³ cjoa⁴vi³jna³chon³. 41 An³ li²coi³ cjoe¹ je² cjoa⁴je³ya³ xi³ tsjoa¹-le⁴ xi¹ncjin¹ cho⁴ta⁴. 42 To⁴nca³ an³ ve³xcon³-no³ nca³ tsi² tsa² tsjoa³chao³ Ni³na¹ nca³ jon². 43 Ja²ai⁴-nia¹³ cao⁴ jan³ain¹-le⁴ N'ai³-na⁴, to⁴nca³ jon² li²coi³ chjoe¹-nao¹³. Tsa² cja⁴ai¹ xi³ cjoa⁴ai¹ cao⁴ ti⁴ts'e⁴-ni³ jan³ain¹, c'oa⁴ to⁴sa³ je² chjoao¹³-ni³. 44 Jo¹s'in² coan⁴cjain¹-no³ nca³ jon² xi³ chjoao¹³ cjoa⁴je³ya³ xi³ cho⁴ta⁴ tsjoa¹-le⁴ xi¹ncjin¹, c'oa⁴ li²coi³ fa³sjao³ je² cjoa⁴je³ya³ xi³ to⁴jnc³ je² Ni³na¹ tsjoa¹. 45 A³li² ni²cja³ai³tsjen³-jion²³ tsa² an³ xi³ coa³nqui³-no³ nqui³xcon⁴ N'ai³-na¹. Tjin¹ xi³ c'oa⁴s'in² va¹nqui³-no³, je² Moisés, ti⁴je²-ni³ xi³ n'ion¹t'a³ ta³con²³. 46 C'ia⁴ tsa² jon² coan³cjain¹-no³ jo³ qui³tso² Moisés, coan⁴cjain¹-no³ xi³ t'a³ts'an⁴ tsa²cai³-ni³, nca⁴ je² xi³ qui³-squi³ xi³ t'a³ts'an⁴. 47 Tsa² tsi² tsa² ma³cjain¹-no³ jo³ tso² xon⁴-le⁴ Moisés, jo¹-s'in²ni³ coan⁴cjain¹-no³ en¹-na⁴.

6

Jesús si¹cjen² aon² jmi³ cho⁴ta⁴

(Mt. 14:13-21; Mr. 6:30-44; Lc. 9:10-17)

¹ Xi³ coan³ je² cjoa⁴-vi⁴, Jesús qui³ xi³ncoa³nta¹-ni³ nta¹chi³con³ Galilea ya⁴ ts⁷e⁴ Tiberias. ² Jo³nca³ ncjin² cho⁴ta⁴ qui³tjen⁴nqui³-le⁴, nca⁴tsa³ve³ je² choa⁴ xi³ qui³tsjoa³ Jesús, nca³c⁷oa⁴-s⁷in² qui³si³nta³ xi³ tjio¹m⁷en³. ³ Jesús qui³mi³jon³ ni³nto³, ya⁴ tsa³c⁷e²jna³ cao⁴ cho⁴ta⁴-le⁴. ⁴ Je³n³choa¹chian³-le⁴ s⁷oi¹ pa²xco⁴ xi³ ts⁷e⁴ cho⁴ta⁴ judíos. ⁵ C⁷ia⁴ nca³ Jesús qui³sco²tsen³-le⁴, tsa³ve³ nca³ li² c⁷oa⁴cji³ cho⁴ta⁴ xi³ ja³⁷ai³con²-le⁴. C⁷oi⁴qui³tso²-le⁴ Felipe: Jña¹ coi⁴nta¹ nio⁴xti²la⁴ xi³ coa⁴cjen⁴ cho⁴ta⁴-vi⁴. ⁶ To⁴c⁷oa⁴²qui³tso²-le⁴ nca³ qui³sco²t⁷a³-ni³ Felipe, nca⁴ je³tjin¹j³in³-le⁴ jo³s⁷in⁴². ⁷ Felipe qui³nchja⁴: Li²coi³ coan⁴-ni³le⁴ jao²ciento vi²xo⁴ nio⁴xti²la⁴, jme¹-ni³ nca³ i⁴tse¹⁷i⁴tse¹squi⁴ne⁴-si¹ni³ nca³ts⁷i³. ⁸ C⁷ia⁴ jnco³ cho⁴ta⁴-le⁴, je² Andrés, nts⁷e⁴ Simón Pedro, c⁷oi⁴qui³tso²-le⁴. ⁹ Jnco³ ti³ ti¹jna³ i⁴-vi⁴, aon² ma³-ni³ nio⁴xti²la⁴ cebada-le⁴ c⁷oa⁴ jao² ma³-ni³ jti⁴ y⁷a³. Jo¹ tj³in¹ coan⁴-le⁴ xo⁴na⁴tj³in¹-vi⁴, nca⁴ ncjin² ma³-ni³. ¹⁰ C⁷ia⁴ c⁷oi⁴qui³tso² Jesús: Ca²ta³va³tio²ts⁷i³ cho⁴ta⁴-vi⁴. Cjai¹nca³ tj³in¹ li⁴ji⁴ ya⁴ nte³-ve⁴. Tsa³ca³tio² jo³-ni³ tsa² aon² jmi³ xi³ cho⁴ta⁴x⁷in⁴. ¹¹ Jesús qui³sco¹ je² nio⁴xti²la⁴-ve⁴. C⁷ia⁴ nca³ je³qui³tsjoa³-le⁴ cjoa⁴nta³ Ni³na¹, qui³si³c⁷a³vi¹-le⁴ cho⁴ta⁴-le⁴. C⁷oa⁴ je² cho⁴ta⁴-le⁴ve⁴ qui³si³c⁷a³vi¹-le⁴ je² cho⁴ta⁴ xi³c⁷a³ xi³ ya⁴ tjio¹. Ti⁴c⁷oa⁴-s⁷in²ni³ qui³tsjoa³ jti⁴, jo³ tj³in¹ coan³me³-le⁴. ¹² C⁷ia⁴ nca³ nta³ coan³squi³ cho⁴ta⁴-ve⁴, Jesús c⁷oi⁴qui³tso²-le⁴

cho⁴ta⁴-le⁴: T⁷e²xco¹³ xcoa⁴-le⁴ xi³ ca²v⁷a³nqui³,
 jme¹-ni³ nca³ tsi² cjoitson¹-si¹ni³. 13 Tsa³c⁷e¹xco¹,
 te³jao²-la⁴ ni⁴sin⁴ya¹ coan³ je² xcoa⁴-le⁴ je² aon²
 nio⁴xti²la⁴ cebada xi³ ts⁷a³nqui³ nca³ je³t³a³cjen²
 cho⁴ta⁴. 14 C⁷ia⁴ nca³ tsa³ve³ je² choa⁴ xi³ qui³tsjoa³
 Jesús, c⁷oi⁴qui³tso² cho⁴ta⁴-ve⁴: Je²-vi⁴ xi³ ña³qui³
 cjoa⁴qui²xi⁴ nchja⁴ya³ t⁷a³ts⁷e⁴ Ni³na¹, je² xi³ tjin¹-
 ni³ nca³ cjoa⁴ai¹ son³nte³.

Jesús tso²va³son² nta¹chi³con³

(Mt. 14:22-27; Mr. 6:45-52)

15 Tsen³ coan³-le⁴ Jesús nca³ me³-le⁴ nca³ cjoa⁴ai¹
 tsoa⁴, nca³ cho⁴ta⁴ti¹tjon²-le⁴ s⁷in⁴. Ti⁴qui³-nca¹ni³
 ni³nto³ nca³ to⁷je². 16 C⁷ia⁴ nca³ je³coan³xon²,
 ji³tjo³jen³ cho⁴ta⁴-le⁴, ji³cho² ya⁴ ntai³ nta¹chi³con³.
 17 Ja³a³s⁷en³ jnco³ chi³tso³, qui³ ya⁴ Capernaum,
 n⁷choa¹-ni³ xi³ncoa³nta¹. Je³coan³njon², to⁴nca³ Jesús
 cje³ fa³ai³con²-jin²le⁴. 18 Jo³ qui³tsin³nc⁷a³ na³nta¹
 nca³ je² ntjao⁴ xi³ n⁷ion¹ ja³a³. 19 C⁷ia⁴ nca³ je³qui³
 jo³-ni³ tsa² jnco³ hora, cho⁴ta⁴-le⁴ tsa³ve³ Jesús
 nca³ tso²va³son² nta¹chi³con³, ti¹n⁷choa¹chian³-le⁴
 ya⁴ chi³tso³. Jo³ nca³ qui³t³a³cjon¹-le⁴ cho⁴ta⁴-le⁴.
 20 To⁴nca³ Jesús c⁷oi⁴qui³tso²-le⁴: An³ nia¹³, a³li²
 jcon³-jion²³. 21 C⁷ia⁴ cho⁴ta⁴-le⁴ coan³tsjoa³-le⁴ nca³
 qui³scoe¹s⁷en³ Jesús ya⁴ya³ chi³tso³. Nti⁴ton⁴ ji³cho²
 chi³tso³ ya⁴ nte³ ña³ nca³ tjio¹fi².

Cho⁴ta⁴ va¹sjai³ Jesús

22 Xi³ coan³ nchaon³ je² cho⁴ta⁴ xi³ tjio¹
 xi³ncoa³nta¹ jan¹ tsa³ve³ nca³ tsin²-sa³ chi³tso³ ya⁴-
 ve⁴, to⁴jnco³ ma³-ni³ je² xi³ qui³ya³ cho⁴ta⁴-le⁴ Jesús.
 To⁴nca³ Jesús li²coi³ ja³a³s⁷en³, to⁴je² cho⁴ta⁴-le⁴ xi³

qui³. 23 Xi³ cja⁴⁷ai¹ chi³tso³ ja³⁷ai³-ni³ ya⁴ Tiberias, ya⁴ čhian³ jña³ nca³ tsa³cjen² nio⁴xti²la⁴ c⁷ia⁴ nca³ je² Nai³-na¹ je³qui³tsjoa³ cjoa⁴nta³. 24 C⁷ia⁴ nca³ tsa³ve³ cho⁴ta⁴ nca³ Jesús li² ya⁴ ti¹jna³, ni⁴cho⁴ta⁴-le⁴jín², je² cho⁴ta⁴ xi³ tjio¹-sa³ve⁴ qui³s⁷en³ ya⁴ chi³tso³-ve⁴, ja³⁷ai³ ya⁴ Capernaum, tsa³ca¹sjai³ Jesús.

Jesús je² nio⁴xti²la⁴ xi³ tsjoa¹ cjoa⁴vi³jna³chon³

25 C⁷ia⁴ nca³ qui³sa³te³jín³ xi³ncoa³nta¹ jan¹, c⁷oi⁴qui³tso²-le⁴: Rabí, c⁷ia¹ ja²⁷ai⁴ i⁴-vi⁴. 26 Jesús c⁷oi⁴qui³tso²-le⁴: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³, nca³ jon² ti³vi³jínchi³sjai³-nao¹³, a³li²coi³-jín² nca³ je² choa⁴ qui³⁷yao³, to⁴coi³ nca³ tsa³qui³cho³ nio⁴xti²la⁴, c⁷oa⁴ coan³squo³. 27 Ti⁴xao¹³ a³li² to⁴t⁷a³ts⁷e⁴ je² xi³ vi³cha³² xi³ fi³tson³, to⁴nca³ t⁷a³ts⁷e⁴ je² xi³ vi³cha³² xi³ ti¹jna³ntsjai² xi³ tsjoa¹ cjoa⁴vi³jna³chon³ nca³ntsjai², xi³ je² ?nti¹-le⁴ Ni³na¹ tsjoa¹-no³. Je² ?nti¹-le⁴ xi³ N⁷ai³-na¹ Ni³na¹ tsa³c⁷e¹choa⁴. 28 Cho⁴ta⁴-ve⁴ c⁷oi⁴qui³tso²-le⁴ Jesús: Jme¹ xi³ s⁷iain⁴-jín⁴, jme¹-ni³ nca³ si⁴xa¹-si¹ni³lai⁴jín⁴ Ni³na¹ jo³-s⁷in² me³-le⁴. 29 Jesús c⁷oi⁴qui³tso²-le⁴: Je²-vi⁴ xa¹ xi³ me³-le⁴ Ni³na¹, nca³ c⁷oa⁴-s⁷in² coan⁴cjain¹-no³ xi³ t⁷a³ts⁷e⁴ je² Cristo xi³ Ni³na¹ qui³si³ca³sen¹. 30 C⁷ia⁴ cho⁴ta⁴-ve⁴ c⁷oi⁴qui³tso²-le⁴ni³: Jme¹-ni³ choa⁴ xi³ c⁷oi⁴-na³jín⁴, jme¹-ni³ nca³ c⁷oa⁴-s⁷in² jcha⁴-si¹ni³jín⁴, c⁷oa⁴ coan⁴cjain¹-na³jín⁴ xi³ t⁷a³tsi⁴. Jme¹ xa¹ xi³ n⁷iain²³ ji³. 31 Ne³ je² n⁷ai³jcha¹cjín³-na¹ tsa³cjen² je² nio⁴xti²la⁴ maná ya⁴ ?nte³t⁷a³xin²t⁷a³, jo³-s⁷in² tji¹t⁷a³ xon⁴: Qui³si³cjen² je² nio⁴xti²la⁴ xi³ ja³⁷ai³-ni³ nc⁷a³jmi³. 32 C⁷ia⁴ Jesús qui³tso²-le⁴: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³

xin³-no³: A³li²coi³ je² Moisés xi³ qui³tsjoa³-no³ je² nio⁴xti²la⁴ xi³ nc⁷a³jmi³ ja³⁷ai³-ni³, to⁴nca³ N⁷ai³-na⁴ je²-vi⁴ xi³ tsjoa¹-no³ je² nio⁴xti²la⁴ xi³ nc⁷a³jmi³ fa³⁷ai³-ni³ xi³ ña³qui³ cjoa⁴qui²xi⁴. 33 Je² nio⁴xti²la⁴ xi³ ts⁷e⁴ Ni³na¹, je² xi³ vi³tjo³jen³-ni³ nc⁷a³jmi³, xi³ tsjoa¹-le⁴ cjoa⁴vi³jna³chon³ cho⁴ta⁴son³⁷nte³. 34 Cho⁴ta⁴-ve⁴ c⁷oi⁴qui³tso²-le⁴: Señor, t⁷ai²ntsjai²-na³jin⁴ je² nio⁴xti²la⁴ je²-vi⁴. 35 Jesús qui³tso²-le⁴: An³ nia¹³ je² nio⁴xti²la⁴ xi³ tsjoa¹ cjoa⁴vi³jna³chon³. Je² xi³ fa³⁷ai³con²-na³ nca³ an³, a³li² c⁷ia³ coan⁴vao³-le⁴. Je² xi³ ma³cjain¹-le⁴ xi³ t⁷a³ts⁷an⁴, a³li² c⁷ia³ coan⁴fa³ti²-le⁴. 36 To⁴nca³ c⁷oa⁴qui³xin³-no³, nta³ tsa² an³ je³tsa³⁷ya³-nao¹³, li²coi³ ma³cjain¹-no³. 37 Je² nca³ts⁷i³ xi³ tsjoa¹-na³ N⁷ai³-na¹ cjoa⁴⁷ai¹con³-na³, c⁷oa⁴ je² xi³ fa³⁷ai³con²-na³, an³ li²coi³ m⁷aon³sje³. 38 Li²coi³ ji²tjo⁴jen³-nia³ nc⁷a³jmi³, jme¹-ni³ nca³ c⁷oa⁴s⁷in³-si¹nia³ jo³-s⁷in² me³-na³ nca³ an³, to⁴nca³ jo³-s⁷in² nca³ me³-le⁴ je² N⁷ai³-na¹ xi³ qui³si³ca³sen¹-na³. 39 Coi³ xi³ me³-le⁴ je² N⁷ai³-na¹ xi³ qui³si³ca³sen¹-na³, nca³ ni⁴jnco³-jin² cha⁴-na³ je² nca³ts⁷i³ xi³ je² qui³tsjoa³-na³, to⁴nca³ an³ si³cja³⁷a¹ya³-ni³le⁴ nca³ coi⁴cho³cje³t⁷a³ ni⁴čhjin³. 40 C⁷oa⁴ coi³ xi³ me³-le⁴ je² xi³ qui³si³ca³sen¹-na³, nca³ je² nca³ts⁷i³ xi³ ve³ ⁷nti¹-le⁴, c⁷oa⁴ xi³ ma³cjain¹-le⁴ t⁷a³ts⁷e⁴, ca²ta³s⁷e³-le⁴ cjoa⁴vi³jna³chon³ nca³ntsjai². C⁷oa⁴ an³ si³cja³⁷a¹ya³-ni³le⁴ nca³ coi⁴cho³cje³t⁷a³ ni⁴čhjin³. 41 C⁷ia⁴ cho⁴ta⁴ judíos tsa³cjao¹ya³-ni³ xi³ t⁷a³ts⁷e⁴ nca³ c⁷oi⁴qui³tso²: An³ nia¹³ nio⁴xti²la⁴ xi³ ji²tjo⁴jen³-nia³ nc⁷a³jmi³. 42 Cho⁴ta⁴ judíos c⁷oi⁴qui³tso²: A³ tsi² tsa² je²-vi⁴ Jesús, ⁷nti¹-le⁴ José. ⁷ya³xcon³-nia¹ n⁷ai³-le⁴

cao⁴ na⁴-le⁴. A¹-ni³ c²oa⁴tso²-si¹ni³: Ji²tjo⁴jen³-nia³
 nc²a³jmi³. 43 C²'ia⁴ Jesús c²oi⁴qui³tso²-le⁴: A³li² c²oa⁴-
 jin²s²in² cho⁴va²ya³-nio³ xi²nquio⁴³. 44 Ni⁴⁷ya³-jin²
 xi³ coan⁴ nca³ cjoa⁴⁷ai¹con³-na³, tsa² je² N²ai³-
 na¹ xi³ qui³si³ca³sen¹-na³ li²coi³ cjoa⁴⁷ai¹cao⁴. An³
 si³cja³⁷a¹ya³-ni³le⁴ nca³ coi⁴cho³cje³t²a³ ni⁴čhjin³.
 45 Je² xi³ qui³nchja⁴ya³ t²a³ts²e⁴ Ni³na¹, c²oa⁴-s²in²
 qui³squi³: Ni³na¹ coa⁴co²ya³-le⁴ nca³ts²i³. C²oa⁴-
 s²in²ni³ je² nca³ts²i³ xi³ qui³nčh²oe¹-le⁴ N²ai³-na¹,
 xi³ coan³cho⁴ya³-le⁴, an³ fa³⁷ai³con²-na³. 46 Li²ya³
 xi³ tsa³ve³ N²ai³-na¹ to⁴je² xi³ ja³⁷ai³ xi³ ts²e⁴ Ni³na¹,
 je²-vi⁴ xi³ tsa³ve³ N²ai³-na¹. 47 Ña³qui³ cjoa⁴qui²xi⁴
 ña³qui³ cjoa⁴qui²xi⁴ xi³ xin³-no³: Je² xi³ ma³cjain¹-le⁴
 xi³ t²a³ts²an⁴, tjin¹-le⁴ cjoa⁴vi³jna³chon³ nca³ntsjai².
 48 An³ nia¹³ nio⁴xti²la⁴ xi³ tsjoa¹ cjoa⁴vi³jna³chon³.
 49 Je² n²ai³jcha¹cjin³-no³ tsa³cjen² je² nio⁴xti²la⁴
 maná ya⁴ ?nte³t²a³xin²t²a³, c²oa⁴ c²en³-ni¹. 50 Je²-vi⁴
 je² nio⁴xti²la⁴ xi³ vi³tjo³jen³-ni³ nc²a³jmi³, jme¹-ni³
 nca³ tsi² coi⁴ya²-si¹ni³ je² xi³ je² coa⁴cjen⁴. 51 An³
 nia¹³ nio⁴xti²la⁴ xi³ ti¹jna³con³, xi³ ji²tjo⁴jen³-nia³
 nc²a³jmi³. Tsa² jnco³ xi³ je² nio⁴xti²la⁴ coa⁴cjen⁴,
 c²oe¹jna³con³-ni¹ nca³ntsjai². Je² yao³-na⁴ je²
 nio⁴xti²la⁴ xi³ an³ tsjoa³. Coi³ xi³ an³ tsjoa³, jme¹-ni³
 nca³ coa⁴tio⁴con³-si¹ni³ cho⁴ta⁴son³⁷nte³. 52 C²'ia⁴
 cho⁴ta⁴ judíos qui³nchja⁴ i⁴ qui³nchja⁴ jan¹ qui³tso²:
 Jo¹-s²in² coan⁴-ni³le⁴ je²-vi⁴ nca³ si⁴²cjen²-na¹ yao³-
 le⁴. 53 Jesús c²oi⁴qui³tso²-le⁴ cho⁴ta⁴ judíos: Ña³qui³
 cjoa⁴qui²xi⁴ ña³qui³ cjoa⁴qui²xi⁴ xi³ xin³-no³, tsa²
 tsi² tsa² chi⁴nao⁴³ yao³-le⁴ ?nti¹-le⁴ cho⁴ta⁴, tsa² tsi²
 tsa² s²io⁴³ njin¹-le⁴je⁴, tsin²-no³ cjoa⁴vi³jna³chon³-
 jin². 54 Je² xi³ squi⁴ne⁴ yao³-na⁴, c²oa⁴ sc²oi¹ njin¹-

na⁴, tjin¹-le⁴ cjoa⁴vi³jna³chon³ nca³ntsjai². An³ si³cja³a¹ya³-ni³le⁴ nca³ coi⁴cho³cje³t⁷a³ ni⁴čhjin³.
 55 Je² yao³-na⁴ xi³ ña³qui³ ma³chi³ne³, c⁷oa⁴ je² njin¹-na⁴ xi³ ña³qui³ ma³yo². 56 Je² xi³ squi⁴ne⁴ yao³-na⁴, c⁷oa⁴ xi³ sc⁷oi¹ njin¹-na⁴, an³ ti¹jna³cao⁴ntsjai²-na³, c⁷oa⁴-ti⁴ an³ ti²jna⁴j³in³ntsje²³ ni⁴ma⁴-le⁴. 57 Jo³-s⁷in² qui³si³ca³sen¹-na³ N⁷ai³-na¹ xi³ ti¹jna³con³, c⁷oa⁴ an³ ti²jna⁴coan³ xi³ to⁴t⁷a³ts⁷e⁴ N⁷ai³-na¹, c⁷oa⁴-ti⁴s⁷in² ⁷ya³ xi³ an³ squi⁴ne⁴-na³ c⁷oe¹jna³con³ xi³ to⁴t⁷a³ts⁷an⁴. 58 Je²-vi⁴ nio⁴x⁴ti²la⁴ xi³ ji³tjo³jen³-ni³ nc⁷a³jmi³. A³li² jo³-s⁷in² n⁷ai³jcha¹cjin³-no³ tsa³cjen² je² nio⁴x⁴ti²la⁴ maná, c⁷oa⁴ c⁷en³-ni¹. Je² xi³ cjen² je² nio⁴x⁴ti²la⁴ c⁷oe¹jna³con³ nca³ntsjai². 59 Je² cjoa⁴ je²-vi⁴ c⁷oa⁴qui³tso² ya⁴³ nt⁷ia³ sinagoga c⁷ia⁴ nca³ tsa³ca³co¹ya³ ya⁴ Capernaum.

En¹ xi³ tsjoa¹ cjoa⁴vi³jna³chon³ nca³ntsjai²

60 Ncjin² cho⁴ta⁴-le⁴ c⁷oi⁴qui³tso² c⁷ia⁴ nca³ qui³nč⁷oe¹-le⁴: Cjai¹nca³ ñ⁷ain³ tjin¹ en¹ je²-vi⁴. ⁷ya¹ xi³ coan⁴ cjo⁴i⁴nč⁷oe¹-le⁴. 61 C⁷ia⁴ nca³ tsa³ve³-le⁴con³ Jesús nca³ cho⁴ta⁴-le⁴ tjio¹fao¹ya³-ni³ xi³ t⁷a³ts⁷e⁴ en¹-vi⁴ c⁷oi⁴qui³tso²-le⁴: A³ si¹jti³-no³ je² en¹-vi⁴. 62 Jo¹ coan⁴-no³ tsa² jchao⁴³ ⁷nti¹-le⁴ cho⁴ta⁴ nca³ coai⁴mi³ jña³ nca³ ja³ai³-ni³. 63 Je² espíritu-na¹ xi³ tsjoa¹ cjoa⁴vi³jna³chon³. Je² yao³-na¹ li²jme³ xi³ chji¹-le⁴. Je² en¹ xi³ tsa³cja²cao⁴-no³ je² xi³ espíritu, c⁷oa⁴ je² xi³ cjoa⁴vi³jna³chon³. 64 To⁴nca³ tjin¹ c⁷ao³ nca³ jon² xi³ tsi² ma³cjain¹-no³. Jesús tsa³ve³-le⁴con³ jo³ sa³nta³ nca³ ti¹tjon² ⁷ya³-ni³ve⁴ xi³ tsi² tsa² coi³ ma³cjain¹-le⁴, c⁷oa⁴ ⁷ya³-ni³ve⁴ xi³ c⁷oe⁴t⁷ain³ na⁴jmi¹ xi³ t⁷a³ts⁷e⁴. 65 C⁷oi⁴qui³tso²

Jesús: Coi³ c⁷oa⁴qui³xin³-no³, ni⁴ya³-jin² xi³ coan⁴ cjoa⁴ai¹con³-na³ tsa² tsi² je² N⁷ai³-na¹ xi³ qui³si³ca³sen¹con³-na³. 66 C⁷ia⁴ sa³nta³ ncjin² cho⁴ta⁴-le⁴ Jesús qui³si³c⁷o¹fa³ya³, li²coi³ ti⁴ya⁴ ts⁷a³mjen³cao⁴-ni³. 67 C⁷ia⁴ Jesús qui³tso²-le⁴ xi³ te³jao² pa²stro⁴-le⁴: A³ c⁷oa⁴-ti⁴ me³-no³je⁴ nca³ jon² nca³ coa⁴nquion¹³. 68 Simón Pedro qui³tso²-le⁴: ⁷ya¹ xi³ coa⁴nquin¹chon³-lai⁴jin⁴. Ji³ xi³ tjin¹-li² en¹ xi³ tsjoa¹ cjoa⁴vi³jna³chon³ nca³ntsjai². 69 Jin⁴-jin⁴ ma³cjain¹-na³jin⁴, c⁷oa⁴ ⁷ya³-ni¹⁴jin⁴ nca³ ji³ ni¹³ Cristo, xi³ ⁷nti¹-le⁴ Ni³na¹ xi³ ti¹jna³con³. 70 C⁷ia⁴ Jesús qui³tso²-le⁴: A³ tsi² tsa² an³ qui³scoe²jin³-no³ xi³ te³jao² mao³, to⁴nca³ jnco³ xi³ ti¹jna³jin³-no³ xi³ nai⁴² cjoan³. 71 Qui³nchja⁴ xi³ t⁷a³ts⁷e⁴ Judas Iscariote, ⁷nti¹-le⁴ Simón, nca⁴je²-vi⁴ xi³ c⁷oe⁴²t⁷ain³ na⁴jmi¹ xi³ t⁷a³ts⁷e⁴ Jesús. Je² Judas jnco³ xi³ te³jao² ma³-ni¹ pa²stro⁴-ve⁴.

7

Nts⁷e⁴ Jesús li²coi³ coan³cjain¹-le⁴ xi³ t⁷a³ts⁷e⁴

1 Xi³ coan³ je² cjoa⁴-vi⁴ ts⁷a³mjen³ Jesús ya⁴ Galilea. Cai³-le⁴ v⁷a³mjen³ ya⁴ Judea, nca⁴ je² cho⁴ta⁴ judíos to⁴c⁷oa⁴-s⁷in² me³-le⁴ nca³ si⁴²c⁷en³.

2 Je³n⁷choa¹chian³-le⁴ s⁷oi¹-le⁴ cho⁴ta⁴ judíos, je² s⁷oi¹ tabernáculos. 3 Nts⁷e⁴ qui³tso²-le⁴ Jesús: Ti²tjo⁴-ni³ i⁴-vi⁴, t⁷in³ ya⁴ Judea, jme¹-ni³ nca³ cho⁴ta⁴-li⁴ c⁷oa⁴-ti⁴ scoe⁴-si¹ni³ jo³ n⁷iain²³. 4 Ni⁴to⁴ya³-jin² xi³ me³-le⁴ va³co¹son²tsen³ yao³-le⁴ si¹xa¹-nqui³ma³. Tsa² c⁷oa⁴n⁷iain²³ je² cjoa⁴-vi⁴, ta³co²son²tsen³-lai⁴ yao³-li⁴ cho⁴ta⁴. 5 Sa³nta³ je² nts⁷e⁴ li²coi³ coan³cjain¹-le⁴ xi³ t⁷a³ts⁷e⁴.

6 C⁷ia⁴ Jesús c⁷oi⁴qui³tso²-le⁴: Ni⁴čhjin³-na⁴ cje³ fa³ai³jin², to⁴nca³ ni⁴čhjin³-no³ ti¹jna³ntsjai²-ni¹.
 7 Je² cho⁴ta⁴son³nte³ li²coi³ ma³ nca³ jon² ch⁷ao³ ve³-no³, to⁴nca³ an³ ch⁷ao³ ve³-na³, nca⁴ an³ tsjoa³ en¹-na⁴ xi³ t⁷a³ts⁷e⁴ nca³ li²coi³ nta³ s⁷in¹. 8 Jon² ta⁴nquin¹mio³ s⁷oi¹-ve⁴. Cje³ fi³mi³-jian²³ je² s⁷oi¹-vi⁴, nca³ ni⁴čhjin³-na⁴ cje³ fi³cho¹-jin². 9 C⁷ia⁴ nca³ je³c⁷oa⁴qui³tso²-le⁴, ya⁴ tsa³c⁷e²jna³ ya⁴ Galilea.

Jesús qui³mi³ ya⁴ s⁷oi¹ tabernáculos

10 C⁷ia⁴ nca³ je³qui³mi³ nts⁷e⁴, c⁷oa⁴-ti⁴ qui³mi³ Jesús ya⁴ s⁷oi¹-ve⁴. Li²coi³ qui³tsen³, to⁴qui³ma³-ni¹. 11 Cho⁴ta⁴ judíos tsa³ca¹sjai³ Jesús ya⁴ s⁷oi¹-ve⁴, c⁷oi⁴qui³tso²: Jña¹ ti¹jna³ ntai⁴ nca³ je². 12 Jo³ nca³ tsa³cjao¹ya³-ni³ nca³ts⁷i³ cho⁴ta⁴ xi³ t⁷a³ts⁷e⁴ Jesús. Tjin¹ c⁷a³ xi³ qui³tso²: Cjai¹nca³ nta³ nca³ je². Xi³ cja⁴ai¹ qui³tso²: Ma³jain², to⁴v⁷a³na⁴cha⁴-le⁴ cho⁴ta⁴. 13 Ni⁴ya³-jin² xi³ qui³nchja⁴tsen³ xi³ t⁷a³ts⁷e⁴, nca⁴ qui³tsa³cjon¹-le⁴ cho⁴ta⁴ judíos. 14 C⁷ia⁴ jin³ s⁷oi¹-ve⁴ qui³mi³ Jesús ya⁴ yo⁴nco⁴, c⁷oa⁴ tsa³ca³co¹ya³. 15 Jo³ to⁴coan³xcon¹-le⁴ cho⁴ta⁴ judíos, c⁷oi⁴qui³tso: Jo¹ ma³-ni³ nca³ c⁷oa⁴-s⁷in² to⁴chji⁴ne⁴-si¹ni³, nca³ tsi² tsa² coi³ qui³sco²t⁷a³ya³. 16 Jesús qui³tso⁴-le⁴: Je² en¹ xi³ ti²va³co³ya²³ a³li² ts⁷an⁴-jian²³ en¹, to⁴nca³ ts⁷e⁴-ni³ je² xi³ qui³si³ca³sen¹-na³. 17 Je² xi³ me³-le⁴ nca³ s⁷in¹ jo³-s⁷in² me³-le⁴ Ni³na¹, c⁷oa⁴-s⁷in² scoe⁴ je² en¹ xi³ ti²va³co³ya²³, tsa² ts⁷e⁴ Ni³na¹, c⁷oa⁴ tsa² an³ nchja²³ xi³ to⁴ts⁷an⁴. 18 Je² xi³ to⁴ts⁷e⁴ nchja⁴-ni¹, va¹sjai³ cjoa⁴je³ya³ xi³ ti⁴t⁷a³ts⁷e⁴-ni³. Je² xi³ va¹sjai³ cjoa⁴je³ya³ xi³ t⁷a³ts⁷e⁴ je² xi³ qui³si³ca³sen¹ nca³ je², je²-vi⁴ xi³

cjoa⁴qui²xi⁴, c⁷oa⁴ tsin²-le⁴ cjoa⁴ch⁷a²na⁴cha⁴-jin². 19 A³ tsi² tsa² qui³tsjoa³-no³ Moisés je² cjoa⁴te¹xo³ma³, c⁷oa⁴ ni⁴⁷ya³-jin² nca³ jon² xi³ coi³ ti¹si¹qui³tjo³son². A¹-ni³ nca³ c⁷oa⁴-s⁷in² me³-no³ nca³ si⁴c⁷en³-nao¹³. 20 Cho⁴ta⁴-ve⁴ c⁷oi⁴qui³tso²: Cho⁴ta⁴nai⁴²-lai⁴. ⁷ya¹ xi³ me³-le⁴ nca³ si⁴²c⁷en³-li². 21 C⁷ia⁴ Jesús c⁷oi⁴qui³tso²-le⁴: Jnc³ xa¹ qui³s⁷ian³. Jo³ coan³xcon¹-no³ nca³ts⁷io³. 22 Cjoa⁴qui²xi⁴-ni¹ Moisés qui³tsjoa³-no³ je² cjoa⁴circuncisión (a³li² tsa² je² Moisés xi³ ts⁷e⁴, to⁴c⁷oa⁴-s⁷in² y⁷a³-ni³ sa³⁷nta³ n⁷ai³jcha¹cjin³-na¹). Jon² n⁷ian²-lao⁴³ cjoa⁴circuncisión cho⁴ta⁴x⁷in⁴ coi³ ni⁴čhjin³ ni²cja¹ya³. 23 C⁷ia⁴ tsa² coi³ ni⁴čhjin³ ni²cja¹ya³ cjoe¹ cjoa⁴circuncisión cho⁴ta⁴x⁷in⁴, jme¹-ni³ nca³ tsi² cjoitson¹ya³-si¹ni³ cjoa⁴te¹xo³ma³-le⁴ Moisés, a³ ma³jti³cha³-nao¹³ nca³ qui³si³nta³ nca³yi³je³ yao³-le⁴ jnc³ cho⁴ta⁴x⁷in⁴ coi³ ni⁴čhjin³ ni²cja¹ya³. 24 A³li²coi³ c⁷oa⁴-s⁷in² cho¹son²-ni³lao⁴³ jña³-le⁴ve⁴ jo³-s⁷in² nca³ ma³tsen³, to⁴nca³ c⁷oa⁴-s⁷in² cho¹son²-la²na¹nta³lao⁴³ jña³-le⁴ xi³ tjin¹-le⁴ cjoa⁴qui²xi⁴.

A³ je²-vi⁴ je² Cristo

25 C⁷ia⁴ qui³tso² c⁷a³ cho⁴ta⁴ xi³ Jerusalén ts⁷e⁴: A³ tsi² tsa² je²-vi⁴ xi³ tjio¹va¹sjai³ nca³ si⁴²c⁷en³. 26 Coe⁴-si³ ti¹s⁷in¹, ti¹nchja⁴jjin³ va³sen³-le⁴ cho⁴ta⁴, c⁷oa⁴ li²jo³ tso²-le⁴. Tsa² jña³qui³ je³coan³cho⁴ya³-le⁴ cho⁴ta⁴ti¹tjon² nca³ je² je²-vi⁴ Cristo. 27 To⁴nca³ je²-vi⁴ ⁷ya³-nia¹ jña³-ni³ve⁴ ts⁷e⁴. C⁷ia⁴ nca³ cjoa⁴⁷ai¹ Cristo, li²⁷ya³ xi³ scoe⁴ jña³-ni³ve⁴ ts⁷e⁴. 28 C⁷ia⁴ n⁷ion¹ qui³nchja⁴ Jesús ya⁴³ yo⁴nco⁴, tsa³ca³co¹ya³, c⁷oi⁴qui³tso²: ⁷ya³xcon³-nao¹³ nca³ an³, ⁷ya³-nio¹³

jña³-ni³ve⁴ ts²an⁴. Li²coi³ je²⁷e⁴ xi³ to⁴⁷a³ts²an⁴, to⁴nca³ je² N²ai³-na¹ xi³ qui³si³ca³sen¹-na³, je² xi³ cjoa⁴qui²xi⁴. A³li²coi³ ⁷ya³xcon³ nca³ je². ²⁹To⁴nca³ an³ ⁷ve³xcoan³ N²ai³-na¹, nca⁴ an³ nia¹³ xi³ ts²e⁴. Je² qui³si³ca³sen¹-na³. ³⁰C²ia⁴ cho⁴ta⁴ me³-le⁴ nca³ tsoa⁴ Jesús, to⁴nca³ ni⁴⁷ya³-jin² xi³ jo³ qui³si³cao⁴, nca⁴ cje³ fi³cho¹-jin² hora-le⁴. ³¹Cjai¹nca³ ncjin² cho⁴ta⁴na⁴xi⁴na³nta¹-ve⁴ xi³ coan³cjain¹-le⁴ t²a³ts²e⁴ Jesús. C²oi⁴qui³tso² cho⁴ta⁴-ve⁴: C²ia⁴ nca³ cjoa⁴⁷ai¹ je² Cristo, a³ nqui²sa⁴ cja⁴⁷ai¹-s²in² tsjoa¹ choa⁴ jo³-s²in² tsjoa¹ je²-vi⁴.

Cho⁴ta⁴ fariseos qui³si³ca³sen¹ ma³yo² nca³ ca²ta³tsoa³ Jesús

³²Cho⁴ta⁴ fariseos qui³nčh²oe¹-le⁴ cho⁴ta⁴-vi⁴ nca³ c²oa⁴tjio¹tso² je² cjoa⁴-vi⁴ xi³ t²a³ts²e⁴. Je² cho⁴ta⁴ti¹tjon²-le⁴ na⁴⁷mi³ cao⁴ cho⁴ta⁴ fariseos qui³si³ca³sen¹ ma³yo² nca³ ca²ta³tsoa³ Jesús. ³³C²ia⁴ c²oi⁴qui³tso² Jesús: To⁴jo³ coa²te⁴jna³cao⁴-sa³no³ to⁴choa³ ni⁴čhjin³. Cjoi¹con³-le⁴ xi³ qui³si³ca³sen¹-na³. ³⁴Coi⁴jnchi¹sjai³-nao¹³, li²coi³ coan⁴sjai³-nao¹³. Ya⁴ jña³ nca³ ti²jna⁴ li²coi³ coan⁴ cjoi⁴nčhoao²³ nca³ jon². ³⁵C²ia⁴ cho⁴ta⁴ judíos qui³tso²-le⁴ xi¹ncjin¹: Jña¹-la⁴ coai⁴ xo⁴cji³-vi⁴, nca³ tsi² tsa² coan⁴sjai³-na¹. A³ ya⁴ coai⁴con³-le⁴ je² xi³ qui³jin³-le⁴ cho⁴ta⁴ griegos. A³ coai⁴ ca³co¹ya³-le⁴ cho⁴ta⁴ griegos. ³⁶Jo¹ tso²-ni³le⁴ nca³ c²oi⁴ca²tso²: Coi⁴jnchi¹sjai³-nao¹³, li²coi³ coan⁴sjai³-nao¹³. Ya⁴ jña³ nca³ ti²jna⁴ li²coi³ coan⁴ cjoi⁴nčhoao²³ nca³ jon².

Xo³nca¹na³nta¹ xi³ ti¹jna³con³

37 Je² ni⁴čhjin³ xi³ je³t'a³-ni³ nca³ s'oi¹je³, Jesús tsa³ca³sen¹nto³, n'ion¹ qui³nchja⁴: Tsa² jnco³ xi³ fa³ti²-le⁴, ca²tji³nčhoa¹con³-na³ ca²ta³vi³. 38 Je² xi³ ma³cjain¹-le⁴ xi³ t'a³ts'an⁴, jo³-ni³ xo³nca¹na³nta¹ xi³ ti¹jna³con³ coi⁴tjo³j³in³-ni³le⁴ ni⁴ma⁴-le⁴, jo³ tso² xon⁴ Escritura. 39 Coi³ xi³ qui³tso² xi³ t'a³ts'e⁴ je² Espíritu Santo xi³ je² xi³ ma³cjain¹-le⁴ t'a³ts'e⁴ Jesús s'a⁴ scoe¹. Cje³-sa³ fa³ai³-jin² je² Espíritu Santo, nca⁴ cje³ s'e³-jin²le⁴ cjoa⁴je³ya³ Jesús.

Cho⁴ta⁴ tjio¹jao²ya³ xi³ t'a³ts'e⁴ Jesús

40 C'a³ cho⁴ta⁴ xi³ ya⁴ tjio¹j³in³ c'oi⁴qui³tso² c'ia⁴ nca³ qui³nch'oe¹ je² en¹-vi⁴: Je²-vi⁴ ntai⁴ xi³ ña³qui³ nchja⁴ya³ t'a³ts'e⁴ Ni³na¹. 41 Cja⁴ai¹-sa³ xi³ c'oi⁴qui³tso²: Je²-vi⁴ Cristo. To⁴nca³ tjin¹ c'a³ xi³ qui³tso²: A³ ya⁴ Galilea cjoa⁴ai¹-ni³ Cristo. 42 A³ tsi² tsa² c'oa⁴tso² xon⁴ Escritura nca³ Cristo cjoa⁴ai¹-ni³ ntje⁴-le⁴ David ya⁴ na⁴xi⁴na³nta¹ Belén, jña³ nca³ ts'e⁴ David. 43 C'oa⁴-s'in² coan³jao²ya³ cho⁴ta⁴ xi³ t'a³ts'e⁴ je² Cristo. 44 Tjin¹ c'a³ cho⁴ta⁴ xi³ me³-le⁴ nca³ tsoa⁴, to⁴nca³ li²ya³ xi³ je² qui³si³cao⁴.

Ni⁴c'ia³-jin² qui³nchja⁴ cho⁴ta⁴ jo³-s'in² ti¹nchja⁴ Jesús

45 Je² ma³yo² ja³ai³con²-le⁴ cho⁴ta⁴ti¹tjon²-le⁴ na⁴mi³ cao⁴ cho⁴ta⁴ fariseos xi³ qui³sco²na³nqui³-le⁴: A¹-ni³ nca³ tsi² ji³nčhoa³cao⁴-si¹nio³.

46 Je² ma³yo² qui³nchja⁴:

Ni⁴to⁴c'ia³-jin² qui³nchja⁴ cho⁴ta⁴ jo³-s'in² ti¹nchja⁴ je² cho⁴ta⁴x'in⁴-vi⁴. 47 C'ia⁴ je² cho⁴ta⁴ fariseos c'oi⁴qui³tso²-le⁴:

A³ c⁷oa⁴²-ti⁴ qui³ch⁷a²na⁴cha⁴-no³ nta³ tsa² jon².
 48 A³ c⁷oa⁴-ti⁴ cji³ma³cjain¹c⁷a³-le⁴ cho⁴ta⁴ti¹tjon²
 a³xo⁴ cho⁴ta⁴ fariseos. 49 To⁴nca³ je² cho⁴ta⁴yo⁴ma⁴
 xi³ tsi² tsa² ve³ cjoa⁴te¹xo³ma³, nai⁴² ca²ta³fi²cao⁴.

50 Nicodemo c⁷oi⁴qui³tso²-le⁴ (je² ni¹ xi³
 ja³⁷ai³con²-le⁴ Jesús nca³ njion², je² xi³ jnco³ xi³
 ti⁴je²-ni³ cho⁴ta⁴):

51 Je² cjoa⁴te¹xo³ma³-na¹ a³ tsjoa¹-le⁴ cjoa⁴ñ⁷ain³
 jnco³ cho⁴ta⁴, tsa² tsi² tsa² ti¹tjon²-cjoa²la²
 coi⁴no¹⁷ya²-le⁴², c⁷oa⁴ coan⁴cho⁴ya³-na¹ jme³ xi³
 qui³s⁷in³.

52 Cho⁴ta⁴ fariseos qui³tso²-le⁴ Nicodemo:

A³ c⁷oa⁴-ti⁴ ya⁴² tsi⁴ ya⁴ Galilea. Tja³sja³j³in³, c⁷oa⁴
 cho¹tsian³ nca³ ni⁴c⁷ia³-j³in² ja³⁷ai³-ni³ ya⁴ Galilea
 jnco³ xi³ nchja⁴ya³ t⁷a³ts⁷e⁴ Ni³na¹.

Je² chjon⁴² xi³ qui³si³cha³jnqui³

53 To⁴c⁷oa⁴-s⁷in² qui³tsao³ya³ cho⁴ta⁴. Nca³⁷i⁴
 nca³jan¹ qui³ ni³⁷ya³-le⁴.

8

1 C⁷ia⁴ qui³ Jesús ya⁴ ni³nto³ Olivos. 2 Xi³
 qui³s⁷e³sen¹ ja³⁷ai³-nca¹ni³ yo⁴nc⁴. Nca³ts⁷i³
 cho⁴ta⁴ ja³⁷ai³con²-le⁴. Jesús tsa³c⁷e²jna³
 tsa³ca³co¹ya³-le⁴. 3 C⁷ia⁴ je² cho⁴ta⁴ scribano cao⁴
 cho⁴ta⁴ fariseos ja³⁷ai³cao⁴-le⁴ jnco³ chjon⁴² xi³
 qui³si³cha³jnqui³. Cho⁴ta⁴ qui³si³c⁷e¹jna³va³sen³
 chjon⁴²-ve⁴. 4 C⁷oi⁴qui³tso²-le⁴ Jesús: Maestro, je²
 chjon⁴²-vi⁴ tsa³⁷ya³t⁷ain³-ni¹ nca³ qui³si³cha³jnqui³.
 5 Tji¹t⁷a³ cjoa⁴te¹xo³ma³-le⁴ Moisés nca³ coa⁴sen²-
 le⁴² la⁴jao⁴ cho⁴ta⁴ xi³ c⁷oa⁴s⁷in¹. Jo¹ si³ nca³ ji³.

6 To⁴c⁷oa⁴qui³tso² nca³ qui³sco²t⁷a³ Jesús, jme¹-ni³ nca³ coan⁴-ni³le⁴ nca³ coa⁴²nqui³. To⁴nca³ Jesús tsa³ca³sen²nia³, qui³squi³-ni³ na⁴jma¹ntsja³ ja⁴t⁷a³na³nqui³. 7 C⁷ia⁴ nca³ to⁴jo³ qui³tsin²na³nqui³-sa³le⁴ Jesús qui³sa³sen³qui²xi⁴-ni³ qui³tso²-le⁴: Je²nca³ jon² xi³ tsin²-le⁴ je¹-jin², je²-vi⁴ xi³ ti¹tjon² ca²ta³sen¹-le⁴ la⁴jao⁴ chjon⁴²-ve⁴. 8 Nqui²ntia³ tsa³ca³sen²nia³-nca¹ni³, qui³squi³ ja⁴t⁷a³na³nqui³. 9 Cho⁴ta⁴ qui³nch⁷oe¹-le⁴, c⁷oa⁴ coan³soa³-le⁴. Jnco¹jnco¹ ji³tjo³, va³se²ts⁷ia⁴cjoan²-ni³ xi³ jchi¹nca³ sa³⁷nta³ xi³ ma³⁷nti¹. Tsa³c⁷e²jna³ to⁴je² Jesús cao⁴ chjon⁴²-ve⁴ xi³ ti¹jna³jin³va³sen³. 10 Qui³sa³sen³qui²xi⁴-ni³ Jesús, tsa³ve³ nca³ li²ya³ xi³ ti⁴ya⁴ tjio¹-ni³ to⁴je²-sa³ chjon⁴²-ve⁴, qui³tso²-le⁴: Chjon⁴², jña¹ tjio¹ xi³ tsa³ca¹nqui³-li². A³ tsi² ya³ xi³ tsa³c⁷aon³ne²-li² cjoa⁴ñ⁷ain³. 11 Chjon⁴²-ve⁴ qui³tso²: Señor, ni⁴⁷ya³-jin². C⁷ia⁴ Jesús qui³tso²-le⁴: C⁷oa⁴-ti⁴ an³ li²coi³ c⁷aon³ne²-le²³ cjoa⁴ñ⁷ain³. T⁷in³, a³li² ti⁴je¹-jin² vi³jnchi³-ni³.

Jesús je² l'i¹ xi³ si¹⁷i³sen³ son³⁷nte³

12 Jesús c⁷oi⁴qui³tso²-nca¹ni³le⁴ cho⁴ta⁴ fariseos: An³ nia¹³ l'i¹ xi³ si¹⁷i³sen³ son³⁷nte³. Je² xi³ fi²t⁷a³-na³ li²coi³ c⁷oa¹mjen³ jña³ nca³ njion², to⁴nca³ s⁷e⁴-le⁴ je² l'i¹ xi³ tsjoa¹ cjoa⁴vi³-jna³chon³. 13 C⁷ia⁴ cho⁴ta⁴ fariseos c⁷oi⁴qui³tso²-le⁴: Ji³ v⁷ai²³ en¹-li⁴ xi³ to⁴t⁷a³tsi⁴-ni¹, to⁴nca³ li²coi³ cjoa⁴qui²xi⁴ en¹-li⁴. 14 Qui³nchja⁴ Jesús c⁷oi⁴qui³tso²-le⁴: Nta³ tsa² an³ tsjoa³ en¹-na⁴ xi³ to⁴t⁷a³ts⁷an⁴, je² en¹-na⁴ cjoa⁴qui²xi⁴-ni¹, nca³ ve³ jña³ nca³ ja²⁷ai⁴-nia³, c⁷oa⁴ jña³ nca³ cjoia¹³, to⁴nca³ jon² li²coi³ ya³

jña³ nca³ ja²⁷ai⁴-nia³, c⁷oa⁴ jña³ cjoia¹³. 15 Jon² c⁷oa⁴-s⁷in² cho¹son²-ni³lao⁴³ jo³ cjoan³ cho⁴ta⁴ jo³-s⁷in² cho²tsen³-lao⁴³, to⁴nca³ li²⁷ya³ xi³ an³ c⁷oa⁴-s⁷in² co³son²-ni³le⁴. 16 Tsa² an³ co³son²-ni³le⁴, ña³qui³ c⁷oa⁴tjin¹ xi³ an³ co³son²-ni³le⁴, nca³ tsi² tsa² to⁴⁷an³-jian²³, to⁴nca³ an³ cao⁴ je² xi³ qui³si³ca³sen¹-na³, je² N⁷ai³-na¹. 17 Ya⁴ xon⁴ cjoa⁴te¹xo³ma³-no³ tji¹t⁷a³, c⁷ia⁴ nca³ jao² ma³-ni³ testigo, je² en¹-le⁴ cjoa⁴qui²xi⁴-ni¹. 18 An³ nia¹³ xi³ tsjoa³ en¹-na⁴ xi³ to⁴⁷a³ts⁷an⁴, c⁷oa⁴-ti⁴ tsjoa¹ en¹-le⁴ xi³ t⁷a³ts⁷an⁴ je² xi³ qui³si³ca³sen¹-na³, je² N⁷ai³-na¹. 19 Cho⁴ta⁴ fariseos c⁷oi⁴qui³tso²-le⁴ Jesús: Jña¹ ti¹jna³ N⁷ai³-li⁴. Jesús qui³nchja⁴: Sa³⁷nta³ an³ li²coi³ ⁷ya³xcon³-nao¹³, c⁷oa⁴ ni⁴⁷ya³xcon³-jion²³ N⁷ai³-na⁴. Tsa² ⁷ya³xcon³-la²ni³nao¹³, c⁷oa⁴-ti⁴ ⁷ya³xcon³ N⁷ai³-na⁴. 20 Je² en¹-vi⁴ ya⁴ qui³nchja⁴ Jesús ya⁴ ⁷nte³ jña³ nca³ s⁷e³xco¹ taon⁴, nca³ ti¹va³co¹ya³ ya⁴³ yo⁴nco⁴. Ni⁴⁷ya³-jin² xi³ qui³tsoa³ Jesús, nca⁴ cje³ fi³cho¹-jin² hora-le⁴.

Jesús tso²: Jña³ nca³ cjoia¹³, jon² li²coi³ coan⁴ coa⁴nquion¹³

21 Jesús c⁷oi⁴qui³tso²-nca¹ni³le⁴: Cjoi¹-nia³ an³, c⁷oa⁴ coi⁴jnchi¹sjai³-nao¹³, to⁴nca³ je¹-no³ coi⁴ya¹jion³. Jña³ nca³ cjoia¹³ nca³ an³, jon² li²coi³ coan⁴ coa⁴nquion¹³. 22 C⁷ia⁴ c⁷oi⁴qui³tso² cho⁴ta⁴ judíos: A³ ti⁴je² si⁴²c⁷en³-ni³ yao³-le⁴ nca³ c⁷oa⁴ tso²: Jña³ nca³ cjoia¹³ nca³ an³, jon² li²coi³ coan⁴ coa⁴nquion¹³. 23 Jesús c⁷oi⁴qui³tso²-le⁴: Jon² nio¹³ xi³ i⁴ tsaon⁴³ na³nqui³-vi⁴, an³ ja⁴nc⁷a¹ ts⁷an⁴. Jon² i⁴ son³⁷nte³-vi⁴ tsaon⁴³, to⁴nca³ an³-vi⁴ a³li² i⁴ son³⁷nte³-vi⁴ ts⁷an⁴. 24 Coi³ c⁷oa⁴qui³xin³-ni³no³

nca³ je¹-no³ coi⁴ya¹jion³. Tsa² tsi² tsa² coan⁴cjain¹-no³ [?]ya³-ni³ nca³ an³, to⁴ya⁴ je² je¹-no³ coi⁴ya¹jion³.
 25 Cho⁴ta⁴ judíos c[?]oi⁴qui³tso²-le⁴: [?]ya¹-ni³ ji³. C[?]ia⁴ Jesús qui³tso²-le⁴: Je² xi³ je³c[?]oa⁴qui³xin³-no³ nca³ ti¹tjon². 26 Cjai¹nca³ ncjin² cjoa⁴ xi³ coi³nchja²³, xi³ sco³son²-ni³le⁴ xi³ t[?]a³tsaon⁴³. Je² xi³ qui³si³ca³sen¹-na³, je² xi³ cjoa⁴qui²xi⁴. Je² en¹ xi³ qui³nch[?]oe³-le⁴ nca³ je², ña³qui³ coi³ xi³ nchja²³ i⁴ son³?nte³-vi⁴.
 27 To⁴nca³ li²coi³ coan³cho⁴ya³-le⁴ cho⁴ta⁴ judíos nca³ c[?]oa⁴qui³tso²-le⁴ xi³ t[?]a³ts[?]e⁴ N[?]ai³-na¹. 28 C[?]ia⁴ Jesús c[?]oi⁴qui³tso²-le⁴: C[?]ia⁴ nca³ cho¹mi³tjaon⁴³ [?]nti¹-le⁴ cho⁴ta⁴, c[?]ia⁴² coan⁴cho⁴ya³-no³ nca³ an³ nia¹³ [?]nti¹-le⁴ cho⁴ta⁴. Ni⁴jme³-jin² xi³ s[?]ian³ nca³ to⁴?an³-nia¹³. Jo³-s[?]in² qui³tso²ya³-na³ N[?]ai³-na¹, c[?]oa⁴-s[?]in² nchja²³. 29 Je² xi³ qui³si³ca³sen¹-na³ i⁴ ti¹jna³cao⁴-na³. Je² N[?]ai³-na¹ li²coi³ qui³si³c[?]e¹jna³-na³ nca³ to⁴?an³, nca⁴ c[?]oa⁴s[?]ian³ nca³ntsjai² je² xi³ sa³sen¹-le⁴ nca³ je². 30 C[?]ia⁴ nca³ Jesús qui³nchja⁴ je² cjoa⁴-vi⁴, cjai¹nca³ ncjin² xi³ coan³cjain¹-le⁴ xi³ t[?]a³ts[?]e⁴.

Je² xi³ cjoa⁴qui²xi⁴ si⁴²ca³tio²ntai¹-no³

31 Jesús c[?]oi⁴qui³tso²-le⁴ cho⁴ta⁴ judíos xi³ coan³cjain¹-le⁴: Tsa² en¹-na⁴ si⁴qui³tjo³son²ntsjaon²³, jon² nio¹³ xi³ ña³qui³ cho⁴ta⁴-na⁴. 32 Jcha⁴-nio¹³ xi³ cjoa⁴qui²xi⁴, c[?]oa⁴ je² xi³ cjoa⁴qui²xi⁴ si⁴²ca³tio²ntai¹-no³. 33 Cho⁴ta⁴ judíos qui³nchja⁴: Jin⁴ ni¹⁴-jin⁴ ntje⁴-le⁴ Abraham, ni⁴to⁴c[?]ia³-jin² ni⁴?ya³-jin² xi³ qui³ni²xa¹nqui³-lai⁴jin⁴. Jo¹ si³ nca³ ji³: Coi⁴yo³ntai¹-nio¹³. 34 Jesús qui³tso²-le⁴: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Nca³ts[?]i³ xi³

va³jnqui³ je¹, si¹xa¹nqui³-le⁴ je¹. 35 Je² xi³ si¹xa¹nqui³-le⁴ cho⁴ta⁴ li²coi³ v⁷e²jna³ntsjai² ni³⁷ya³. Je² xi³ n⁷ti¹ma³ v⁷e²jna³ntsjai². 36 C⁷ia⁴ tsa² c⁷oa⁴-s⁷in² je² n⁷ti¹-le⁴ Ni³na¹ si⁴²ca³tio²ntai¹-no³, ña³qui³ cjoa⁴qui²xi⁴nca³ coi⁴yo³ntao¹³. 37 v⁷e³-nia¹³ nca³ jon² ntje⁴-le⁴ Abraham, to⁴nca³ me³-no³ nca³ si⁴c⁷en³-nao¹³, nca⁴ je² en¹-na⁴ tsin²-le⁴ ntia⁴²-jin² xi³ t⁷a³tsaon⁴³. 38 An³ nchja²³ je² xi³ tsa³⁷ve³ c⁷ia⁴ nca³ ti²jna⁴coa⁴N⁷ai³-na¹. Jon² c⁷oa⁴-ti⁴s⁷in² c⁷oa⁴n⁷iaon²³ je² xi³ qui³no²⁷ya²-lao⁴³ n⁷ai³-no³.

Jon² mo¹³ xi³ n⁷ai³-no³ je² nai⁴²

39 C⁷ia⁴ cho⁴ta⁴ judíos c⁷oi⁴qui³tso²-le⁴: Je² n⁷ai³-na⁴jin⁴ Abraham. Jesús qui³tso²-le⁴: Tsa² jon² n⁷ti¹-le⁴ Abraham, c⁷oa⁴t⁷iaon⁴³ jo³ qui³s⁷in³ Abraham. 40 To⁴nca³ nt⁷ai⁴-vi⁴ c⁷oa⁴-s⁷in² me³-no³ nca³ si⁴c⁷en³-nao¹³. An³ nia¹³ cho⁴ta⁴x⁷in⁴ xi³ c⁷oa⁴qui³xin³-no³ xi³ cjoa⁴qui²xi⁴, xi³ an³ qui³nch⁷oe³-le⁴ Ni³na¹. Li²coi³ c⁷oa⁴qui³s⁷in³ Abraham. 41 Jon² c⁷oa⁴n⁷iaon²³ jo³ qui³s⁷in³ n⁷ai³-no³. C⁷ia⁴ cho⁴ta⁴ qui³tso²-le⁴: Jin⁴-jin⁴ a³li²cjoa⁴cha³jnqui³-jin² qui³tsin³jin³-jin⁴. To⁴jnc³ma³-ni³ n⁷ai³-na⁴jin⁴, je² xi³ Ni³na¹. 42 C⁷ia⁴ Jesús c⁷oa⁴qui³tso²-le⁴: Tsa² Ni³na¹ je² n⁷ai³-no³, ña³qui³ cjoa⁴qui²xi⁴ nca³ coan⁴tsjoa³cha³-nao¹³. An³ ji²tjo⁴-nia³ Ni³na¹, coi³ ja²⁷ai⁴-nia³. Li²coi³ je²⁷e⁴ xi³ ti⁴t⁷a³ts⁷an⁴-nia³, to⁴nca³ je² qui³si³ca³sen¹-na³. 43 A¹-ni³ nca³ tsi² tsa² ma³cho⁴ya³-si¹ni³no³ en¹-na⁴. Coi³ nca³ li²coi³ ma³-no³ no²⁷yao²³ en¹-na⁴. 44 Jon² nio¹³ xi³ n⁷ai³-no³ je² nai⁴², c⁷oa⁴ tsjoa³-no³ nca³ c⁷oa⁴s⁷iaon⁴³ jo³-s⁷in² me³-le⁴ n⁷ai³-no³. Je² n⁷ai³-no³ si¹c⁷en³ c⁷en³ sa³⁷nta³ ti¹tjon²,

c⁷oa⁴ li²coi³ tsa³c⁷e²jna³jin³-le⁴ xi³ cjoa⁴qui²xi⁴,
 nca⁴ tsin²-le⁴ cjoa⁴qui²xi⁴-jin². C⁷ia⁴ nca³ nchja⁴
 en¹nti³so³, nchja⁴ jo³ cjoan³ nca³ je². Nti³so³
 nca³ je², c⁷oa⁴ n⁷ai³-le⁴ cjoa⁴nti³so³. 45 Coi³ nca³
 an³ c⁷oa⁴xian³ xi³ cjoa⁴qui²xi⁴ li²coi³ ma³cjain¹-
 no³. 46 ⁷ya¹-ni³ xi³ jon² xi³ si⁴2qui²xi⁴ya³ nca³
 an³ tj¹in¹-na³ je¹. Tsa² cjoa⁴qui²xi⁴ xi³ xian³,
 a¹-ni³ nca³ tsi² tsa² ma³cjain¹-si¹ni³no³. 47 Je²
 xi³ ts⁷e⁴ Ni³na¹, nch⁷oe¹ je² en¹-le⁴ Ni³na¹. Coi³
 nca³ tsi² tsa² no²7ya²-lao⁴³ nca³ jon², nca⁴ tsi²
 tsa² ts⁷e⁴ Ni³na¹-jion²³. 48 C⁷ia⁴ cho⁴ta⁴ judíos
 c⁷oi⁴qui³tso²-le⁴ Jesús: A³ tsi² tsa² nta³ vi³xoin¹⁴-
 jin⁴ nca³ ji³ cho⁴ta⁴ samaritano, nca³ cho⁴ta⁴nai⁴²-
 lai⁴. 49 Jesús qui³nchja⁴: A³li² cho⁴ta⁴nai⁴²-jian²³,
 to⁴nca³ ⁷ve³xcoan¹³ N⁷ai³-na⁴. Jon² tsa³7ya³taon³-
 nao¹³. 50 A³li²coi³ an³ xi³ v⁷a³sje³je³ya³ yao³-na⁴.
 Tjin¹ jnc³ xi³ ti¹v⁷a³sje³je³ya³-na³, xi³ ti¹co³son²-
 ni³le⁴ nca³yi³je³. 51 Ña³qui³ cjoa⁴qui²xi⁴ ña³qui³
 cjoa⁴qui²xi⁴ xi³ xin³-no³: Je² xi³ si¹qui³tjo³son²
 en¹-na⁴, ni⁴c⁷ia³-jin² scoe⁴ cjoa⁴vi³ya³. 52 C⁷ia⁴
 cho⁴ta⁴ judíos qui³tso²-le⁴: ⁷ya³-ni¹⁴jin⁴ nta⁴ nca³
 ji³ cho⁴ta⁴nai⁴². Ne³ Abraham c⁷en³-ni¹ cao⁴ je²
 xi³ qui³nchja⁴ya³ t⁷a³ts⁷e⁴ Ni³na¹, to⁴nca³ ji³ si³-ni¹³:
 Je² xi³ si¹qui³tjo³son² en¹-na⁴, ni⁴to⁴c⁷ia³-jin² nca³
 coi⁴cho³-le⁴ cjoa⁴vi³ya³. 53 A³ ji³ nqui²sa⁴ ti¹tjon²
 cao⁴-ni³ n⁷ai³-na⁴jin⁴ Abraham, je² xi³ c⁷en³. C⁷oa⁴-
 ti⁴ je² cho⁴ta⁴ xi³ qui³nchja⁴ya³ t⁷a³ts⁷e⁴ Ni³na¹
 c⁷en³-ni¹. ⁷ya¹ xi³ ti⁴ji³-ni³ ch⁷a²sje³je³ya³-ni³ yao³-
 li⁴. 54 Qui³nchja⁴ Jesús: Tsa² an³ v⁷a³sje³je³ya³ yao³-
 na⁴, je²-vi⁴ ni⁴to⁴jme³-jin² chji¹-le⁴. Je² N⁷ai³-na⁴
 je² xi³ ti¹v⁷a³sje³je³ya³-na³, ti⁴je²-ni³ xi³ Ni³na¹-

na⁴jin⁴ ʔmi²-lao⁴³. 55 Jon² li²coi³ ʔya³xcon³ nca³ je², to⁴nca³ an³ ʔve³xcoan³. Tsa² c^ʔoi⁴xian¹³ a³li²coi³ ʔve³xcoan³, to⁴ya⁴² coan⁴nco¹son²-nia³⁷ni³ cao⁴ jon² xi³ nti³so³. To⁴nca³ an³ ʔve³xcon³-nia¹³, c^ʔoa⁴-s^ʔin² si³qui³tjo³soan²³ en¹-le⁴. 56 Je² Abraham n^ʔai³-no³ cjai¹nca³ coan³tsjoa³-le⁴ nca³ coi⁴cho³ ve³ ni⁴chjin³-na⁴, c^ʔoa⁴ tsa³ve³ coan³tsjoa³-le⁴. 57 C^ʔia⁴ cho⁴ta⁴ judíos qui³tso²-le⁴ Jesús: Cje³ tjin¹-jin²li² ña³chan²te³ no¹. Jo¹ coan⁴-ni³ nca³ tsa³⁷ya³-ni³ Abraham. 58 Jesús qui³tso²-le⁴: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: An³ ti¹tjon² ti²jna⁴-le⁴ Abraham. 59 C^ʔia⁴ qui³scoe¹ la⁴jao⁴ cho⁴ta⁴ judíos nca³ coa⁴sen²-le⁴ Jesús. To⁴nca³ Jesús tsa³c^ʔe²jna³⁷ma³, ji³tjo³-ni³ yo⁴nco⁴, ya⁴ ja³⁷a³jin³ va³sen³-le⁴ cho⁴ta⁴, qui³.

9

Jesús si¹nta³ cho⁴ta⁴ xi³ xca⁴ cji³

1 C^ʔia⁴ nca³ ja³⁷a³ Jesús, tsa³ve³ jnco³ cho⁴ta⁴ xi³ xca⁴ cji³ jo³ sa³⁷nta³ nca³ qui³tsin³.

2 Cho⁴ta⁴-le⁴ qui³sco²na³nqui³-le⁴: Rabí, ʔya¹ xi³ tsa³jnqui³ je¹, a³ je² xi³ xca⁴ cji³ a³xo⁴ je² xi³jcha¹-le⁴, nca³ c^ʔoa⁴-s^ʔin² xca⁴ cji³-ni³ nca³ qui³tsin³. 3 Jesús qui³nchja⁴: Ni⁴je²-jin² je²-vi⁴ tsa³jnqui³ je¹, c^ʔoa⁴ ni⁴je²-jin² xi³jcha¹-le⁴, to⁴nca³ c^ʔoa⁴-s^ʔin² qui³tsin³ jme¹-ni³ nca³ coan⁴tsen³-si¹ni³ xa¹-le⁴ Ni³na¹ xi³ to⁴t^ʔa³ts^ʔe⁴. 4 Cjai¹nca³ to⁴ma³chjen¹-na³ nca³ si³qui³tjo³soan²³ xa¹ xi³ ts^ʔe⁴ je² xi³ qui³si³ca³sen¹-na³, nt^ʔai⁴ ti⁴a³-ni³ nca³ cje³ ma³njon²-jin². N^ʔchoa¹ ma³njon² c^ʔia⁴ nca³ li²ʔya³ xi³ ti⁴coan⁴ si⁴²xa¹-ni³. 5 Tjen⁴ ti²jna⁴ i⁴ son³⁷nte³-vi⁴, an³ nia¹³ l^ʔi¹ xi³

si¹i³sen³ son³nte³. 6 C[?]ia⁴ nca³ je³c[?]oa⁴qui³tso², tsa³c[?]e¹cha¹ t[?]a³na³nqui³, qui³si³nta³-ni³ nta¹si³ nta¹na³cha¹-le⁴, qui³si³ca³jon³ xcon⁴ xi³ xca⁴ cji³. 7 C[?]oi⁴qui³tso²-le⁴: T[?]in³ cho¹ncjan⁴-ni³ ya⁴ na³nta¹ Siloé (tso²-ni³ en¹-vi⁴ je² xi³ qui³ni²ca³sen¹). C[?]ia⁴ qui³ qui³sco²ncjan⁴, ji³nchoa³-ni³, je³ma³tsen³-le⁴. 8 C[?]ia⁴ cho⁴ta⁴ ntai³ni³ya³-le⁴ cao⁴ xi³ nca³s[?]a⁴ tsa³ve³ nca³ xca⁴ cji³ c[?]oi⁴qui³tso²: A³ tsi² tsa² je²-vi⁴ xi³ ya⁴ tsa³c[?]e²jna³ nca³ qui³si³je¹ qui⁴cha⁴si³ne². 9 C[?]oi⁴qui³tso² xi³c[?]a³: Je²-nco¹. C[?]oa⁴ xi³c[?]a³ c[?]oi⁴tso²: C[?]oa⁴-nco¹ me³cji³ jo³ cji³ nca³ je². C[?]ia⁴ qui³nchja⁴ xi³ xca⁴ cji³ nca³s[?]a⁴: An³ nia¹³. 10 C[?]oi⁴qui³tso²-le⁴: Jo¹ coan³-ni³ nca³ qui³tjo³ai²nqui³-ni³ xcoin³. 11 Je² c[?]oi⁴qui³tso²: Je² cho⁴ta⁴x[?]in⁴ xi³ Jesús [?]mi² qui³-si³nta³ nta¹si³ qui³si³ca³jon³ xcoan³, qui³tso²-na³: T[?]in³ ya⁴ na³nta¹ Siloé cho¹ncjain⁴. C[?]ia⁴ quia³-[?]ni³ qui³sco³ncjan⁴, coan³tsen³-na³. 12 C[?]ia⁴ c[?]oi⁴qui³tso²-le⁴: Jña¹ ti¹jna³ nca³ je². Li²coi³ [?]ve³ qui³tso².

Cho⁴ta⁴ fariseos vi¹na³nqui³-le⁴ cho⁴ta⁴ xi³ qui³tjo³ai²nqui³ xcon⁴

13 Qui³cao⁴-le⁴ cho⁴ta⁴ fariseos je² xi³ xca⁴ cji³ nca³s[?]a⁴. 14 Ni⁴chjin³ ni²cja¹ya³ ni¹ c[?]ia⁴ nca³ qui³si³nta³ nta¹si³-ve⁴ Jesús, nca³ qui³sco³ai²nqui³ xcon⁴ je² xi³ xca⁴ cji³. 15 C[?]ia⁴ cho⁴ta⁴ fariseos ti⁴qui³sco²na³nqui³-nca¹ni³le⁴ jo³ coan³-ni³ nca³ qui³tjo³ai²nqui³ xcon⁴. C[?]ia⁴ je² c[?]oi⁴qui³tso²-le⁴: Nta¹si³ qui³si³ca³jon³ xcoan³, c[?]ia⁴ qui³sco³ncjan⁴. Ma³tsen³-na³ni³ ntai⁴. 16 C[?]ia⁴ c[?]oi⁴qui³tso² c[?]a³

cho⁴ta⁴ fariseos: Je² cho⁴ta⁴x⁷in⁴-vi⁴ a³li² Ni³na¹-jin² qui³si³ca³sen¹, nca³ tsi² tsa² t⁷a³xin² v⁷e¹jna³ni⁴čjin³ ni²cja¹ya³. C⁷oi⁴tso² xi³c⁷a³: Jo¹ ma³-ni³ nca³ jnco³ cho⁴ta⁴x⁷in⁴ xi³ je¹ tj¹in¹-le⁴ nca³ ma³-le⁴ tsjoa¹ choa⁴ je²-vi⁴. Coan³jao²ya³ cho⁴ta⁴.
 17 C⁷oi⁴qui³tso²-nca¹ni³le⁴ cho⁴ta⁴xca⁴-ve⁴: Ji³, jme¹-ni³ en¹ xi³ no²cjoai⁴ xi³ t⁷a³ts⁷e⁴ xi³ qui³sco³ai²nqui³xcoin³. C⁷ia⁴ qui³nchja⁴ je² cho⁴ta⁴xca⁴: Je² ni¹xi³ nchja⁴ya³ t⁷a³ts⁷e⁴ Ni³na¹. 18 To⁴nca³ je²cho⁴ta⁴ judíos li²coi³ coan³cjain¹-le⁴ nca³ je² xi³xca⁴ cji³ nca³ je³coan³tsen³-le⁴. C⁷ia⁴ sa³nta³coan³cjain¹-le⁴ nca³ qui³no²cjoa⁴-le⁴ xi³jcha¹-le⁴ je² xi³ coan³nta³ xcon⁴. 19 Qui³sco²na³nqui³-le⁴: A³ je²-vi⁴ n⁷ti¹-no³, je² xi³ vi³xon¹³ nca³ xca⁴ cji³ nca³ qui³tsin³. Jo¹ ma³-ni³ nca³ ma³tsen³-ni³le⁴ nt⁷ai⁴-vi⁴. 20 Xi³jcha¹-le⁴ c⁷oi⁴qui³tso²-le⁴: n⁷ya³-ni¹⁴j¹in⁴ nca³ je²-vi⁴ n⁷ti¹-na⁴j¹in⁴, c⁷oa⁴ xca⁴ cji³ nca³ qui³tsin³. 21 Jo¹ ma³-ni³ nca³ ma³tsen³-le⁴ nt⁷ai⁴ li²coi³ n⁷yai³⁴-j¹in⁴. n⁷ya¹-ni³ xi³ qui³sco³ai²nqui³ xcon⁴ c⁷oa⁴-ti⁴ li²coi³ n⁷yai³⁴-j¹in⁴. Je³coan³jchi¹nca³, je² soa³ cho¹na³nqui³-lao⁴³. 22 C⁷oi⁴qui³tso² xi³jcha¹-le⁴ nca³ qui³tsa³cjon¹-le⁴ cho⁴ta⁴ judíos. Je³c⁷oa⁴qui³tso² cho⁴ta⁴ judíos, tsa² n⁷ya³-ni³ve⁴ xi³ je² Mesías coi⁴tso⁴-le⁴ Jesús, ña³qui³ coi⁴chon³sje³-ni³ ya⁴³ nt⁷ia³ sinagoga. 23 Coi³ c⁷oa⁴qui³tso²-ni³ xi³jcha¹-le⁴: Je³coan³jchi¹nca³, je² soa³ cho¹na³nqui³-lao⁴³. 24 Nqui²ntia³ ti⁴qui³no²cjoa⁴-nca¹ni³le⁴ xi³ xca⁴ cji³, c⁷oi⁴qui³tso²-le⁴: Ch⁷a⁴sje³je³yai³ Ni³na¹. Jin⁴-jin⁴ n⁷ya³-ni¹⁴j¹in⁴ nca³ cho⁴ta⁴je¹ je² cho⁴ta⁴x⁷in⁴-vi⁴. 25 C⁷ia⁴ cho⁴ta⁴xca⁴-ve⁴ qui³tso²: Tsa² cho⁴ta⁴je¹ li²coi³ n⁷ve³. To⁴coi³ xi³ n⁷ve³ nca³ xca⁴ cji²ya⁴,

nt⁷ai⁴-vi⁴ je³ma³tsen³-na³. 26 Ti⁴qui³sco²na³nqui³-nca¹ni³le⁴: Jme¹ xi³ qui³si³cao⁴-li². Jo¹ qui³s⁷in³nca³ qui³sco³ai²nqui³ xcoi³. 27 Cho⁴ta⁴xca⁴-ve⁴ qui³tso²: Je³c⁷oa⁴qui³xin³-no³, li²coi³ qui³no²ya²³. A¹-ni³ nca³ me³-si¹ni³no³ nca³ nqui²ntia³ no²ya²-nio³. A³ c⁷oa⁴²-ti⁴ me³-no³ nca³ je² cho⁴ta⁴-le⁴ ca²ta³mao³. 28 C⁷ia⁴ qui³nchja⁴aon³-le⁴ qui³tso²: Ji³ ni¹³ cho⁴ta⁴-le⁴ Jesús, to⁴nca³ jin⁴-jin⁴ cho⁴ta⁴-le⁴ Moisés ni¹⁴-jin⁴. 29 ⁷ya³-ni¹⁴jin⁴ nca³ Ni³na¹ tsa³cja¹cao⁴ Moisés, to⁴nca³ je²-vi⁴ li²coi³ ⁷yai³⁴-jin⁴ jña³ ja³ai³-ni³. 30 Cho⁴ta⁴-ve⁴ c⁷oi⁴qui³tso²-le⁴: Cjoa⁴qui²xi⁴-ni¹ nca³ cjai¹-nca³ tse³ cjoa⁴ je²-vi⁴, nca³ jon² li²coi³ ⁷yao³ jña³ ja³ai³-ni³, to⁴nca³ c⁷oa⁴-s⁷in² qui³sco³ai²nqui³ xcoan³. 31 Je³ya³² nca³ Ni³na¹ li²coi³ nch⁷oe¹-le⁴ cho⁴ta⁴ts⁷en⁴, to⁴nca³ tsa² jnco³ xi³ c⁷oa⁴-s⁷in² tsa³cjon¹que³ Ni³na¹, xi³ c⁷oa⁴-s⁷in² si⁴²qui³tjo³son² jo³-s⁷in² me³-le⁴ Ni³na¹, je²-vi⁴ xi³ Ni³na¹ nch⁷oe¹-le⁴. 32 Ni⁴c⁷ia³-jin² qui³no²ya²-le⁴ nca³ tj¹in¹ xi³ qui³sco³ai²nqui³ xcon⁴ jnco³ xi³ c⁷oa⁴-s⁷in² xca⁴ cji³ nca³ qui³tsin³. 33 Tsa² je²-vi⁴ a³li²coi³ Ni³na¹ xi³ qui³si³ca³sen¹, li²jme³ xi³ coan⁴ s⁷in⁴². 34 Cho⁴ta⁴ judíos c⁷oi⁴qui³tso²-le⁴: A³ tsi² je¹ qui³tsin³jin³ ji³. A³ ji³ xi³ va³co²ya³-na³jin⁴. C⁷ia⁴ tsa³c⁷aon³sje³ nti³tsin³.

Je² xi³ xca⁴ cjoan³ t⁷a³ts⁷e⁴ ni⁴ma⁴-le⁴

35 Jesús qui³nch⁷oe¹ nca³ tsa³qui³chon³sje³ ⁷nti¹cho⁴ta⁴-ve⁴. C⁷ia⁴ nca³ qui³sa³te³jin³ qui³sco²na³nqui³-le⁴: A³ ma³cjain¹-li² ji³ xi³ t⁷a³ts⁷e⁴ je² ⁷nti¹-le⁴ Ni³na¹. 36 Cho⁴ta⁴-ve⁴ c⁷oi⁴qui³tso²: ⁷ya¹-ni³ je², Señor, jme¹-ni³ nca³ c⁷oa⁴-s⁷in² coan⁴cjain¹-si¹ni³na³ xi³ t⁷a³ts⁷e⁴. 37 Jesús c⁷oi⁴qui³tso²-le⁴:

je³t³sa³7y³ai³, je² xi³ fa¹cao⁴-li², je² ni¹. 38 Cho⁴ta⁴-ve⁴ c⁷oi⁴qui³tso²-le⁴ Jesús: Ma³cjain¹-na³, Señor. C⁷oa⁴-s⁷in² tsa³ve³xcon¹ Jesús. 39 C⁷oi⁴qui³tso² Jesús: An³ to⁴coi³ xa¹ ja²7ai⁴-nia³ i⁴ son³7nte³-vi⁴, nca³ c⁷oa⁴-s⁷in² sco³son²-ni³le⁴ jo³-s⁷in² va³quin²-le⁴ cho⁴ta⁴, jme¹-ni³ nca³ je² xi³ tsi² ma³t³sen³-le⁴ coan⁴t³sen³-ni³le⁴, c⁷oa⁴ je² xi³ ma³t³sen³-le⁴ coan⁴xca⁴-ni³. 40 Tjin¹ c⁷a³ cho⁴ta⁴ fariseos xi³ ya⁴ tjio¹cao⁴ Jesús, xi³ qui³nch⁷oe¹ je² en¹-ve⁴. C⁷oi⁴qui³tso²-le⁴: A³ c⁷oa⁴-ti⁴ xca⁴ cjoain³-jin⁴. 41 Jesús qui³tso²-le⁴: Tsa² xca⁴ cjoaon³, tsin²-la⁴no³ je¹-jin². To⁴nca³ nt⁷ai⁴-vi⁴ c⁷oi⁴vi³xon¹³: Ma³t³sen³-na³jin⁴. Coi³ cjoa⁴ nca³ c⁷oa⁴-s⁷in² c⁷oe¹jna³t⁷a³-ni³no³ je¹-no³.

10

Cjoa⁴xco¹son²t⁷a³ts⁷e⁴je²nch⁷oa¹-le⁴va³rre²

¹ Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Je² xi³ tsi² fa³7a³s⁷en³-ni³ ya⁴ xo⁴ntjoa⁴-le⁴ nch⁷oa¹-le⁴ va³rre², to⁴xin² mi³jon³-ni³ nch⁷oa¹, je² xi³ che¹, c⁷oa⁴ cho⁴ta⁴ xi³ fi²cao⁴che¹ cho⁴.

² To⁴nca³ je² xi³ xo⁴ntjoa⁴-le⁴ nch⁷oa¹ fa³7a³s⁷en³-ni³, je² ni¹ xi³ co³7nta³ va³rre². ³ Je² xi³ si¹coi²nta⁴ xo⁴ntjoa⁴ cjo³7ai²-le⁴, c⁷oa⁴ je² va³rre² xi³ ncha³7ya³ nch⁷oe¹ jta⁴-le⁴. Nchja⁴-le⁴ jan³7ain¹-le⁴ va³rre²-le⁴, c⁷ia⁴ v⁷a³sje³. ⁴ C⁷ia⁴ nca³ je³ts⁷a³sje³jin³ nca³ts⁷i³ va³rre²-le⁴, c⁷oa⁴-s⁷in² fi²ti¹tjon²-le⁴. To⁴fi²tjen⁴nqui³ va³rre²-ve⁴ nca³ ve³ jta⁴-le⁴. ⁵ To⁴nca³ li²coi³ coai⁴tjen⁴nqui³-le⁴ cho⁴ta⁴ xi³ cja⁴7ai¹, to⁴sa³-la⁴ to⁴coa⁴nca³-le⁴, nca⁴ tsi² tsa² ve³ jta⁴-le⁴ cho⁴ta⁴ xi³ cja⁴7ai¹. ⁶ Je²-vi⁴ cjoa⁴xco¹son² xi³ Jesús qui³tso²-le⁴,

to⁴nca³ li²coi³ coan³cho⁴ya³-le⁴ cho⁴ta⁴ jo³ qui³tso²-le².

Jesús xi³ nta³ co³ nta³ va³ rre²

7 Nqui²ntia³ Jesús ti⁴c⁷oa⁴qui³tso²-nca¹ni³le⁴: Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³, an³ nia¹³ xo⁴ntjoa⁴-le⁴ va³rre². 8 Je² nca³ts⁷i³ xi³ ja³ai³ti¹tjon²-na³ to⁴cho⁴ta⁴che¹ ni¹, c⁷oa⁴ cho⁴ta⁴ xi³ fi²cao⁴che¹ cho⁴, to⁴nca³ va³rre² li²coi³ qui³nch⁷oe¹-le⁴. 9 An³ nia¹³ xo⁴ntjoa⁴. Je² xi³ cjoa⁴a³s⁷en³ t⁷a³ts⁷an⁴, c⁷oa⁴-s⁷in² coi⁴tjo³ntjai². Cjoa⁴a³s⁷en³ coi⁴tjo³ sa⁴co²-le⁴ li⁴-ji⁴. 10 Cho⁴ta⁴che¹ to⁴fa³ai³ si¹che¹, fa³ai³ si¹c⁷en³, fa³ai³ si¹qui³xo¹ya³, to⁴nca³ an³ coi³ xa¹ ja²ai⁴-nia³, jme¹-ni³ nca³ tjin¹-si¹ni³le⁴ cjoa⁴vi³jna³chon³, jme¹-ni³ nca³ n⁷ion¹ tse³ tjin¹-si¹ni³le⁴. 11 An³ nia¹³ xi³ nta³ co³ nta³ va³ rre². Je² xi³ nta³ co³ nta³ va³ rre², tsjoa¹ntjai² ni⁴ma⁴-le⁴ xi³ to⁴t⁷a³ts⁷e⁴ va³ rre². 12 To⁴nca³ je² xi³ cho⁴nta³ ma³, xi³ li² je²-jin² xi³ co³ nta³ va³ rre², xi³ tsi² tsa² nai³-le⁴ va³ rre², ve³ nca³ n⁷choa¹ tsen⁴², to⁴c⁷oa⁴-s⁷in² si¹ca³tio¹ va³ rre², c⁷oa⁴ ma³nca³-le⁴. Je² tsen⁴²-ve⁴ tsoa³, tsao³va³ va³ rre². 13 Coi³-jin²ni³ nca³ je² xi³ cho⁴nta³ ma³ ma³nca³-le⁴, nca⁴ cho⁴nta³ ni¹. A³li²coi³ nta³ si¹coi²nta⁴ va³ rre²-ve⁴. 14 An³ nia¹³ xi³ nta³ co³ nta³ va³ rre². C⁷oa⁴-s⁷in² ⁷ve³xcon³-nia¹³ va³ rre²-na⁴ jo³ cjoan³, c⁷oa⁴ je² ve³xcon³-na³ nca³ an³. 15 Jo³-s⁷in² nca³ ve³xcon³-na³ N⁷ai³-na¹, c⁷oa⁴-ti⁴ an³ ⁷ve³xcoan³ N⁷ai³-na¹. Tsjoa³ntje²³ ni⁴ma⁴-na⁴ xi³ t⁷a³ts⁷e⁴ je² ⁷nti¹cho⁴va³ rre². tjio¹jin³. C⁷oa⁴-ti⁴ je²-ve⁴ ma³chjen¹-na³ nca³ cjoia⁴n⁷choa³

16 C⁷oa⁴-ti⁴ tjin¹-sa³na³ xi³ cja⁴⁷ai¹ va³rre² xi³ tsi² tsa² i⁴ coa⁴, cjoⁱn⁴n⁴ch⁷oe¹ jta⁴-na⁴. To⁴jnc³ coan⁴jtin¹, c⁷oa⁴ to⁴jnc³ coan⁴ xi³ sco³⁷nta³. 17 Coi³ nca³ c⁷oa⁴-s⁷in² tjao²que³-ni³na³ N⁷ai³-na¹, nca⁴ c⁷oa⁴-s⁷in² tsjoa³ntje²³ ni⁴ma⁴-na⁴, jme¹-ni³ nca³ nqui²ntia³ c⁷oa⁴-s⁷in² scoe¹-si¹nia³. 18 Ni⁴to⁴⁷ya³-jin² xi³ cjoa⁴⁷a²xin²-na³ ni⁴ma⁴-na⁴, to⁴⁷an³ c⁷oa⁴-s⁷in² tsjoa³ntje²³ ni⁴ma⁴-na⁴. Tjin¹-na³ nte³ nca³ c⁷oa⁴s⁷ian³, c⁷oa⁴ tjin¹-na³ nte³ nca³ nqui²ntia³ scoe¹-nia³ ni⁴ma⁴-na⁴. Coi³ cjoa⁴te¹xo³ma³ xi³ tsa³c⁷e¹ne²-na³ N⁷ai³-na⁴. 19 Nqui²ntia³ coan³jao²ya³ cho⁴ta⁴ judíos xi³ t⁷a³ts⁷e⁴ je² en¹-vi⁴. 20 Ncjin² cho⁴ta⁴ judíos xi³ c⁷oi⁴qui³tso²: Cho⁴ta⁴nai⁴²-la⁴, sca¹-la⁴le⁴. A¹-ni³ nca³ no²⁷ya²-si¹ni³lao⁴³. 21 C⁷oi⁴qui³tso² xi³c⁷a³: Je² en¹-vi⁴ a³li² ts⁷e⁴ cho⁴ta⁴nai⁴²-jin². A³ coan⁴²-le⁴ nai⁴²-ve⁴ nca³ sco¹⁷ai²nqui³ xcon⁴ xi³ xca⁴ cjoan³.

Cho⁴ta⁴ judíos si¹jtⁱ³que³ Jesús

22 C⁷ia⁴ ji³tjo³ s⁷oi¹ dedicación ya⁴ Jerusalén, c⁷ia⁴ nca³ chan⁴nch⁷an¹. 23 Jesús tso²⁷va³ ya⁴ nqui³ corredor Salomón ya⁴ yo⁴nco⁴. 24 Cho⁴ta⁴ judíos tsa³ca³tio²ntai³-le⁴ qui³tso²-le⁴: C⁷ia¹ sa³⁷nta³ nca³ cho¹ya³-lai²⁴jin⁴. Tsa² ji³ ni¹³ Cristo, ti⁴no²cjoa⁴tsen³-na³jin⁴. 25 C⁷ia⁴ qui³nchja⁴ Jesús: C⁷oa⁴qui³xin³-no³, to⁴nca³ li²coi³ ma³cjain¹-no³. Je² xa¹ xi³ c⁷oa⁴s⁷ian³ cao⁴ jan³⁷ain¹-le⁴ N⁷ai³-na⁴, je² xi³ c⁷oa⁴-s⁷in² si¹qui²xi⁴ya³nta³ xi³ t⁷a³ts⁷an⁴. 26 To⁴nca³ jon² li²coi³ c⁷oa⁴-s⁷in² ma³cjain¹-no³, nca⁴ li² jon²-jion²³ ts⁷e⁴ va³rre²-na⁴, jo³ nca³ qui³xin³-no³. 27 Je² va³rre²-na⁴ n⁴ch⁷oe¹ jta⁴-na⁴, c⁷oa⁴ an³

⁷ve³xcon³-nia¹³, c⁷oa⁴fi²tjen⁴nqui³-na³. 28 An³tsjoa³-le⁴cjoa⁴vi³jna³chon³nca³ntsjai². Ni⁴to⁴c⁷ia³-jin²nca³ntia³cha⁴, ni⁴to⁴ya³-jin²xi³cjoa⁴a²xin²ya³-ni³ntsa⁴. 29 Je²N⁷ai³-na⁴xi³qui³tsjoa³-na³va³rre²-na⁴, je²ni¹ti¹tjon²-le⁴nca³yi³je³cjoa⁴. Ni⁴ya³-jin²xi³coan⁴cjoa⁴a²xin²ya³-ni³ntsja³N⁷ai³-na⁴je²va³rre²-na⁴. 30 An³cao⁴N⁷ai³-na¹to⁴jnc³-ni¹4jin⁴. 31 C⁷ia⁴qui³scoe¹-nca¹ni³la⁴jao⁴je²cho⁴ta⁴judíos nca³coa⁴sen²-le⁴Jesús. 32 Jesús qui³tso²-le⁴: Cjai¹nca³to⁴ncjin²xa¹xi³nta³xi³tsa³ca³co³-no³xi³ts⁷e⁴N⁷ai³-na⁴. Jña¹-le⁴xi³je¹ntjai²-le⁴xa¹-vi⁴coa⁴sen²-si¹ni³nao¹³la⁴jao⁴. 33 Cho⁴ta⁴judíos c⁷oi⁴qui³tso²-le⁴: Li²coi³la⁴jao⁴coa⁴sen²-lai²4jin⁴ja⁴t⁷a³ts⁷e⁴xa¹xi³nta³, to⁴coi³nca³no²cjoa⁴aon³-lai⁴Ni³na¹, nca⁴ji³xi³cho⁴ta⁴x⁷in⁴, Ni³na¹nia¹³c⁷oi⁴si³. 34 Jesús qui³tso²-le⁴: A³tsi²c⁷oa⁴-s⁷in²tji¹t⁷a³cjoa⁴te¹xo³ma³-no³: An³c⁷oi⁴qui³xian³: Jon²xi³ni³na¹nio¹³. 35 Tsa²ni³na¹t³ca³in²-le⁴je²xi³ja³ai³-le⁴en¹-le⁴Ni³na¹(xon⁴Escritura li²coi³⁷ya³xi³coan⁴si⁴qui³xo²ya³jin³), 36 Je²xi³N⁷ai³-na¹t³ca³ca³sen¹xa¹c⁷oa⁴qui³si³ca³sen¹i⁴son³nte³-vi⁴, jon²vi³xon¹-lao⁴3: Ji³no²cjoa⁴aon³-lai⁴Ni³na¹, nca⁴coi³qui³xian³, ⁷nti¹-le⁴Ni³na¹nia¹³. 37 Tsa²tsi²t³ca³c⁷oa⁴s⁷ian³xa¹-le⁴N⁷ai³-na⁴, a³li²ma³cjain¹-jin²no³jo³xian³. 38 Nta³t³ca³tsi²ma³cjain¹-no³jo³xian³, t³ca³c⁷oa⁴s⁷ian³xa¹-le⁴N⁷ai³-na⁴, ca²ta³ma³cjain¹-no³xi³to⁴t⁷a³ts⁷e⁴xa¹xi³s⁷ian³, jme¹-ni³nca³c⁷oa⁴-s⁷in²jcha⁴-si¹nio³c⁷oa⁴coan⁴cjain¹-si¹ni³no³nca³je²N⁷ai³-na¹ti¹jna³cao⁴-na³c⁷oa⁴an³ti²jna⁴coa⁴N⁷ai³-na¹. 39 Nqui²ntia³ti⁴me³-le⁴qui³tsoa³-nca¹ni³, to⁴nca³je²ji³tjo³ca³ya³ntsja³. 40 C⁷ia⁴ti⁴qui³-nca¹ni³

ya⁴ xi³ ncoa³ nta¹ Jordán, ya⁴ ñña³ nca³ Juan ti¹ tjon² tsa³ ca³ te¹ nta¹. Ya⁴ tsa³ c⁷ e² jna³ Jesús. 41 Cjai¹ nca³ to⁴ ncjin² xi³ ja³⁷ ai³ con²-le⁴ Jesús, c⁷ oi⁴ qui³ tso²: Juan, ñña³ qui³ cjoa⁴ qui² xi⁴-ni¹ nca³ tsi² jme³ choa⁴ qui³ tsoa³. To⁴ nca³ nca³ yi³ je³ jo³ qui³ tso² Juan xi³ t⁷ a³ ts⁷ e⁴ Jesús ñña³ qui³ cjoa⁴ qui² xi⁴ ni¹. 42 Cjai¹ nca³ to⁴ ncjin² xi³ ya⁴ coan³ cjin¹-le⁴ xi³ t⁷ a³ ts⁷ e⁴ Jesús.

11

C⁷en³ Lázaro

1 C⁷ia⁴ jnco³ xi³ ti¹ m⁷ en³ xi³ Lázaro ⁷mi², ya⁴ Betania ts⁷ e⁴, ya⁴ na⁴ xi⁴ na³ nta¹-le⁴ María cao⁴ Marta nti³ chja³.

2 (Je² María je² xi³ qui³ si³ ca³ jon³ je² Señor cao⁴ jnco³ xqui³ xi¹ ne¹. Ntsja⁴-le⁴ qui³ si³ xi²-ni³ ntso⁴ co⁴. Je² nts⁷ e⁴ xi³ Lázaro ⁷mi², xi³ ti¹ m⁷ en³.) 3 Nti³ chja³ Lázaro qui³ si³ ca³ sen¹ cjoa⁴-le⁴ Jesús, c⁷ oi⁴ qui³ tso²-le⁴: Señor, coe⁴-ni³ je² xi³ tjao² chai³ ti¹ m⁷ en³-ni¹. 4 C⁷ia⁴ nca³ Jesús qui³ nch⁷ oe¹-le⁴, c⁷ oi⁴ qui³ tso²: Je² ch⁷ in³-vi⁴ li² coi³ coi⁴ ya¹-ni³, to⁴ nca³ t⁷ a³ ts⁷ e⁴ cjoa⁴ je³ ya³-le⁴ Ni³ na¹, jme¹-ni³ nca³ je² ⁷nti¹-le⁴ Ni³ na¹ coi⁴ tjo³ je³ ya³-si¹ ni³. 5 Jesús cjai¹ nca³ tjao² que³ Marta cao⁴ nti³ chja³ cao⁴ Lázaro. 6 C⁷ia⁴ nca³ qui³ nch⁷ oe¹ nca³ ti¹ m⁷ en³ nqui² jao² ni⁴ chjin³ tsa³ c⁷ e² jna³ ya⁴ ⁷nte³ jña³ nca³ ti¹ jna³. 7 Xi³ je³ coan³ je²-vi⁴, c⁷ ia⁴ c⁷ oi⁴ qui³ tso²-le⁴ cho⁴ ta⁴-le⁴: Tjin³-la² nca¹ nia³² ya⁴ Judea. 8 Cho⁴ ta⁴-le⁴ c⁷ oi⁴ qui³ tso²-le⁴ Jesús: Rabí, la⁴ jao⁴-na¹ me³-le⁴ va³ sen¹-li² cho⁴ ta⁴ judíos. A³ nqui² ntia³ ti⁴ c⁷ oin¹-nca¹ ni³ ya⁴-ve⁴. 9 Qui³ nchja⁴ Jesús: A³ tsi² te³ jao² hora tjin¹-le⁴ ni⁴ chjin³. Je² xi³ tso²⁷ va³ nca³ ni⁴ chjin³ li² coi³

sa⁴te¹nqui³, nca⁴ ma³tsen³-ni³le⁴ je² l'i¹ xi³ si¹i³sen³ son³n³te³. 10 To⁴nca³ je² xi³ tso²va³ nca³ njion², sa⁴te¹nqui³-ni¹, nca⁴ tsi² tsa² i³sen³-le⁴. 11 C⁷ia⁴ nca³ je³c⁷oa⁴qui³tso², c⁷ia⁴ Jesús c⁷oi⁴qui³tso²-le⁴ cho⁴ta⁴-le⁴: Lázaro je² mi²yo⁴-na¹ ti¹qui³jna³fe²-ni¹, to⁴nca³ cjo¹ si³cja³a¹-ni³le⁴. 12 C⁷ia⁴ qui³tso² cho⁴ta⁴-le⁴: Señor, tsa² qui³jna³fe², coan⁴nta³-ni¹. 13 C⁷oi⁴qui³tso² Jesús t⁷a³ts⁷e⁴ cjoa⁴vi³ya³-le⁴ Lázaro. C⁷oa⁴ je² cho⁴ta⁴-le⁴ cja⁴ai¹-s⁷in² coan³cho⁴ya³-le⁴ xi³ Jesús ca²nchja⁴. Qui³si³cja³ai³tsjen³ nca³ to⁴ti¹si¹cja¹ya³ Lázaro nca³ ti¹qui³jna³fe². 14 C⁷ia⁴ Jesús qui³nchja⁴tsen³: Lázaro ti¹qui³jna³c⁷en³-ni¹. 15 Ma³tsjoa³-na³ xi³ t⁷a³tsaon⁴ nca³ tsi² ya⁴ ti²jna⁴, jme¹-ni³ nca³ coan⁴cjain¹-si¹ni³no³. To⁴nca³ tj³chon¹-le⁴. 16 C⁷ia⁴ Tomás, je² xi³ Dídim⁷o mi², c⁷oi⁴qui³tso²-le⁴ xi³c⁷a³ cho⁴ta⁴-le⁴ Jesús: C⁷oa⁴-ti⁴ tjian¹ nca³ ña¹, jme¹-ni³ nca³ ya⁴ coi⁴ya²cao⁴-si¹nia³2.

Jesús xi³ si¹cja³a¹ya³, c⁷oa⁴ Jesús xi³ cjoa⁴vi³jna³chon³

17 C⁷ia⁴ ji³nchoa³ Jesús, qui³s⁷e³j³in³-le⁴ nca³ je³coan³ ño³ ni⁴chjin³ nca³ qui³s⁷e³ñai³ Lázaro. 18 Betania ti¹jna³ čhian³-ni³le⁴ Jerusalén, jo³-ni³ tsa² va³sen³ hora-la⁴. 19 Cjai¹nca³ to⁴ncjin² cho⁴ta⁴ judíos ja³ai³nch⁷oe² Marta cao⁴ María. Ja³ai³ si¹je³con³ nca³ c⁷en³ nts⁷e⁴. 20 C⁷ia⁴ nca³ Marta qui³nch⁷oe¹ nca³ Jesús ti¹nchoa¹ ya⁴ ntia⁴2, qui³cja³a¹, to⁴nca³ je² María ya⁴ tsa³c⁷e²jna³ ya⁴ ni³ya³. 21 Marta qui³tso²-le⁴ Jesús: Señor, tsa² i⁴-la²sa³ ti³jnai³ tsa²cai³, je² nts⁷e³ li²coi³ c⁷en³.

22 To⁴nca³ c⁷oa⁴-ti⁴ [?]ve³-nia¹³ nt[?]ai⁴-vi⁴, to⁴jme³-ni³ xi³ ni²je¹-lai⁴ Ni³na¹, Ni³na¹ tsjoa¹-li². 23 Jesús qui³tso²-le⁴: Cjoa^{4?}a¹ya³-ni³le⁴ nts[?]ai⁴. 24 Marta c⁷oi⁴qui³tso²-le⁴: [?]ve³-nia¹³ nca³ cjoa^{4?}a¹ya³-ni³le⁴ c⁷ia⁴ nca³ coi⁴cho³cje³t[?]a³ ni⁴čhjin³. 25 Jesús qui³tso²-le⁴: An³ nia¹³ xi³ si³cja^{3?}a¹ya³, c⁷oa⁴ an³ nia¹³ xi³ cjoa⁴vi³jna³chon³. Je² xi³ ma³cjain¹-le⁴ t[?]a³ts[?]an⁴, nta³ tsa² c⁷en³, c⁷oe¹jna³con³-ni¹. 26 C⁷oa⁴ to^{4?}ya³-ni³ve⁴ xi³ ti¹jna³con³, xi³ ma³cjain¹-le⁴ t[?]a³ts[?]an⁴, li²coi³ ntia³ coi⁴ya¹. A³ ma³cjain¹-li² je²-vi⁴. 27 Marta qui³tso²-le⁴ Jesús: Jaon³, Señor, je³coan³cjain¹-na³ nca³ ji³ ni¹³ Cristo, je² [?]nti¹-le⁴ Ni³na¹, xi³ ja^{2?}ai⁴ son^{3?}nte³.

Jesús qui³squi^{3?}nta¹ ya⁴ t[?]a³tsjo¹-le⁴ Lázaro

28 C⁷ia⁴ nca³ je³c⁷oa⁴qui³tso² Marta, qui³ qui³nchja^{4?}ma³-le⁴ María xi³ nti³chja³, c⁷oi⁴qui³tso²-le⁴: I⁴ ti¹jna³-vi⁴ Maestro, ti¹nchja⁴-li². 29 C⁷ia⁴ nca³ María qui³nč[?]oe¹-le⁴, nti⁴ton⁴ tsa³qui³so²tjen⁴ ji³nčhoa³nč[?]oe² Jesús. 30 Cje³-sa³ fi³cho¹-jin² Jesús ya⁴ na⁴xi⁴na³nta¹, to⁴ya⁴ ti¹jna³ ya⁴ [?]nte³ jña³ nca³ Marta qui³sa³te³cjao³. 31 C⁷ia⁴ je² cho⁴ta⁴ judíos xi³ tjio¹cao⁴ María ya⁴3 ni^{3?}ya³-le⁴, xi³ si¹je³con³, tsa³ve³ nca³ María tsa³qui³so²tjen⁴ nti⁴ton⁴ c⁷oa⁴ ji³tjo³, qui³tjen⁴nqui³-le⁴, c⁷oi⁴qui³tso²: Ya⁴-la⁴ coai⁴ cji^{3?}nta¹ ya⁴ t[?]a³tsjo¹-le⁴. 32 María ji³cho² ya⁴ jña³ nca³ ti¹jna³ Jesús, tsa³ve³ tsa³ca³sen²xco¹nch[?]in^{3?}t[?]a³-le⁴, c⁷oi⁴qui³tso²-le⁴: Señor, tsa² i⁴-la²sa³ ti³jnai³ tsa²cai³, je² nts[?]e³ li²coi³ c⁷en³. 33 C⁷ia⁴ nca³ Jesús tsa³ve³ nca³ ti¹cji^{3?}nta¹ María c⁷oa⁴ti⁴ tjio¹cji^{3?}nta¹

je² cho⁴ta⁴ judíos xi³ tjen⁴cao⁴, c⁷ia⁴ aon³ coan³-le⁴ Jesús, coan³fao¹-le⁴. 34 C⁷oi⁴qui³tso²: Jña¹ tsa³c⁷e²ñao³. Qui³tso²-le⁴: Señor, n⁷choai¹³ cho¹tsain³. 35 Qui³squi³nta¹ Jesús. 36 C⁷ia⁴ qui³nchja⁴ cho⁴ta⁴ judíos: Coe⁴-ni³ jo³ nca³ tjao²que³ coan³ Lázaro. 37 Tjin¹ c⁷a³ cho⁴ta⁴ judíos xi³ c⁷oi⁴qui³tso²: Ne³ qui³sco³ai²nqui³ xcon⁴ xi³ xca⁴ cji³. A³ tsi² tsa² coan³-le⁴ je²-vi⁴ nca³ qui³s⁷in³ cjoa⁴nta³ nca³ tsi² tsa² c⁷en³ Lázaro.

Qui³ni²cja³a¹ya³-le⁴ Lázaro

38 Aon³ coan³-nca¹ni³le⁴ Jesús. Ja³ai³ ja⁴tsjo¹-ve⁴, jnco³ nqui³jao³ jña³ nca³ qui³jna³jcho³ jnco³ la⁴jao⁴te³. 39 C⁷oi⁴qui³tso² Jesús: Cha³a²xion²³ la⁴jao⁴. Marta, nti³chja³ Lázaro, c⁷oi⁴qui³tso²-le⁴: Señor, je³njen⁴, nca⁴ je³ño³-le⁴ ni⁴čjin³ nca³ qui³s⁷e³ñai³. 40 Jesús qui³tso²-le⁴ Marta: A³ tsi² tsa² c⁷oa⁴qui³xin³-le²³, tsa² coan⁴cjain¹-li², jcha⁴-ni¹³ cjoa⁴je³ya³-le⁴ Ni³na¹. 41 C⁷ia⁴ tsa³cja³a¹xin² la⁴jao⁴ jña³ nca³ qui³s⁷e³ñai³ c⁷en³. Jesús qui³sco²tsen³nc⁷a¹ qui³tso²: N⁷ai³-na⁴, tsjoa³-le²³ cjoa⁴nta³ nca³ c⁷oa⁴-s⁷in² ca²no²ya²-nai¹³. 42 An³ tsa³ve³-nia¹³ nca³ no²ya²-nai¹³ nca³ntsjai². To⁴coi³ nca³ncjin² cho⁴ta⁴ tjio¹ntai³, c⁷oa⁴ca²xin³-nia³, jme¹-ni³ nca³ c⁷oa⁴-s⁷in² ca²ta³ma³cjain¹-si¹ni³le⁴ nca³ ji³ qui³ni²ca³sen¹-nai¹³. 43 C⁷ia⁴ nca³ je³c⁷oa⁴qui³tso² nca³yi³je³ en¹-vi⁴, n⁷ion¹ qui³nchja⁴: Lázaro, n⁷choai¹³ nti³tsin³-vi⁴. 44 Je² xi³ qui³jna³c⁷en³ ji³tjo³. Ntsja³ cao⁴ ntso⁴co⁴ tji¹n⁷ion¹-ni³ na³jño³. Je² ncjain¹ jnco³ na³jño³ ti¹jte¹jjin³. Jesús qui³tso²-le⁴ cho⁴ta⁴: Cho¹jnta¹-nio³, ca²ta³fi².

*Cho⁴ta⁴ judíos fao¹ya³ co²ntran⁴-ni³ Jesús
(Mt. 26:1-5; Mr. 14:1-2; Lc. 22:1-2)*

⁴⁵ Cjai¹nca³ ncjin² cho⁴ta⁴ judíos xi³ ja³⁷ai³nčh⁷oe² María. Tsa³ve³ nca³yi³je³ jo³ qui³s⁷in³ Jesús, coan³cjain¹-le⁴ xi³ t⁷a³ts⁷e⁴. ⁴⁶ To⁴nca³ tjin¹ c⁷a³ cho⁴ta⁴ judíos xi³ qui³con³-le⁴ cho⁴ta⁴ fariseos, c⁷oa⁴qui³tso²-le⁴ jo³ qui³s⁷in³ Jesús. ⁴⁷ C⁷ia⁴ cho⁴ta⁴ti¹tjon²-le⁴ na⁴⁷mi³ cao⁴ cho⁴ta⁴ fariseos qui³s⁷in³ junta qui³tso²: Jme¹ xi³ n⁷ian², nca³ ncjin² choa⁴ xi³ tsjoa¹ je² cho⁴ta⁴-vi⁴. ⁴⁸ Tsa² to⁴c⁷oa⁴-s⁷in² si⁴c⁷e¹jna³², ña³qui³ nca³ts⁷i³ coan⁴cjain¹-le⁴ xi³ t⁷a³ts⁷e⁴. Cjoa⁴⁷ai¹ cho⁴ta⁴ romanos, cjoa⁴⁷a²xin²-na¹ ⁷nte³-na¹ cao⁴ na⁴xi⁴na³nta¹-na¹. ⁴⁹ Je² Caifás jnco³ xi³ ya⁴ tjio¹, je² xi³ na⁴⁷mi³ti¹tjon² coi³ no¹-ve⁴, c⁷oi⁴qui³tso²-le⁴: Jon² li²jme³ xi³ ma³-no³. ⁵⁰ Sa³⁷nta³ li²coi³ ni²cja³⁷ai³tsjaon³ nca³ ma³chjen¹-na¹ nca³ jnco³ cho⁴ta⁴ coi⁴ya¹ntjai² na⁴xi⁴na³nta¹-na¹, c⁷oa⁴ li²coi³ nta³ nca³ ña³qui³ si⁴cha³² nca³ts⁷i³ cho⁴ta⁴. ⁵¹ Je²-vi⁴ a³li² to⁴je² xi³ c⁷oa⁴qui³tso². To⁴coi³ nca³ xa¹-le⁴ na⁴⁷mi³ti¹tjon² v⁷a³ je² no¹-ve⁴, c⁷oa⁴-s⁷in² tsa³ca¹ya³con³ nca³ Jesús coi⁴ya¹ntjai² na⁴xi⁴na³nta¹. ⁵² A³li² tsa² to⁴je² na⁴xi⁴na³nta¹-ve⁴ xi³ coi⁴ya¹ntjai² Jesús, c⁷oa⁴²-ti⁴ c⁷oe⁴²xco¹ nca³ts⁷i³ ⁷nti¹-le⁴ Ni³na¹ xi³ tjio¹tsao³va³ son³⁷nte³. ⁵³ Sa³⁷nta³ coi³ ni⁴čhjin³-ve⁴ c⁷oa⁴-s⁷in² tsa³cjao¹ya³-ni³ jo³-s⁷in² nca³ si⁴²c⁷en³. ⁵⁴ To⁴coi³ cjoa⁴-vi⁴ Jesús li²coi³ ti⁴tsa³c⁷a³mjen³ va³sen³jjin³-ni³le⁴ cho⁴ta⁴ judíos. Qui³-ni³ ya⁴-ve⁴, qui³ jnco³ na⁴xi⁴na³nta¹ xi³ Efraín ⁷mi², xi³ ti¹jna³čhian³-le⁴ ⁷nte³t⁷a³xin²t⁷a³. Ya⁴ tsa³c⁷e²jna³cao⁴ cho⁴ta⁴-le⁴. ⁵⁵ Je³nčhoa¹čhian³ s⁷oi¹ pa²xco⁴ xi³ ts⁷e⁴ cho⁴ta⁴

judíos. Cjai¹nca³ ncjin² xi³ qui³-ni³ ya⁴ ʔnte³-ve⁴. Qui³mi³ Jerusalén, nca³ cje³ vi³tjo³-jin²sa³ pa²xco⁴, jme¹-ni³ nca³ si⁴²tsje³-si¹ni³ yao³-le⁴. ⁵⁶ Tsa³ca¹sja³ Jesús. Nca³i⁴ nca³jan¹ tsa³cja¹cao⁴ xi¹-ncjin¹ nca³ tjio¹ ya⁴³ yo⁴nco⁴: Jo¹ vi³xon¹³, a³ tsi² cjoa⁴⁷ai¹ sʔoi¹-vi⁴. ⁵⁷ Je² cho⁴ta⁴ti¹tjon²-le⁴ na⁴⁷mi³ cao⁴ cho⁴ta⁴ fariseos cʔoa⁴-sʔin² tsa³ca³te¹xo³ma³, tsa² ʔya³-ve⁴ xi³ ve³ jña³ nca³ ti¹jna³ Jesús, cʔoa⁴ca²ta³tso², jme¹-ni³ nca³ coi⁴ntoa⁴-si¹ni³.

12

Je² María si¹ca³jon³ Jesús (Mt. 26:6-13; Mr. 14:3-9)

¹ Jaon³ ni⁴čhjin³ nca³ cje³ vi³tjo³-jin²sa³ sʔoi¹ pa²xco⁴, Jesús ja³⁷ai³ ya⁴ Betania jña³ nca³ ti¹jna³ Lázaro, je² xi³ cʔen³ xi³ Jesús qui³si³cja³⁷a¹ya³jin³-ni³le⁴ xi³ cʔen³. ² Ya⁴ qui³si³cjen² Jesús nca³ njion². Je² Marta tsa³cʔe¹ya³-le⁴. Je² Lázaro cʔoa⁴-ti⁴ jnc³ xi³ ti⁴je²-ni³ xi³ tsa³ca³tio²tʔa³ ya¹mi²xa⁴ cao⁴ Jesús. ³ Cʔia⁴ María qui³scoe¹ jnc³ libra xqui³xi¹ne¹ xi³ ʔmi² nardo xi³ cjai¹nca³ chji¹. Qui³si³ca³jon³ ntso⁴co⁴ Jesús, cao⁴ ntsja⁴-le⁴ qui³si³xi²-ni³ ntso⁴co⁴. A³li² to⁴jo³ xi³ qui³njen³ ja⁴ya³ ni³⁷ya³. ⁴ Qui³tso² jnc³ cho⁴ta⁴-le⁴ Jesús, je² Judas Iscariote, ʔnti¹-le⁴ Simón, je² xi³ cʔoe⁴²tʔain³ na⁴jmi¹ xi³ tʔa³tsʔe⁴ Jesús. ⁵ A¹-ni³ nca³ tsi² jan² ciento qui³sa³te³na²-si¹ni³ je² xqui³xi¹ne¹-vi⁴, cʔoa⁴ tsa² qui³tsʔai²-le⁴ cho⁴ta⁴yo⁴ma⁴. ⁶ To⁴coi³ cʔoa⁴qui³tso²-ni³, a³li² tsa² nca³ cjoa⁴qui²xi⁴-jin² nca³ nʔion¹ cji³jin³-le⁴ cho⁴ta⁴yo⁴ma⁴, to⁴coi³² nca³ che¹. Ti¹jna³-le⁴ ʔnti¹ ca²xa⁴taon⁴, qui³si³che¹ je² xi³ ya⁴

qui³s⁷e³ya³. 7 C⁷ia⁴ Jesús c⁷oi⁴qui³tso²: Ca²ta³v⁷e²-le⁴. Ca²ta³v⁷e¹jna³tjao² sa³⁷nta³ c⁷ia⁴ nca³ an³ xi³ s⁷e⁴ñe²³. 8 Je² cho⁴ta⁴yo⁴ma⁴ tjio¹cao⁴ntsjai²-no³, to⁴nca³ an³ li²coi³ i⁴ coa²te⁴jna³cao⁴ntsjai²-no³. 9 Cjai¹nca³ to⁴ncjin² cho⁴ta⁴ judíos tjín¹jín³-le⁴ nca³ Jesús ya⁴ ti¹jna³. A³li² to⁴coi³cjoan² cjoa⁴ ja³⁷ai³-ni³ xi³ t⁷a³ts⁷e⁴ Jesús. C⁷oa⁴-ti⁴ ja³⁷ai³ co³tsen³-le⁴ je² Lázaro xi³ Jesús qui³si³cja³⁷a¹ya³-ni³le⁴ xi³ c⁷en³. 10 C⁷oa⁴-s⁷in² tsa³cjao¹ya³-ni³ je² cho⁴ta⁴ti¹tjon²-le⁴ na⁴⁷mi³, nca³ c⁷oa⁴-ti⁴ me³-le⁴ nca³ si⁴²c⁷en³ Lázaro. 11 Coi³ nca³ cjai¹nca³ to⁴ncjin² cho⁴ta⁴ judíos qui³, c⁷oa⁴ coan³cjain¹-le⁴ t⁷a³ts⁷e⁴ Jesús xi³ to⁴coi³ cjoa⁴-le⁴ Lázaro.

Jesús fa³⁷a³s⁷en³ Jerusalén

(Mt. 21:1-11; Mr. 11:1-11; Lc. 19:28-40)

12 Xi³ coan³ nchaon³ cjai¹nca³ to⁴ncjin² cho⁴ta⁴ xi³ ja³⁷ai³ je² s⁷oi¹-ve⁴ c⁷ia⁴ nca³ qui³nch⁷oe¹ nca³ Jesús ti¹nchoa¹ ya⁴ Jerusalén. 13 Qui³scoe¹ xca⁴jen¹, ji³tjo³cja³⁷a¹ya³ntia³, n⁷ion¹ qui³nchja⁴: Viva. Jo¹ to⁴nta³-le⁴ je² xi³ fa³⁷ai³ nca³jao³-le⁴ Nai³na¹, je² cho⁴ta⁴ti¹tjon² xi³ ts⁷e⁴ cho⁴ta⁴ Israel. 14 Jesús qui³sa³co³-le⁴ jnco³ bo¹rro¹⁷nti¹, tsa³c⁷e²jna³son²-le⁴ jo³-s⁷in² tji¹t⁷a³ xon⁴: 15 A³li² jcon³-jin²³, tso²ti³-le⁴ Sión, coe⁴-ni³ cho⁴ta⁴ti¹tjon²-li⁴ ti¹nchoa¹, ti¹jna³son² jnco³ bo¹rro¹⁷nti¹. 16 Je² en¹-vi⁴ li²coi³ coan³cho⁴ya³-le⁴ cho⁴ta⁴-le⁴ Jesús nca³ ti¹tjon². To⁴nca³ c⁷ia⁴ nca³ qui³s⁷e³-le⁴ cjoa⁴je³ya³ Jesús, c⁷ia⁴² ja³⁷ai³tsjen³-le⁴ nca³ c⁷oa⁴-s⁷in² tji¹t⁷a³ xon⁴ xi³ t⁷a³ts⁷e⁴, c⁷oa⁴ nca³ c⁷oa⁴-s⁷in² qui³si³cao⁴ Jesús. 17 Je² cho⁴ta⁴ xi³ ya⁴ tjio¹cao⁴ c⁷oa⁴-s⁷in² qui³tsjao³ en¹, jo³-s⁷in² nca³ qui³nchja⁴-le⁴ Lázaro ja⁴tsjo¹-le⁴ nca³

qui³si³cja³⁷a¹ya³j³in³-ni³le⁴ xi³ c⁷en³. 18 Coi³ cjoa⁴
nca³ c⁷oa⁴-s⁷in² to⁴nta³ coan³xco¹-ni³ cho⁴ta⁴ nca³
qui³ co³ya³ntia³-le⁴, nca³ qui³n³ch⁷oe¹ nca³ qui³tsjoa³
je² choa⁴ je²-vi⁴. 19 To⁴nca³ je² cho⁴ta⁴ fariseos
c⁷oi⁴qui³tso²-le⁴ xi¹ncjin¹: A³ tsi² ⁷yao³ nca³ li²jme³
xi³ njen³-no³. Coe⁴-si³s⁷in¹ nca³ts⁷i³, cjai¹nca³ nta³
fi²t⁷a³-le⁴.

Cho⁴ta⁴ griegos va¹sjai³ Jesús

20 Tjin¹ c⁷a³ cho⁴ta⁴ griegos xi³ ji³cho² que³xcon¹
ya⁴ s⁷oi¹. 21 Je²-vi⁴⁷ni³ ji³cho²con³-le⁴ Felipe xi³
ts⁷e⁴ Betsaida ya⁴ Galilea, tsa³c⁷e¹ts⁷oa³-le⁴: Señor,
cjai¹nca³ me³-na³j³in⁴ nca³ jchai⁴-jin³ Jesús. 22 Felipe
ja³⁷ai³, c⁷oa⁴qui³tso²-le⁴ Andrés. C⁷ia⁴ Andrés
cao⁴ Felipe c⁷oa⁴qui³tso²-le⁴ Jesús. 23 C⁷ia⁴ Jesús
c⁷oi⁴qui³tso²: Je³ja³⁷ai³ hora nca³ je² ⁷nti¹-le⁴ cho⁴ta⁴
s⁷e⁴-le⁴ cjoa⁴je³ya³. 24 Ña³qui³ cjoa⁴qui²xi⁴ ña³qui³
cjoa⁴qui²xi⁴ xi³ xin³-no³: Tsa² je² na⁴xin⁴-le⁴ trigo
li²coi³ sca⁴j³in³ na³nqui³, c⁷oa⁴ tsa² tsi² coi⁴ya¹,
to⁴je² c⁷oe¹jna³. To⁴nca³ tsa² coi⁴ya¹, a³li² to⁴c⁷oa⁴
cji³ to³ xi³ coa⁴-le⁴. 25 Je² xi³ tsjoa³que³ ni⁴ma⁴-
le⁴, c⁷oa⁴-s⁷in² si⁴²cha³ ni⁴ma⁴-le⁴, to⁴nca³ je² xi³
ma³jti³que³ ni⁴ma⁴-le⁴ i⁴ son³⁷nte³-vi⁴, c⁷oa⁴-s⁷in²
c⁷oe⁴²tjao² ni⁴ma⁴-le⁴ sa³⁷nta³ cjoa⁴vi³jna³chon³
nca³ntsjai². 26 Tsa² jnco³ xi³ si¹xa¹-na³, ca²ta³fi²t⁷a³-
na³. Jña³ nca³ coa²te⁴jna³ nca³ an³, c⁷oa⁴-ti⁴ ya⁴
c⁷oe¹jna³ je² xi³ si¹xa¹-na³. Tsa² jnco³ xi³ si¹xa¹-
na³, je² N⁷ai³-na⁴ cjai¹nca³ nta³ c⁷oa⁴sje³. 27 Nt⁷ai⁴
cjai¹nca³ fao¹-le⁴ ni⁴ma⁴-na⁴. Jo¹ xian¹³. N⁷ai³-
na⁴, ch⁷a⁴sje³ntjai²-nai¹³ je² hora je²-vi⁴, to⁴nca³
coi³ xa¹ ja²⁷ai⁴-nia³ je² hora je²-vi⁴. 28 N⁷ai³-na⁴,
ch⁷a⁴sje³je³yai³ jan³⁷ain¹-li⁴. C⁷ia⁴ qui³no²⁷ya²-ni³le⁴

jnco³ jta⁴ nc⁷a³jmi³: Je³ts⁷a³sje³je³ya²³ jan³⁷ain¹-
 na⁴, c⁷oa⁴ c⁷oa⁴-s⁷in² c⁷oa³sje³je³ya³-nca¹nia³. 29 Je²
 cho⁴ta⁴ xi³ ya⁴ tjio¹cao⁴ qui³nch⁷oe¹, c⁷oa⁴qui³tso²
 nca³ ch⁷aon⁴. Xi³c⁷a³ qui³tso²: A²ncje⁴ xi³ ca²fa¹cao⁴.
 30 Jesús c⁷oi⁴qui³tso²: Je² jta⁴-vi⁴ a³li² t⁷a³ts⁷an⁴
 ja³⁷ai³, to⁴nca³ t⁷a³tson⁴³ nio¹³. 31 Nt⁷ai⁴-vi⁴
 ntai⁴ cho¹son²-ni³le⁴ jo³ cjoan³ cho⁴ta⁴son³⁷nte³.
 Nt⁷ai⁴-vi⁴ je² nai⁴² xi³ va³te¹xo³ma³ son³⁷nte³-vi⁴
 coi⁴chon³sje³-ni³. 32 An³ tsa² tjio¹mi³tjen^{4t}a³-nia³
 na³nqui³, cjoa⁴⁷ai¹t⁷a³ts⁷i³-na³. 33 Coi³ c⁷oa⁴qui³tso²-
 ni³ nca³ c⁷oa⁴-s⁷in² qui³tso²ya³-ni³ jo³-s⁷in² nca³
 coi⁴ya¹. 34 Cho⁴ta⁴ c⁷oi⁴qui³tso²-le⁴ Jesús: Jin⁴-jin⁴
 qui³no²⁷ya²-lai⁴jin⁴ cjoa⁴te¹xo³ma³ xi³ c⁷oa⁴tso²
 nca³ Cristo ti¹jna³ nca³ntsjai². A¹-ni³ c⁷oi⁴si³-si¹ni³
 nca³ ji³, nca³ ma³chjen¹ nca³ je² ?nti¹-le⁴ cho⁴ta⁴
 tjio¹mi³tjen^{4t}a³-ni³ na³nqui³. ?ya¹-ni³ je² ?nti¹-
 le⁴ cho⁴ta⁴. 35 C⁷ia⁴ Jesús c⁷oi⁴qui³tso²-le⁴: To⁴jo³
 ti¹jna³jin³-la²sa³no³ nca³ jon² l⁷i¹-vi⁴. Ti⁴mao³ ti⁴⁷a³-
 ni³ nca³ i³sen³-sa³no³, jme¹-ni³ nca³ tsi² coan⁴njon²-
 ni³no³. Je² xi³ v⁷e¹ma³njon², li²coi³ ve³ jña³ fi².

Cho⁴ta⁴ judíos li²coi³ ma³cjain¹-le⁴

36 Nt⁷ai⁴-vi⁴ ti⁴⁷a³-ni³ nca³ i³sen³-no³,
 ca²ta³ma³cjain¹-no³ xi³ t⁷a³ts⁷e⁴ je² l⁷i¹-vi⁴, jme¹-
 ni³ nca³ ?nti¹-le⁴ l⁷i¹-ve⁴ coan⁴-si¹nio³. C⁷oi⁴qui³tso²
 Jesús. C⁷ia⁴ qui³, tsa³c⁷e²jna³⁷ma³-le⁴ nca³ts⁷i³.
 37 Nta³ tsa² c⁷oa⁴-s⁷in² to⁴tse³ choa⁴ qui³tsjoa³-
 le⁴, to⁴jo³ li²coi³ coan³cjain¹-le⁴ xi³ t⁷a³ts⁷e⁴ Jesús,
 38 jme¹-ni³ nca³ c⁷oa⁴-s⁷in² coi⁴tjo³son²-ni³ je²
 en¹-le⁴ Isaías xi³ qui³nchja⁴ya³ t⁷a³ts⁷e⁴ Ni³na¹:
 Señor, ?ya¹-ni³ xi³ coan³cjain¹-le⁴ je² en¹ xi³

²mi²yai³⁴-jin⁴. ³ya¹ xi³ coan³tsen³-le⁴ je² čhja³-le⁴ Nai³-na¹. ³⁹ Coi³ nca³ li²coi³ coan³cjain¹-le⁴ nca³ nqui²jnc³c²a² c²oa⁴qui³tso²-nca¹ni³ Isaías:
⁴⁰ Qui³si³xca⁴ xcon⁴, qui³si³ta²ja³ ni⁴ma⁴-le⁴, jme¹-ni³ nca³ tsi² coan⁴tsen³-ni³le⁴ cao⁴ xcon⁴, nca³ tsi² coan⁴cho⁴ya³jin³-ni³le⁴ ni⁴ma⁴-le⁴, nca³ si⁴c²o¹fa³ya³t²a³-le⁴, c²oa⁴ nca³ an³ si³nta³ nca³ je². ⁴¹ Je² cjoa⁴-vi⁴ c²oa⁴qui³tso² Isaías, c²ia⁴ nca³ tsa³ve³ cjoa⁴je³ya³-le⁴ Nai³-na¹, c²oa⁴ qui³nchja⁴ xi³ t²a³ts²e⁴. ⁴² Coi³ cjoa⁴ nta³ tsa² ncjin² cho⁴ta⁴ti¹tjon² coan³cjain¹-le⁴ xi³ t²a³ts²e⁴ Jesús. To⁴nca³ to⁴coi³ cjoa⁴ nca³ tsa³cjon¹-le⁴ cho⁴ta⁴ fariseos li²coi³ c²oa⁴cjoan³-s²in² tsa³ca³co¹ yao³-le⁴ nca³ coan³cjain¹-le⁴ xi³ t²a³ts²e⁴ Cristo, jme¹-ni³ nca³ tsi² ya⁴ coi⁴chon³sje³-si¹ni³ ya⁴³ nt²ia³ sinagoga.
⁴³ Nqui²sa⁴ coan³tsjoa³que³ cjoa⁴je³ya³ xi³ cho⁴ta⁴ tsjoa¹-le⁴ cao⁴-ni³ tsa² cjoa⁴je³ya³ xi³ Ni³na¹ tsjoa¹.
⁴⁴ To⁴nca³ Jesús n²ion¹ qui³nchja⁴, c²oi⁴qui³tso²: Je² xi³ ma³cjain¹-le⁴ xi³ t²a³ts²an⁴, a³li²coi³ tsa² to⁴t²a³ts²an⁴ ma³cjain¹-le⁴, to⁴nca³ ma³cjain¹-le⁴ xi³ t²a³ts²e⁴ je² xi³ qui³si³ca³sen¹-na³. ⁴⁵ Je² xi³ ve³-na³, c²oa⁴²-ti⁴ ve³ je² xi³ qui³si³ca³sen¹-na³. ⁴⁶ An³ je²⁷e⁴ son³⁷nte³-vi⁴ jo³-ni³ l²i¹, jme¹-ni³ nca³ nca³ts²i³-si¹ni³ xi³ ma³cjain¹-le⁴ xi³ t²a³ts²an⁴, a³li²coi³ jin³njon² coa⁴tio⁴ntsjai². ⁴⁷ Je² xi³ cjoia⁴nč²oe¹ en¹-na⁴, c²oa⁴ tsi² tsa² coan⁴cjain¹-le⁴, an³ a³li²coi³ tsjoa³-le⁴ cjoa⁴ñ²ain³. Nca⁴ tsi² tsa² coi³ xa¹ ja²⁷ai⁴-nia³ nca³ tsjoa³-le⁴ cjoa⁴ñ²ain³ cho⁴ta⁴son³⁷nte³, to⁴coi³ xa¹ ja²⁷ai⁴-nia³ nca³ c²oa³sje³ntje²³ cho⁴ta⁴son³⁷nte³.
⁴⁸ Je² xi³ ch²ao³que³-na³, c²oa⁴ tsi² cjoe¹ en¹-na⁴, tjjin¹ xi³ tsjoa¹-le⁴ cjoa⁴ñ²ain³. Je² en¹ xi³ qui³nchja²³, coi³

xi³ tsjoa¹-le⁴ cjoa⁴ñ⁷ain³ c⁷ia⁴ nca³ coi⁴cho³cje³t⁷a³
 ni⁴čhjin³. 49 A³li² to⁴an³ xi³ c⁷oa⁴-s⁷in² qui³nchja²³,
 to⁴nca³ je² N⁷ai³-na¹ xi³ qui³si³ca³sen¹-na³, je²
 tsa³ca³te¹xo³ma³-na³ jña³-le⁴ xi³ xian¹³, c⁷oa⁴ jña³-le⁴
 xi³ coi³nchja²³. 50 ⁷ve³-nia¹³ nca³ je² cjoa⁴te¹xo³ma³-
 le⁴ je² xi³ tsjoa¹ cjoa⁴vi³jna³chon³ nca³ntsja². Je² en¹
 xi³ nchja²³, c⁷oa⁴-s⁷in² nchja²³ jo³-s⁷in² qui³tso²-na³
 N⁷ai³-na¹.

13

Jesús va³ne¹jon³ ntso⁴co⁴ cho⁴ta⁴-le⁴

1 Cje³ vi³tjo³-jin²sa³ s⁷oi¹ pa²xco⁴. Tjin¹jⁱⁿ³-le⁴
 Jesús nca³ je³n⁷choa¹čhian³ hora-le⁴ nca³ coi⁴tjo³-
 ni³ son³nte³, nca³ coai⁴con³-le⁴ N⁷ai³-na¹. Jesús
 tjao²que³ coan³ nca³ts⁷i³ xi³ ts⁷e⁴ xi³ tjio¹ i⁴
 son³nte³-vi⁴, c⁷oa⁴-s⁷in² tjao²que³ coan³ sa³nta³
 xi³ je³t⁷a³-ni³.

2 C⁷ia⁴ nca³ je³coan³ tsa³cjen² nca³ njion², je²
 nai⁴ je³c⁷oa⁴-s⁷in² qui³sca³ni¹jⁱⁿ³ ni⁴ma⁴-le⁴ Judas,
 xi³ ⁷nti¹-le⁴ Simón Iscariote, nca³ je² xi³ c⁷oe⁴t⁷ain³
 na⁴jmi¹ xi³ t⁷a³ts⁷e⁴ Jesús. 3 Ve³ Jesús nca³ je² N⁷ai³-
 na¹ c⁷oa⁴-s⁷in² qui³tsjoa³-le⁴ nca³yi³je³ cjoa⁴ ja⁴ya³
 ntsja³, nca³ c⁷oa⁴-s⁷in² ja³ai³-ni³ t⁷a³ts⁷e⁴ Ni³na¹,
 c⁷oa⁴-ti⁴ ya⁴ coai⁴con³-le⁴ Ni³na¹. 4 Ji³so²tjen⁴t⁷a³
 ya¹mi²xa⁴ nca³ je³tsa³cjen², tsa³cja³a¹xin² tso⁴nca⁴-
 le⁴, qui³scoe¹ jnco³ toalla, tsa³c⁷e¹cja¹ntia³. 5 C⁷ia⁴
 tsa³c⁷e¹ya³ na³nta¹ jnco³ bandeja, tsa³ca³ne¹jon³
 ntso⁴co⁴ cho⁴ta⁴-le⁴. Qui³si³tsje³jon³-ni³ toalla
 xi³ tji¹cja¹ntia³. 6 C⁷ia⁴ nca³ ja³ai³ ca³t⁷a³-le⁴
 Simón Pedro, Pedro c⁷oi⁴qui³tso⁴-le⁴: Señor, a³

ji³ coa⁴ne²join³ ntso⁴coa³. 7 Jesús c⁷oi⁴qui³tso²-le⁴: Je² xi³ s⁷ian³ nca³ an³, li²coi³ ⁷yai³ nt⁷ai⁴-vi⁴, to⁴nca³ coan⁴scan³-ni³ coan⁴cho⁴ya³-li². 8 Pedro qui³tso²-le⁴: Li²coi³ c⁷ia³ coa⁴ne²join³ ntso⁴coa³. Jesús qui³tso²-le⁴: Tsa² tsi² coa³ne³jon³-le²³, li²coi³ s⁷e⁴-li² ⁷nte³ cao⁴ an³. 9 Simón Pedro c⁷oi⁴qui³tso²-le⁴: Señor, a³li² to⁴je²-jin² ntso⁴coa³, c⁷oa⁴-ti⁴ ntsa⁴ cao⁴ jcoa³. 10 Jesús c⁷oi⁴qui³tso²-le⁴: Je² xi³ tsa³ca³nc¹ya³, to⁴je² ntso⁴co⁴ xi³ ma³chjen¹-le⁴ nca³ va³ne¹jon³, nca³ je³tsje³ nca³yi³je³. Jon² je³tsje³ cjoaon³, nta³ tsa² tsi² nca³ts⁷io³. 11 Jesús je³ve³-le⁴con³ ⁷ya³ xi³ c⁷oa⁴-s⁷in² c⁷oe⁴²t⁷ain³ na⁴jmi¹ xi³ t⁷a³ts⁷e⁴. Coi³ c⁷oa⁴qui³tso²-ni³: Li²coi³ tsje³ cjoaon³ nca³ts⁷io³. 12 C⁷ia⁴ nca³ je³tsa³ca³ne¹jon³ ntso⁴co⁴, tsa³c⁷a³cja¹ tso⁴nca⁴-le⁴, tsa³c⁷e²jna³t⁷a³-nca¹ni³ ya¹mi²xa⁴, c⁷oi⁴qui³tso²-le⁴: A³ ma³cho⁴ya³-no³ xi³ ca²si³cao⁴-no³. 13 Jon² Maestro c⁷oa⁴ Señor ⁷mi²-nao¹³. Cjai¹nca³ nta³ vi³xon¹³, nca³ coi³ nia¹³. 14 Ne³-ni³ tsa² an³ xi³ Señor, xi³ Maestro, ca²va³ne³joan²³ ntso⁴co³, c⁷oa⁴-ti⁴ jon² ma³chjen¹-no³ nca³ ta⁴ne²jon³-nca³ñao¹³ ntso⁴co⁴ xi²nquio⁴³. 15 C⁷oa⁴-s⁷in² ca²v⁷e³jna²cho⁴ya³-no³ jo³-s⁷in² nca³ an³ ca²si³cao⁴-no³. C⁷oa⁴-s⁷in² ti⁴cao⁴³ xi²nquio⁴³. 16 Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Je² xi³ cho⁴nta³ ma³, a³li² je²-jin² ti¹tjon²-le⁴ nai³-le⁴. Ni⁴je²-jin² xi³ qui³ni²ca³sen¹ ti¹tjon²-le⁴ je² xi³ qui³si³ca³sen¹ nca³je². 17 Tsa²⁷ya³-nio¹³ cjoa⁴je²-vi⁴, jo¹ to⁴nta³-no³ tsa² c⁷oa⁴s⁷iaon⁴³. 18 A³li² c⁷oa⁴-s⁷in² nchja²³ xi³ t⁷a³t⁷saon⁴³ nca³ts⁷io³. ⁷ve³nia¹³ jo³ cjoan³ xi³ tsa³cja³⁷a³jian³, to⁴nca³ jme¹-ni³ nca³ c⁷oa⁴-s⁷in² ca²ta³vi³tjo³son²-ni³ je² xon⁴ Escritura:

Je² xi³ cjen²cao⁴-na³ nio⁴xti²la⁴, qui³tsjon²-na³.
 19 C⁷oa⁴ ti²xin³-no³ nt⁷ai⁴-vi⁴ to⁴nqui³-ni³ nca³
 c⁷oa⁴coan⁴, jme¹-ni³ nca³ coan⁴cjain¹-si¹ni³no³
 nca³ an³ nia¹³ c⁷ia⁴ nca³ c⁷oa⁴coan⁴. 20 Ña³qui³
 cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Je²
 xi³ cjoe¹tjao² xi³ an³ si³ca³sen¹³, an³ xi³ cjoe¹tjao²-
 na³. C⁷oa⁴ je² xi³ an³ cjoe¹tjao²-na³, cjoe¹tjao² xi³
 qui³si³ca³sen¹-na³.

*Jesús va¹ya³con³ ya³ xi³ c⁷oe⁴²t⁷ain³ na⁴jmi¹ xi³
 t⁷a³ts⁷e⁴*

(Mt. 26:20-25; Mr. 14:17-21; Lc. 22:21-23)

21 C⁷ia⁴ nca³ je³c⁷oa⁴qui³tso², Jesús aon³ coan³-
 le⁴, qui³si³qui²xi⁴ya³: Ña³qui³ cjoa⁴qui²xi⁴ ña³qui³
 cjoa⁴qui²xi⁴ xi³ xin³-no³, jnco³ xi³ jon² c⁷oe⁴²t⁷ain³
 na⁴jmi¹ xi³ t⁷a³ts⁷an⁴. 22 C⁷ia⁴ nca³⁷i⁴ nca³jan¹
 qui³sco²tsen³-le⁴ xi¹ncjin¹ cho⁴ta⁴-le⁴, nca³ tsi² tsa²
 ve³ ya³-ve⁴ xi³ c⁷oa⁴tso²-le⁴. 23 Jnco³ xi³ ti⁴je²-
 ni³ cho⁴ta⁴-le⁴, je² xi³ Jesús cjai¹nca³ tjao²que³,
 ti¹jna³t⁷a³-le⁴ Jesús. 24 Simón Pedro qui³si³cao⁴
 seña, jme¹-ni³ nca³ sco¹na³nqui³-si¹ni³ ya³-ni³ xi³
 c⁷oa⁴tso²-le⁴. 25 C⁷ia⁴ je² xi³ ti¹jna³t⁷a³-le⁴ Jesús
 c⁷oi⁴qui³tso²-le⁴: Señor, ya¹-ni³. 26 Qui³nchja⁴
 Jesús: Je² ni¹ je² xi³ nio⁴xti²la⁴ n⁷nchi⁴ tsjoa³-
 le⁴. Qui³si³ca³⁷nchi⁴ nio⁴xti²la⁴, qui³tsjoa³-le⁴
 Judas Iscariote, n⁷nti¹-le⁴ Simón. 27 C⁷ia⁴ nca³
 je³qui³scoe¹ nio⁴xti²la⁴ n⁷nchi⁴, c⁷oa⁴-s⁷in² je² nai⁴²
 Satanás ja³⁷a³s⁷en³jin³-le⁴ Judas. C⁷ia⁴ Jesús
 c⁷oi⁴qui³tso²-le⁴: Je² xi³ n⁷iain²³, xi¹ti¹ t⁷iain⁴.
 28 Ni⁴⁷ya³-jin² xi³ tjio¹t⁷a³ ya¹mi²xa⁴ coan³cho⁴ya³-
 le⁴ a³-ni³ nca³ c⁷oa⁴qui³tso²-ni³le⁴. 29 Tjin¹ c⁷a³
 xi³ qui³si³cja³⁷ai³tsjen³ nca³ coi³ nca³ je² Judas

xi³ ti¹jna³-le⁴ ʔnti¹ ca²xa⁴taon⁴, coi³ nca³ Jesús
 c⁷oi⁴qui³tso²-le⁴: Ti⁴ntai¹³ jme³-ni³ xi³ ma³chjen¹-
 na¹ i⁴ s⁷oi¹-vi⁴, a³xo⁴ t⁷ai² jo³ tjin¹-lai⁴ cho⁴ta⁴yo⁴ma⁴.
 30 C⁷ia⁴ nca³ Judas je³qui³scoe¹ nio⁴xti²la⁴, ji³tjo³
 nti⁴ton⁴. Je³coan³ njion².

Je² cjoa⁴te¹xo³ma³ cho⁴tse⁴

31 C⁷ia⁴ nca³ je³ji³tjo³ Judas, c⁷oi⁴qui³tso² Jesús:
 Nt⁷ai⁴ntai⁴ je³ji³tjo³je³ya³ ʔnti¹-le⁴ cho⁴ta⁴, c⁷oa⁴
 Ni³na¹ je³ji³tjo³je³ya³ xi³ t⁷a³ts⁷e⁴ nca³ je². 32 Tsa²
 Ni³na¹ ji³tjo³je³ya³ xi³ t⁷a³ts⁷e⁴, c⁷oa⁴-ti⁴ Ni³na¹
 c⁷oa⁴sje³je³ya³ Jesús cao⁴ cjoa⁴je³ya³-le⁴ xi³ ti⁴ts⁷e⁴-
 ni³ Ni³na¹, nti⁴ton⁴ c⁷oa⁴sje³je³ya³. 33 ʔnti¹xti³, to⁴jo³
 ti²jna⁴cao⁴-sa³no³ nqui²jnc³ tjo². Coi⁴jnchi¹sjai³-
 nao¹³, to⁴nca³ jo³ qui³xin³-le⁴ cho⁴ta⁴ judíos,
 c⁷oa⁴xin³-no³ nt⁷ai⁴-vi⁴, jña³ nca³ cjoia¹³, jon²
 li²coi³ coan⁴ coa⁴nquion¹³. 34 Jnco³ cjoa⁴te¹xo³ma³
 cho⁴tse⁴ xi³ tsjoa³-no³: Ca²ta³ma³tsjoa³chao³
 xi²nquio⁴³. Jo³-s⁷in² nca³ an³ coan³tsjoa³que⁴-no³,
 c⁷oa⁴-s⁷in² ca²ta³ma³tsjoa³chao³ xi²nquio⁴³. 35 C⁷oi⁴-
 s⁷in² scoe⁴ nca³ts⁷i³ nca³ jon² nio¹³ cho⁴ta⁴-na⁴, tsa²
 c⁷oa⁴-s⁷in² ma³tsjoa³chao³ xi²nquio⁴³.

*Jesús va¹ya³con³ nca³ Pedro c⁷oe¹jna³⁷ma³cao⁴
 nca³je².*

(Mt. 26:31-35; Mr. 14:27-31; Lc. 22:31-34)

36 Simón Pedro c⁷oi⁴qui³tso²-le⁴: Señor, jña¹
 ti³⁷mi³. Jesús qui³tso²-le⁴: Jña³ nca³ cjoia¹³, li²coi³
 coan⁴-li² c⁷oin¹tjen⁴nqui³-nai¹³ nt⁷ai⁴-vi⁴, to⁴nca³
 coan⁴scan³-ni³ c⁷oin¹tjen⁴nqui³-nai¹³. 37 Pedro
 qui³tso²-le⁴: Señor, a¹-ni³ nca³ tsi² coan⁴-na³
 cjoia¹tjen⁴nqui³-si¹ni³le²³ nt⁷ai⁴-vi⁴. Je² ni⁴ma⁴-na⁴

c⁷oe³jna²³ xi³ t⁷a³tsi⁴. ³⁸ Jesús qui³tso²-le⁴: A³ ni⁴ma⁴-li⁴ c⁷oe¹jnai³ xi³ t⁷a³ts⁷an⁴. Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-le²³: Li²coi³ squi¹⁷ntia¹ cha¹xi³cha¹ sa³⁷nta³ ji³ coi⁴jna³⁷ma³cao⁴-nai¹³ jan² c⁷a³.

14

Jesús cao⁴ N⁷ai³-na¹

¹ A³li² aon³-jin² ma³-le⁴ ni⁴ma⁴-no³. Ma³cjain¹-no³ xi³ t⁷a³ts⁷e⁴ Ni³na¹, c⁷oa⁴-ti⁴ ca²ta³ma³cjain¹-no³ xi³ t⁷a³ts⁷an⁴. ² Ya⁴ nt⁷ia³-le⁴ N⁷ai³-na⁴ cjai¹nca³ to⁴tjin¹ ⁷nte³. Tsa² tsi² c⁷oa⁴tjin¹, c⁷oa⁴qui³xin³-no³. Cjoia¹³ tso²c⁷oa⁴, cjoia¹ si³nta³chon³-no³ ⁷nte³ xi³ t⁷a³tsaon⁴³. ³ Tsa² cjoia¹³, tsa² si³nta³chon³-no³ ⁷nte³, cjoa²⁷ai⁴ nqui²ntia³-nia³. Scoe²tjao²-no³ t⁷a³ts⁷an⁴, jme¹-ni³ nca³ c⁷oa⁴-ti⁴ jon² ya⁴ coi⁴yo³-si¹nio³, jña³ nca³ ti²jna⁴ nca³ an³. ⁴ ⁷ya³-nio¹³ jña³ nca³ cjoia¹³, c⁷oa⁴ ⁷ya³-nio¹³ ntia⁴². ⁵ Tomás qui³tso²-le⁴: Señor, li²coi³ ⁷yai³⁴-jin⁴ jña³ nca³ c⁷oin¹³. Jo¹ coan⁴-ni³⁷ni³ nca³ jchai⁴-jin⁴ ntia⁴². ⁶ Jesús qui³tso²-le⁴: An³ nia¹³ xi³ ntia⁴², an³ nia¹³ xi³ cjoa⁴qui²xi⁴, an³ nia¹³ xi³ cjoa⁴vi³jna³chon³. Ni⁴to⁴⁷ya³-jin² xi³ fa³⁷ai³con²-le⁴ N⁷ai³-na¹, tsa² tsian² nca³ an³. ⁷ Tsa² tsa³⁷ya³-ni³nao¹³, c⁷oa⁴-ti⁴s⁷in² tsa³⁷yao³ N⁷ai³-na⁴. Va³se²ts⁷ia⁴-ni³ nt⁷ai⁴ ⁷ya³-nio¹³ nca³ je², c⁷oa⁴ qui³cho²tsen³-lao⁴³. ⁸ Felipe qui³tso²-le⁴: Señor, ta⁴co²-na³jina⁴ N⁷ai³-na¹. To⁴coan⁴-ni³na³jina⁴. ⁹ Jesús qui³tso²-le⁴: A³ to⁴c⁷oa⁴² cji³tse³ ti²jna⁴cao⁴-no³, c⁷oa⁴ li²coi³ tsa³⁷ya³-nai¹³, Felipe. Je² xi³ tsa³ve³-na³ nca³ an³, tsa³ve³ N⁷ai³-na¹. A¹-ni³ c⁷oa⁴si³-si¹ni³ ta⁴co²-na³jina⁴ N⁷ai³-na¹. ¹⁰ A³ tsi² ma³cjain¹-li²

nca³ an³ ti²jna⁴coa⁴ N⁷ai³-na¹, c⁷oa⁴ je² N⁷ai³-na¹ ti¹jna³cao⁴-na³. Je² en¹ xi³ an³ fa²cao⁴-no³, a³li² to⁴an³ xi³ c⁷oa⁴-s⁷in² nchja²³, to⁴nca³ je² N⁷ai³-na¹ xi³ ti¹jna³cao⁴-na³, je² xi³ c⁷oa⁴s⁷in¹ je² xa¹-vi⁴.
 11 Ca²ta³ma³cjain¹-no³ nca³ an³ ti²jna⁴coa⁴ N⁷ai³-na¹, c⁷oa⁴ je² N⁷ai³-na¹ ti¹jna³cao⁴-na³. Tsa² tsi² c⁷oa⁴-s⁷in², ca²ta³ma³cjain¹-no³ t⁷a³ts⁷an⁴ xi³ to⁴t⁷a³ts⁷e⁴ je² xa¹ xi³ ti²s⁷ian³. 12 Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³: Je² xi³ ma³cjain¹-le⁴ xi³ t⁷a³ts⁷an⁴, je² nca³yi³je³ jo³ nca³ ti²s⁷ian³, c⁷oa⁴-ti⁴s⁷in² s⁷in⁴² nca³ je², sa³⁷nta³ nqui²sa⁴-sa³ cjoa⁴a³to³ntjai²-le⁴, nca⁴ an³ cjo¹con³-le⁴ N⁷ai³-na¹. 13 To⁴jme³-ni³ xi³ si⁴je¹-lao⁴³ N⁷ai³-na¹ cao⁴ jan³⁷ain¹-na⁴, c⁷oa⁴-s⁷in² s⁷ian³, jme¹-ni³ nca³ c⁷oa⁴-s⁷in² N⁷ai³-na¹ coi⁴tjo³je³ya³ xi³ to⁴t⁷a³ts⁷e⁴ ?nti¹-le⁴. 14 Tsa² si⁴jao¹³ jme³-ni³ve⁴ cao⁴ jan³⁷ain¹-na⁴, an³ c⁷oa⁴-s⁷ian³.

Jesús si¹s⁷e³nqui³ Espíritu Santo

15 Tsa² tsjoa³cha³-nao¹³, ti⁴qui³tjo³son²³ cjoa⁴te¹xo³ma³-na⁴. 16 C⁷oa⁴-s⁷in² c⁷oe³ts⁷oa²³-le⁴ N⁷ai³-na¹, c⁷oa⁴ je² tsjoa¹ nqui²jnc³-no³ xi³ coa⁴sen⁴cao⁴-no³, jme¹-ni³ nca³ c⁷oe¹jna³cao⁴ntsjai²-si¹ni³no³. 17 Je² xi³ N⁷ai³-na¹ tsjoa¹-no³, je² Espíritu Santo xi³ ña³qui³ cjoa⁴qui²xi⁴, xi³ cho⁴ta⁴son³⁷nte³-vi⁴ li²coi³ ma³-le⁴ cjoe¹tjao² nca³ tsi² tsa² coi³ ve³, ni⁴ve³xcon³-jin². To⁴nca³ jon² ?ya³xcon³-nio¹³, nca⁴ ti¹jna³cao⁴-no³, c⁷oa⁴ cjoa⁴a³s⁷en³jin³ ni⁴ma⁴-no³. 18 A³li²coi³ si³ca³tio¹jch⁷an⁴-no³, cjoa²⁷ai⁴con³-no³. 19 Nqui²jnc³ tjo², c⁷ia⁴ son³⁷nte³ li²coi³ ti⁴scoe⁴-ni³na³, to⁴nca³ jon² jcha⁴-nao¹³. Coi³ nca³

ti²jna⁴coan³, c⁷oa⁴-ti⁴ jon² coi⁴yo³chon³. 20 C⁷oa⁴
 coi³ ni⁴čhjin³-ve⁴ jcha⁴-nio¹³ nca³ an³ ti²jna⁴coa⁴
 N⁷ai³-na¹, c⁷oa⁴ jon² ti³yo³cao⁴-nao¹³, c⁷oa⁴ an³
 ti²jna⁴cao⁴-no³. 21 Je² xi³ tjin¹-le⁴ cjoa⁴te¹xo³ma³-
 na⁴, xi³ si¹qui³tjo³son² coi³ cjoa⁴te¹xo³ma³-vi⁴, je²-
 vi⁴ xi³ tsjoa³que³-na³. Je² xi³ tsjoa³que³-na³ nca³
 an³, c⁷oa⁴-s⁷in² N⁷ai³-na⁴ tsjoa³que³ nca³ je², c⁷oa⁴
 an³ tsjoa³que⁴ nca³ je². C⁷oa⁴-ti⁴ coa³co³son²tsen³-
 le⁴ yao³-na⁴. 22 Judas, a³li² je² xi³ Iscariote ⁷mi²,
 qui³tso²-le⁴: Señor, jme¹ xi³ coan³ nca³ jin⁴
 coa⁴co²son²tsen³-na³jin⁴ yao³-li⁴, nca³ tsi² scoe⁴-
 ni³ nca³ts⁷i³ cho⁴ta⁴. 23 Jesús qui³tso²-le⁴: Je²
 xi³ tsjoa³que³-na³, si⁴²qui³tjo³son² en¹-na⁴. N⁷ai³-
 na⁴ tsjoa³que³ nca³ je², cjoa²⁷ai⁴chon³-lai⁴jin⁴,
 c⁷oa⁴ coi⁴yo³coai⁴-jin⁴. 24 Je² xi³ tsi² tsjoa³que³-
 na³, li²coi³ si¹qui³tjo³son² en¹-na⁴. Je² en¹ xi³
 qui³no²⁷yao²³ a³li² ts⁷an⁴-jian²³, ts⁷e⁴ N⁷ai³-na¹
 xi³ qui³si³ca³sen¹-na³. 25 Je² en¹ xi³ c⁷oi⁴s⁷in²
 tsa³cja²cao⁴-no³ nca³ ti²jna⁴jin³-no³. 26 Je² N⁷ai³-
 na¹ si⁴²ca³sen¹ nca³jao³-na⁴ je² Espíritu Santo, je²
 xi³ va³sen¹cao⁴. Je²-vi⁴ xi³ coa⁴co²ya³-no³ nca³yi³je³,
 c⁷oa⁴ si⁴²cja³⁷ai³tsjen³-no³ nca³yi³je³ jo³ qui³xin³-no³.
 27 An³ si³qui³njen³nch⁷an¹jian³ ni⁴ma⁴-no³. Jo³-s⁷in²
 nca³ nch⁷an¹ ti²jna⁴, c⁷oa⁴-s⁷in² tsjoa³-no³. A³li²
 c⁷oa⁴-s⁷in² si³qui³njen³nch⁷an¹jian³ ni⁴ma⁴-no³, jo³-
 s⁷in² tsjoa¹ son³⁷nte³-vi⁴. A³li² aon³-jin² ma³-le⁴
 ni⁴ma⁴-no³, a³li² jcon³-jion²³. 28 Qui³no²⁷ya²-nio¹³
 jo³ qui³xin³-no³: Cjoia¹³, cjoa²⁷ai⁴con³-nca¹ni³no³.
 Tsa² coan³tsjoa³cha³-nao¹³, cjai¹nca³ to⁴tsjoa³
 coan³-no³, nca⁴ c⁷oa⁴qui³xian³ nca³ cjo¹con³-le⁴
 N⁷ai³-na¹. Je² N⁷ai³-na¹ nqui²sa⁴ ti¹tjon² cao⁴-ni³

tsa² an³. 29 C⁷oa⁴qui³xin³-no³ to⁴nqui³-ni³ nca³ c⁷oa⁴coan⁴, jme¹-ni³ nca³ coan⁴cjain¹-si¹ni³no³ c⁷ia⁴ nca³ c⁷oa⁴coan⁴. 30 A³li²coi³ ti⁴tse³ coi³nchja²cao⁴-ni³no³, nca³ n³choa¹ je² nai⁴ xi³ va³te¹xo³ma³ son³nte³-vi⁴. To⁴nca³ ni⁴jme³-jin² xi³ tj¹in¹-le⁴ xi³ t⁷a³ts⁷an⁴. 31 C⁷oa⁴-s⁷in² s⁷ian³ jo³-s⁷in² nca³ N⁷ai³-na¹ qui³tsjoa³-na³ cjoa⁴te¹xo³ma³, jme¹-ni³ nca³ c⁷oa⁴-s⁷in² ca²ta³ve³-ni³ son³nte³-vi⁴ nca³ tsjoa³que⁴ N⁷ai³-na¹. Ti²so⁴tjaon⁴ cjoian¹.

15

Jesús je² ya¹ je³ xi³ cjoa⁴ qui² xi⁴

1 An³ nia¹³ ya¹je³ xi³ ña³qui³ cjoa⁴qui²xi⁴, c⁷oa⁴ je² N⁷ai³-na⁴ xi³ si¹coi²nta⁴. 2 Nca³yi³je³ ya¹ntsa⁴ xi³ tsi² tsa² va³-le⁴ to³, fa³a¹xin². Nca³yi³je³ ya¹ntsa⁴ xi³ va³-le⁴ to³, va³te³t⁷a³c⁷a³, jme¹-ni³ nca³ nqui²sa⁴ to⁴ncjin² to³ coa⁴-si¹ni³le⁴. 3 Jon² je³c⁷oa⁴-s⁷in² coan³tsjao³, xi³ to⁴t⁷a³ts⁷e⁴ je² en¹ xi³ qui³nchja²³-no³. 4 Ti⁴yo³cao⁴-nao¹³, c⁷oa⁴ an³ coa²te⁴jna³cao⁴-no³. Jo³-ni³ tsa² jnco³ ya¹ntsa⁴ xi³ tsi² tsa² va³-le⁴ to³ nca³ to⁴je², tsa² tsi² ti¹jna³t⁷a³n⁷ion¹ ya¹je³, c⁷oa⁴-ti⁴s⁷in² li²jme³ xi³ coan⁴ s⁷iaon⁴³ nca³ jon², tsa² tsi² c⁷oa⁴-s⁷in² coi⁴yo³cao⁴-nao¹³. 5 An³ nia¹³ ya¹je³, c⁷oa⁴ jon² nio¹³ ya¹ntsa⁴. Je² xi³ an³ ti¹jna³cao⁴-na³, c⁷oa⁴ an³ ti²jna⁴coa⁴ nca³ je², je²-vi⁴ xi³ cjai¹nca³ to⁴ncjin² to³ va³-le⁴. Li²jme³ xi³ ma³ n⁷iaon²³ nca³ jon², tsa² ti³yo³t⁷a³xin²-nao¹³. 6 Je² xi³ tsi² ti¹jna³cao⁴-na³, c⁷oa⁴-s⁷in² tjo¹xin² jo³-ni³ tsa² jnco³ ya¹ntsa⁴ xi³ tsi² tsa² jme³ xi³ tsjoa¹, c⁷oa⁴ xi¹-ni³. C⁷ia⁴ s⁷e⁴xco¹, s⁷e⁴yo³j¹in³ l⁷i¹, c⁷oa⁴ ti²-ni³. 7 Tsa² an³ ti³yo³cao⁴-nao¹³, c⁷oa⁴ tsa² en¹-na⁴ tj¹in¹j¹in³-no³, nca³yi³je³

xi³ me³-no³, ti⁴jao¹³, c⁷oa⁴-s⁷in² coi⁴tjo³son²-no³.
 8 Coi³-vi⁴ xi³ c⁷oa⁴-s⁷in² v⁷a³sje³je³ya³ N⁷ai³-na⁴,
 nca³ c⁷oa⁴-s⁷in² to⁴ncjin² to³ coa⁴-no³. C⁷oa⁴-
 s⁷in² jcha⁴qui²xi⁴-no³ nca³ cho⁴ta⁴-na⁴ mao³.
 9 Jo³-s⁷in² nca³ tsjoa³que³-na³ N⁷ai³-na¹, c⁷oa⁴-
 s⁷in² tsjoa³que⁴-no³. Ti⁴yo³cao⁴³ cjoa⁴tsjoa³cha³-
 na⁴. 10 Tsa² si⁴qui³tjo³son²³ cjoa⁴te¹xo³ma³-na⁴,
 coi⁴yo³cao⁴³ cjoa⁴tsjoa³cha³-na⁴, jo³-s⁷in² nca³ an³
 qui³si³qui³tjo³soan²³ je² cjoa⁴te¹xo³ma³-le⁴ N⁷ai³-na⁴,
 c⁷oa⁴ ti²jna⁴coa⁴ cjoa⁴tsjoa³cha³-le⁴. 11 Je² en¹-vi⁴
 tsa³cja²cao⁴-no³, jme¹-ni³ nca³ je² cjoa⁴tsjoa³-na⁴
 s⁷e⁴jna³j³in³-si¹ni³ ni⁴ma⁴-no³, c⁷oa⁴ je² cjoa⁴tsjoa³-
 no³ coan⁴tse³ya³-si¹ni³. 12 Je²-vi⁴ cjoa⁴te¹xo³ma³-
 na⁴: Ca²ta³ma³tsjoa³chao³ xi²-nquio⁴³, jo³-s⁷in²
 tsjoa³que⁴-no³ nca³ an³. 13 Li²⁷ya³-sa³ xi³ nqui²sa⁴
 tsjoa³que³ jo³-ni³ jnco³ xi³ tsjoa¹ntjai² ni⁴ma⁴-le⁴
 xi³ t⁷a³ts⁷e⁴ mi²yo⁴-le⁴. 14 Jon² nio¹³ mi²yo⁴-na⁴,
 tsa² c⁷oa⁴-s⁷in² s⁷iaon⁴³ nca³yi³je³ jo³-s⁷in² v⁷e³ne²³-
 no³. 15 Li²coi³ ti⁴cho⁴⁷nta³-na⁴ xin¹-ni³no³, nca⁴ je²
 cho⁴⁷nta³ li²coi³ ve³ jme³ xi³ s⁷in¹ nai³-le⁴. To⁴nca³
 mi²yo⁴-na⁴ qui³xin³-no³, nca⁴ c⁷oa⁴-s⁷in² qui³xin³ya³-
 no³ nca³yi³je³ cjoa⁴ xi³ qui³nch⁷oe³-le⁴ N⁷ai³-na⁴.
 16 A³li² jon²-jion²³ qui³chjoe¹j³in³-nao¹³, to⁴nca³ an³
 qui³scoe²j³in³-no³ nca³ jon². Qui³si³qui³ncha²nta³-
 no³, jme¹-ni³ nca³ coa⁴nquin¹-nio³, c⁷oa⁴ nta³ si⁴xa¹-
 si¹nio³, c⁷oa⁴ je² xa¹-no³ sa⁴tio²-si¹ni³, jme¹-ni³ nca³
 N⁷ai³-na¹ tsjoa¹-ni³no³ nca³yi³je³ xi³ ni²je¹-lao⁴³ cao⁴
 jan³⁷ain¹-na⁴. 17 Je²-vi⁴ xi³ c⁷oa⁴-s⁷in² v⁷e³ne²³-no³:
 Ca²ta³ma³tsjoa³chao³ xi²nquio⁴³.

Cho⁴ta⁴son³⁷nte³jti³que³Jesús cao⁴ cho⁴ta⁴-le⁴

18 Tsa² cho⁴ta⁴son³⁷n³te³ jti³que³-no³, [?]ya³-nio¹³ nca³ an³ ti¹tjon² coan³jti³que³-na³. 19 Tsa² i⁴ tsaon⁴³ i⁴ son³⁷n³te³-vi⁴, je² cho⁴ta⁴son³⁷n³te³ tsjoa³que³ xi³ ts⁷e⁴. To⁴nca³ jon² li²coi³ i⁴ tsaon⁴³, to⁴sa³ an³ qui³scoe²j³in³-ni³no³ cho⁴ta⁴son³⁷n³te³. Coi³ nca³ jti³que³-ni³no³ cho⁴ta⁴son³⁷n³te³-vi⁴. 20 Nta³ ca²ta³fa³⁷ai³tsjen³-no³ je² en¹ xi³ qui³xin³-no³: Je² xi³ cho⁴⁷nta³ ma³, a³li² je²-jin² ti¹tjon²-le⁴ nai³-le⁴. Tsa² an³ ch⁷ao³ qui³si³cao⁴-na³, c⁷oa⁴-ti⁴ jon² ch⁷ao³ si⁴²cao⁴-no³. Tsa² qui³si³qui³tjo³son² en¹-na⁴, c⁷oa⁴-ti⁴ si⁴²qui³tjo³son² tsaon⁴³. 21 To⁴ña³qui³ c⁷oa⁴-s⁷in² si⁴²cao⁴-no³ xi³ to⁴⁷a³ts⁷an⁴, nca⁴ tsi² tsa² coi³ ve³xcon³ je² xi³ qui³si³ca³sen¹-na³. 22 Tsa² tsi² je²⁷e⁴, c⁷oa⁴ tsa² tsi² tsa² tsa³ca³coa⁴, a³li²coi³ je¹ tj¹in¹-le⁴⁷ni³. To⁴nca³ nt⁷ai⁴-vi⁴ ntai⁴ li²jme³ xqui³ tj¹in¹-le⁴ xi³ t⁷a³ts⁷e⁴ je¹-le⁴. 23 Je² xi³ an³ jti³que³-na³, c⁷oa⁴-ti⁴ jti³que³ N⁷ai³-na⁴. 24 Tsa² tsi² c⁷oa⁴qui³s⁷ian³ jin³-le⁴ nca³ je², je² cjoa⁴ xi³ ni⁴⁷ya³-jin²sa³ c⁷oa⁴qui³s⁷in³, a³li²coi³ je¹ tj¹in¹-le⁴⁷ni³. To⁴-nca³ je³tsa³ve³-na³jin⁴, c⁷oa⁴ coan³jti³que³-na³jin⁴ an³ cao⁴ N⁷ai³-na⁴. 25 C⁷oa⁴-s⁷in² ca²ta³vi³tjo³son²-ni³ je² en¹ xi³ tji¹t⁷a³ je² cjoa⁴te¹xo³ma³-le⁴: Tsi² tsa² jme³ cjoa⁴ xi³ tj¹in¹ nca³ c⁷oa⁴-s⁷in² coan³jti³que³-na³. 26 To⁴nca³ c⁷ia⁴ nca³ cjoa⁴⁷ai¹ je² xi³ va³sen¹cao⁴, xi³ an³ si³ca³sen¹³-no³ t⁷a³ts⁷e⁴ N⁷ai³-na¹, je² Espíritu Santo xi³ ña³qui³ cjoa⁴qui²xi⁴, xi³ ya⁴ fa³⁷ai³-ni³ N⁷ai³-na¹, je² xi³ tsjoa¹ en¹-le⁴ xi³ t⁷a³ts⁷an⁴. 27 C⁷oa⁴-ti⁴ jon² c⁷oao⁴³ en¹-no³ nca⁴ c⁷oa⁴-s⁷in² ti³yo³cao⁴-nao¹³ jo³ sa³⁷nta³ nca³ ti¹tjon².

16

1 Je² cjoa⁴-vi⁴ tsa³cja³cao⁴-no³, jme¹-ni³ nca³ tsi² tsao⁴t⁷a³xin²-si¹nio³. 2 C⁷aon⁴sje³-no³ nt⁷ia³ sinagoga. Cjoa⁴ai¹ hora c⁷ia⁴ nca³ to⁴ya³-ni³ xi³ si⁴²c⁷en³-no³ si⁴²cja³ai³tsjen³ nca³ c⁷oa⁴-s⁷in² si⁴²xa¹-le⁴ Ni³na¹. 3 Je²-vi⁴ cjoa⁴ c⁷oa⁴si⁴²cao⁴-no³, nca⁴ tsi² tsa² ve³xcon³ N⁷ai³-na¹ cao⁴ an³.

Je² xa¹ xi³ s⁷in¹ Espíritu Santo

4 C⁷oa⁴qui³xin³-no³ je² cjoa⁴-vi⁴, jme¹-ni³ nca³ cjoa⁴ai¹tsjen³-si¹ni³no³ nca³ je³c⁷oa⁴qui³xin³-no³, c⁷ia⁴ nca³ cjoa⁴ai¹ hora je²-ve⁴. A³li²coi³ c⁷oa⁴qui³xin³-no³ nca³ ti¹tjon², nca⁴ an³ tsa³ca²te⁴jna³cao⁴-no³. 5 To⁴nca³ je³ti²fi³con³-le⁴ je² xi³ qui³si³ca³sen¹-na³. Ni⁴ya³-jin² xi³ jon² xi³ tso²-na³: J⁷ña¹ ti³mi³. 6 To⁴nca³ cjai¹nca³ to⁴va³-le⁴ ni⁴ma⁴-no³, nca⁴ tsa³cja³cao⁴-no³ je² cjoa⁴-vi⁴. 7 C⁷oa⁴ ti²xin³-no³ xi³ cjoa⁴qui²xi⁴: Cjai¹nca³ to⁴ma³chjen¹-no³ nca³ an³ cjoia¹³. Tsa² tsi² tsa² cjoia¹³, li²coi³ cjoa⁴ai¹con³-no³ je² xi³ va³sen¹cao⁴. Tsa² an³ cjoia¹³, si³ca³sen¹³-no³ je² xi³ va³sen¹cao⁴. 8 C⁷ia⁴ nca³ je² cjoa⁴ai¹, c⁷oa⁴-s⁷in² si⁴²qui²xi⁴ya³-le⁴ cho⁴ta⁴son³nte³-vi⁴ je¹-le⁴, c⁷oa⁴ si⁴²qui²xi⁴ya³-le⁴ cjoa⁴qui²xi⁴ xi³ tjin¹-na³, c⁷oa⁴ si⁴²qui²xi⁴ya³-le⁴ nca³ s⁷e⁴nta³jin³ cjoa⁴. 9 Si⁴²qui²xi⁴ya³-le⁴ je¹-le⁴, nca⁴ tsi² tsa² ma³cjain¹-le⁴ xi³ t⁷a³ts⁷an⁴. 10 Si⁴²qui²xi⁴ya³-le⁴ cjoa⁴qui²xi⁴ xi³ tjin¹-na³, nca⁴ cjo¹con³-le⁴ N⁷ai³-na⁴, c⁷oa⁴ li²coi³ ti⁴jcha⁴-ni³nao¹³. 11 Si⁴²qui²xi⁴ya³-le⁴ nca³ s⁷e⁴nta³jin³ cjoa⁴, nca⁴ je² nai⁴² xi³ va³te¹xo³ma³ son³nte³-vi⁴ ti¹jna³ne²-le⁴ cjoa⁴ñ⁷ain³. 12 To⁴jo³ tjin¹-sa³na³ cjoa⁴ xi³ c⁷oa⁴xin³-no³, to⁴nca³ nt⁷ai⁴-vi⁴ li²coi³ coan⁴cho⁴ya³-no³. 13 C⁷ia⁴ nca³

cjoa⁴ai¹ je² Espíritu Santo xi³ ña³qui³ cjoa⁴qui²xi⁴,
 je² xi³ si⁴²qui³ncha¹ya³ntia³-no³ nca³yi³je³ xi³ ña³qui³
 cjoa⁴qui²xi⁴, nca⁴ tsi² tsa² to⁴je² xi³ c⁷oa⁴-s⁷in²
 coi⁴nchja⁴, to⁴c⁷oa⁴-s⁷in² coi⁴nchja⁴ jña³-le⁴ xi³
 cjo⁴i⁴nch⁷oe¹, c⁷oa⁴-s⁷in² si⁴²cji³nch⁷oe¹-no³ jme³-
 sa³ni³ cjoa⁴ xi³ cjoa⁴⁷ai¹. 14 Je² xi³ c⁷oa⁴sje³je³ya³-
 na³, nca⁴ scoe¹ xi³ ts⁷an⁴, c⁷oa⁴ si⁴²cji³nch⁷oe¹-no³.
 15 Je² nca³yi³je³ xi³ tj¹in¹-le⁴ N⁷ai³-na¹, ts⁷an⁴ nia¹³.
 Coi³ c⁷oa⁴ca²xin³-nia³ nca³ scoe¹ xi³ ts⁷an⁴, c⁷oa⁴
 si⁴²cji³nch⁷oe¹-no³.

Cjoa⁴va³ cjoa⁴tsjoa³ coan⁴

16 Jnco³ tjo², c⁷ia⁴ li²coi³ ti⁴jcha⁴-ni³nao¹³.
 Nqui²jnco³ tjo², c⁷ia⁴ jcha⁴-nao¹³, nca⁴ cjo¹i¹con³-
 le⁴ N⁷ai³-na¹. 17 C⁷ia⁴ c⁷a³ cho⁴ta⁴-le⁴ tsa³cja¹cao⁴
 xi¹ncjin¹: Jme¹-ni³ xo⁴ tso²-le⁴vi⁴. Jnco³ tjo², c⁷ia⁴
 li²coi³ ti⁴jcha⁴-ni³nao¹³. Nqui³jnco³ tjo², c⁷ia⁴ jcha⁴-
 nao¹³, nca⁴ cjo¹i¹con³-le⁴ N⁷ai³-na¹. 18 C⁷oi⁴qui³tso²:
 Jme¹-ni³ xo⁴ tso²-le⁴ve⁴: Jnco³ tjo². Li²coi³
 ma³cho⁴ya³-na¹ jo³ tso². 19 Tsen³ coan³-le⁴ Jesús
 nca³ me³-le⁴ nca³ sco¹na³nqui³-le⁴, c⁷oa⁴ qui³tso²-le⁴:
 A³ cho¹na³nqui³-lao⁴³ xi²nquio⁴³ jo³ ca²xian³: Jnco³
 tjo², c⁷ia⁴ li²coi³ ti⁴jcha⁴-ni³nao¹³. Nqui²jnco³ tjo²,
 c⁷ia⁴ jcha⁴-nao¹³. 20 Ña³qui³ cjoa⁴qui²xi⁴ ña³qui³
 cjoa⁴qui²xi⁴ xi³ xin³-no³: Cjai¹nca³ to⁴chi¹⁷ntao¹³,
 jo³ to⁴coan⁴va³-no³, to⁴nca³ je² son³⁷nte³ cjai¹nca³
 to⁴tsjoa³ coan⁴-le⁴. Nta³ tsa² jon² va³ coan⁴-no³, je²
 cjoa⁴va³-no³ cjoa⁴tsjoa³ coan⁴. 21 C⁷ia⁴ nca³ jnco³
 chjon⁴² v⁷e¹ ?nti¹, tse³ cjoa⁴ñ⁷ain³ v⁷e¹-ni³, nca⁴
 je³ja³⁷ai³ hora-le⁴. To⁴nca³ c⁷ia⁴ nca³ je³tsa³c⁷e¹
 ?nti¹, li²coi³ ti⁴fa³⁷ai³tsjen³-ni³le⁴ je² cjoa⁴ñ⁷ain³

xi³ ca²fa³a³to³. To⁴cjoa⁴tsjoa³ xi³ tjin¹-le⁴ nca³ jnco³ cho⁴ta⁴ ca²tsin³ i⁴ son³nte³. 22 C⁷oa⁴-ti⁴ jon² cjoa⁴qui²xi⁴ cjai¹nca³ va³-no³ nt⁷ai⁴-vi⁴, to⁴nca³ scoe³ nqui²jnco³c⁷a²-no³. Cjai¹nca³ coan⁴tsjoa³-le⁴ ni⁴ma⁴-no³. Ni⁴ya³-jin² xi³ cjoa⁴a²xin²-no³ cjoa⁴tsjoa³-no³. 23 C⁷ia⁴ ni⁴čhjin³-ve⁴ ni⁴jme³-jin² xi³ cho⁴na³nqui³-nao¹³. Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-no³, to⁴jme³-ni³ xi³ si⁴je¹-lao⁴³ N⁷ai³-na¹ cao⁴ jan³ain¹-na⁴, je² tsjoa¹-no³. 24 Sa³nta³ nt⁷ai⁴-vi⁴ ni⁴jme³-jin² xi³ ti³ma³ni²jao¹³ cao⁴ jan³ain¹-na⁴. Ti⁴jao¹³, c⁷oa⁴-s⁷in² c⁷oai⁴-no³, jme¹-ni³ nca³ c⁷oa⁴-s⁷in² cjoa⁴tsjoa³-no³ coan⁴tse³ya³-si¹ni³.

Jesús tso²: An³ je³qui³si³qui³njen³-le⁴ son³nte³

25 Je² en¹ tsa³cja³cao⁴-ni³no³ cao⁴ cjoa⁴xco¹son². Cjoa⁴ai¹ hora c⁷ia⁴ nca³ tsi² tsa² ti⁴cjoa²cao⁴-ni³no³ cao⁴ cjoa⁴xco¹son², to⁴nca³ si³cji³nčh⁷oe¹tsen³-no³ xi³ t⁷a³ts⁷e⁴ Ni³na¹. 26 C⁷ia⁴ ni⁴čhjin³-ve⁴ si⁴jao¹³ cao⁴ jan³ain¹-na⁴. A³li²coi³ c⁷oa⁴xin³-no³ nca³ an³ c⁷oe³ts⁷oa²³-le⁴ N⁷ai³-na¹ xi³ t⁷a³tsaon⁴³. 27 Ti⁴je²-ni³ N⁷ai³-na¹ tsjoa³que³-no³ nca⁴ je³coan³tsjoa³cha³-nao¹³, c⁷oa⁴ je³coan³cjain¹-no³ nca³ ya⁴ ji²tjo⁴-nia³ Ni³na¹. 28 Ji²tjo⁴-nia³ N⁷ai³-na¹, ja²a⁷s⁷en³ son³nte³. C⁷oe³jna²³-nia³ son³nte³, cjo¹con³-le⁴ N⁷ai³-na¹. 29 Cho⁴ta⁴-le⁴ qui³tso²-le⁴: Coe⁴-ni³ nt⁷ai⁴-vi⁴, ti³no²cjoa⁴tsain³. Ni⁴jme³-jin² cjoa⁴xco¹son² si³. 30 Je³ya³i³ai³-jin⁴ nt⁷ai⁴ nca³ji³ni¹³xi³ya³i³nca³yi³je³, li²coi³ ma³chjen¹-li² nca³ ya³ xi³ sco¹na³nqui³-li². C⁷oa⁴-s⁷in² ma³cjain¹-na³jin⁴ nca³ ji²tjo⁴-ni³ Ni³na¹. 31 Jesús qui³tso²-le⁴: A³ ma³cjain¹-no³ nt⁷ai⁴.

32 Coe⁴-ni³ cjoa⁴ai¹ hora, c²oa⁴ je³ja³ai³, c²ia⁴ nca³ jnco¹jnco¹³ tsao⁴va³-nio³ jña³ nca³ tsaon⁴³. To⁴an³ si⁴c⁷e¹jna³-nao¹³. To⁴nca³ li² to⁴an³-jin² ti²jna⁴, nca⁴ je² N²ai³-na¹ ti¹jna³cao⁴-na³. 33 Je² cjoa⁴-vi⁴ je³qui³xin³-no³, jme¹-ni³ nca³ cao⁴ an³ coi⁴njen³nch⁷an¹jjin³-si¹ni³no³. I⁴ son³nte³-vi⁴ cjoa⁴ñ²ain³ chja⁴ao²³, to⁴nca³ ca²ta³ma³n⁷ion¹-ta³con²³. An³ je³qui³si³qui³njen³-le⁴ son³nte³.

17

Jesús v²e¹ts²oa³ntjai² cho⁴ta⁴-le⁴

1 Je² en¹-vi⁴ qui³nchja⁴ Jesús, qui³sco²tsen³nc²a³, c²oi⁴qui³tso²: N²ai³, je² hora je³ji³cho²ca³, ch⁷a⁴sje³je³yai³ n²ti¹-li⁴, jme¹-ni³ nca³ c²oa⁴-ti⁴ n²ti¹-li⁴ c²oa⁴sje³je³ya³-ni³li².

2 Jo³-s⁷in² nca³ tsa³c²ai²-lai⁴ cjoa⁴te¹xo³ma³ xi³ t²a³ts²e⁴ nca³ts²i³ cho⁴ta⁴, jme¹-ni³ nca³ tsjoa¹-si¹ni³le⁴ cjoa⁴vi³jna³chon³ nca³ntsjai² nca³ts²i³ xi³ tsa³c²ai²-lai⁴. 3 Je² xi³ cjoa⁴vi³jna³chon³ nca³ntsjai², nca³ c²oa⁴-s⁷in² scoe⁴-li² xi³ to⁴jnco³ ji³ Ni³na¹ xi³ ña³qui³ cjoa⁴qui²xi⁴, c²oa⁴ scoe⁴ Jesucristo je² xi³ qui³ni²ca³sain¹³. 4 An³ ts²a³sje³je³ya³-le²³ i⁴ son³nte³. Je³qui³si³jncoa³ je² xa¹ xi³ ji³ tsa³c²ai²-nai¹³. 5 Nt²ai⁴-vi⁴ N²ai³, c²oa⁴-s⁷in² ch⁷a⁴sje³je³ya³-nai¹³ ya⁴t⁷a³-li⁴ nca³ ji³, cao⁴ je² cjoa⁴je³ya³-ve⁴ xi³ qui³s⁷e³-na³ c²ia⁴ nca³ tsa³ca²te⁴jna³t⁷a³-le²³ c²ia⁴ nca³ cje³ tsin²-jin² son³nte³. 6 Je² cho⁴ta⁴ xi³ tsa³c²ai²-nai¹³ i⁴ son³nte³-vi⁴, an³ tsa³ca³co³son²tsen³-le⁴ jo³ cjoain³ nca³ ji³. Tsi⁴ ni¹³, c²oa⁴ ji³ tsa³c²ai²-nai¹³. Qui³si³qui³tjo³son² en¹-li⁴. 7 Nt²ai⁴-vi⁴ je³tsa³ve³ nca³ nca³yi³je³ cjoa⁴

xi³ tsa³c⁷ai²-nai¹³ tsi⁴ ni¹³. 8 Nca⁴ je² en¹ xi³
 tsa³c⁷ai²-nai¹³ c⁷oa⁴-s⁷in² qui³tsjoa³-le⁴, c⁷oa⁴ je²
 qui³scoe¹. Tsa³ve³ nca³ cjoa⁴qui²xi⁴ nca³ ja²ai⁴-
 nia³ xi³ t⁷a³tsi⁴. C⁷oa⁴-s⁷in² coan³cjain¹-le⁴ nca³
 ji³ qui³ni²ca³sen¹-nai¹³. 9 An³ v⁷e³ts⁷oa³ntje²³ nca³
 je². A³li² je² cho⁴ta⁴son³⁷n³te³-vi⁴ v⁷e³ts⁷oa³ntje²³,
 to⁴je² cho⁴ta⁴ xi³ ji³ tsa³c⁷ai²-nai¹³, nca⁴ je² xi³
 tsi⁴. 10 Je² nca³ts⁷i³ xi³ ts⁷an⁴, tsi⁴ ni¹³. C⁷oa⁴
 je² xi³ tsi⁴, ts⁷an⁴ nia¹³. Ji²tjo⁴je³ya³-nia¹³ xi³
 to⁴t⁷a³ts⁷e⁴. 11 Li²coi³ ti⁴⁷i⁴ ti²jna⁴-nia³ i⁴ son³⁷n³te³-
 vi⁴, to⁴nca³ je² i⁴ tjio¹ i⁴ son³⁷n³te³-vi⁴. An³ cjo¹con³-
 le²³ nca³ ji³. N⁷ai³tsje³, nta³ ti⁴ca³tio²tjoa²nqui³
 nca³n⁷ion¹-li⁴ je² xi³ cao⁴ jan³⁷ain¹-li⁴ tsa³c⁷ai²-
 nai¹³. 12 C⁷ia⁴ nca³ tsa³ca²te⁴jna³cao⁴ i⁴ son³⁷n³te³-
 vi⁴, an³ qui³si³ca³tio²tjoa²³ cao⁴ jan³⁷ain¹-li⁴. Je²
 xi³ ji³ tsa³c⁷ai²-nai¹³, c⁷oa⁴-s⁷in² qui³si³coi²nta⁴.
 Ni⁴jnc³-jin² qui³cha³, to⁴je² xi³ cjoe⁴t⁷a³ ni⁴chjin³-
 le⁴ cha⁴ nca³ntsjai², jme¹-ni³ nca³ c⁷oa⁴-s⁷in²
 ca²ta³vi³tjo³son²-ni³ je² xon⁴ Escritura. 13 To⁴nca³
 nt⁷ai⁴-vi⁴ cjo¹con³-le²³. Je² en¹-vi⁴ xi³ nchja²³ i⁴
 son³⁷n³te³-vi⁴, jme¹-ni³ nca³ c⁷oa⁴-s⁷in² coan⁴tse³ya³-
 si¹ni³ je² cjoa⁴tsjoa³-na⁴ ja⁴jin³ ni⁴ma⁴-le⁴.
 14 An³ qui³tsjoa³-le⁴ en¹-li⁴. Je² cho⁴ta⁴son³⁷n³te³
 coan³jt³que³ cho⁴ta⁴-na⁴, nca⁴ li² ts⁷e⁴ son³⁷n³te³-
 jin², jo³-ni³ nca³ c⁷oa⁴-ti⁴ an³ li² ts⁷e⁴ son³⁷n³te³-jian²³.
 15 A³li²coi³ v⁷e³ts⁷oa²³-nia³ nca³ cha³⁷a²xin²-lai⁴
 son³⁷n³te³ cho⁴ta⁴-na⁴. To⁴coi³ xi³ v⁷e³ts⁷oa³ntje²³
 nca³ c⁷oa⁴-s⁷in² si⁴coi²ntai⁴, jme¹-ni³ nca³ je² xi³
 ts⁷en⁴ li²coi³ si⁴²cao⁴-si¹ni³. 16 A³li² ts⁷e⁴ son³⁷n³te³-
 jin², jo³-ni³ nca³ c⁷oa⁴-ti⁴ an³ li² ts⁷e⁴ son³⁷n³te³-jian²³.
 17 Ti⁴ca³tio²nta³tsjai³ xi³ to⁴t⁷a³ts⁷e⁴ cjoa⁴qui²xi⁴-li⁴.

Je² en¹-li⁴ xi³ ña³qui³ cjoa⁴qui²xi⁴. 18 Jo³-s⁷in² nca³ qui³ni²ca³sen¹-nai¹³ nca³ an³ i⁴ son³⁷nte³-vi⁴, c⁷oa⁴-ti⁴s⁷in² qui³si³ca³sen¹³ je² cho⁴ta⁴-na⁴ i⁴ son³⁷nte³.
 19 Xi³ t⁷a³ts⁷e⁴ c⁷oa⁴-s⁷in² v⁷e²jna⁴nta³tsje³-le⁴ yao³-na⁴, jme¹-ni³ nca³ c⁷oa⁴-ti⁴ je² ña³qui³ cjoa⁴qui²xi⁴ coa⁴tio²nta³tsje³-si¹ni³. 20 A³li² tsa² to⁴je² cho⁴ta⁴-vi⁴ xi³ v⁷e³ts⁷oa³ntje²³, to⁴nca³ c⁷oa⁴-ti⁴ v⁷e³ts⁷oa³ntje²³ je² xi³ coan⁴cjain¹-le⁴ xi³ t⁷a³ts⁷an⁴, xi³ to⁴t⁷a³ts⁷e⁴ en¹-le⁴ je² cho⁴ta⁴-vi⁴, 21 jme¹-ni³ nca³ to⁴jnc³ coan⁴-si¹ni³ nca³ts⁷i³, jo³-ni³ nca³ ji³, N⁷ai³, ti³jna³cao⁴-nai¹³, c⁷oa⁴ an³ ti²jna⁴cao⁴-le²³. C⁷oa⁴-ti⁴ je² to⁴jnc³ ca²ta³tio²cao⁴-na¹, jme¹-ni³ nca³ cho⁴ta⁴son³⁷nte³ coan⁴cjain¹-si¹ni³le⁴ nca³ ji³ qui³ni²ca³sen¹-nai¹³. 22 Je² cjoa⁴je³ya³ xi³ ji³ tsa³c⁷ai²-nai¹³, c⁷oa⁴-ti⁴s⁷in² qui³tsjoa³-le⁴, jme¹-ni³ nca³ to⁴jnc³ coan⁴-si¹ni³ jo³-ni³ tsa² ña¹ to⁴jnc³ ma³-nia³². 23 An³ ti²jna⁴coa⁴ je² cho⁴ta⁴-na⁴, c⁷oa⁴ ji³ ti³jna³cao⁴-nai¹², jme¹-ni³ nca³ ña³qui³ to⁴jnc³ coan⁴-si¹ni³, jme¹-ni³ nca³ c⁷oa⁴-s⁷in² scoe⁴-si¹ni³ cho⁴ta⁴son³⁷nte³ nca³ ji³ qui³ni²ca³sen¹-nai¹³, c⁷oa⁴ nca³ ji³ coan³tsjoa³chai³ nca³ je², jo³-s⁷in² nca³ c⁷oa⁴-ti⁴ coan³tsjoa³cha³-nai¹³ nca³ an³.
 24 N⁷ai³, coi³ xi³ me³-na³, nca³ je² cho⁴ta⁴ xi³ ji³ tsa³c⁷ai²-nai¹³, c⁷oa⁴-ti⁴ ya⁴ coa⁴tio⁴cao⁴-na³ jña³ nca³ an³ ti²jna⁴, jme¹-ni³ nca³ c⁷oa⁴-s⁷in² scoe⁴-si¹ni³ cjoa⁴je³ya³-na⁴ xi³ ji³ tsa³c⁷ai²-nai¹³, nca⁴ coan³tsjoa³cha³-nai¹³ to⁴nqui³-ni³ nca³ cje³ s⁷e³nta³-jin² son³⁷nte³. 25 N⁷ai³ xi³ tj¹in¹-li² cjoa⁴qui²xi⁴, cho⁴ta⁴son³⁷nte³-vi⁴ li²coi³ tsa³ve³-li², to⁴nca³ an³ tsa³ve³-le²³. C⁷oa⁴-ti⁴ je² cho⁴ta⁴-na⁴vi⁴ tsa³ve³ nca³ ji³ qui³ni²ca³sen¹-nai¹³. 26 Je² cho⁴ta⁴-vi⁴ an³

tsa³ca³co³son²tsen³-le⁴ jo³ cjoain³ nca³ ji³. To⁴jo³ c⁷oa⁴-la²s⁷in² coa³co³son²tsen³ nqui²sa⁴-le⁴, jme¹-ni³ nca³ s⁷e⁴-si¹ni³le⁴ cjoa⁴tsjoa³cha³, jo³-s⁷in² nca³ coan³tsjoa³cha³-nai¹³, c⁷oa⁴ an³ coa²te⁴jna³jian³ ni⁴ma⁴-le⁴.

18

Cho⁴ta⁴ tsoa³ Jesús

(Mt. 26:30, 47-56; Mr. 14:26, 43-50; Lc. 22:39, 47-53)

¹ C⁷ia⁴ nca³ je³c⁷oa⁴qui³tso² Jesús nca³yi³je³ je² en¹-vi⁴, qui³cao⁴ cho⁴ta⁴-le⁴ xi³ncoa³nta¹-ni³ xo⁴nca¹ Cedrón, jña³ nca³ cji³ tso³jmi²ntje². Ya⁴ ja³⁷a³s⁷en³ Jesús cao⁴ cho⁴ta⁴-le⁴.

² C⁷oa⁴-ti⁴ Judas, je² xi³ tsa³c⁷e¹t⁷ain³ na⁴jmi¹ xi³ t⁷a³ts⁷e⁴ Jesús, ve³ je² ⁷nte³-ve⁴, nca⁴ ncjin² c⁷a³ coan³ña³ ya⁴-ve⁴ Jesús cao⁴ cho⁴ta⁴-le⁴.

³ Judas cao⁴ ncjin² so³nta²do⁴, cao⁴ policia xi³ ts⁷e⁴ cho⁴ta⁴ti¹tjon²-le⁴ na⁴⁷mi³, cao⁴ cho⁴ta⁴ fariseos, ja³⁷ai³ ya⁴-ve⁴. Y⁷a³ linterna cao⁴ l⁷i¹ni³cha³ cao⁴ qui⁴cha⁴.

⁴ Jesús je³tjin¹jjin³-le⁴ nca³yi³je³ cjoa⁴ xi³ cjoa⁴⁷ai¹ne²-le⁴, ji³tjo³ ti¹tjon², c⁷oi⁴qui³tso²-le⁴: ⁷ya¹-ni³ xi³ vi³jnchi³sjao³.

⁵ Cho⁴ta⁴ qui³tso²-le⁴: Je² Jesús xi³ Nazaret ts⁷e⁴. Jesús qui³tso²-le⁴: An³ nia¹³. Judas, je² xi³ qui³sca³ni¹t⁷a³ Jesús, c⁷oa⁴-ti⁴ ya⁴ ti¹jna³cao⁴ cho⁴ta⁴ncjin²-ve⁴.

⁶ C⁷ia⁴ nca³ Jesús qui³tso²-le⁴: An³ nia¹³, cho⁴ta⁴-ve⁴ qui³-ni³ ya¹ts⁷in⁴, qui³tsao³ t⁷a³na³nqui³.

⁷ C⁷ia⁴ Jesús ti⁴qui³sco²na³nqui³-nca¹ni³le⁴: ⁷ya¹-ni³ xi³ vi³jnchi³sjao³. C⁷oa⁴ cho⁴ta⁴-ve⁴ qui³tso²: Je² Jesús xi³ Nazaret ts⁷e⁴.

⁸ Qui³nchja⁴ Jesús: Je³c⁷oa⁴ca²xin³-no³ nca³ an³ nia¹³. Tsa² an³ xi³ vi³jnchi³sjai³-nao¹³,

ca²ta³fi² je² cho⁴ta⁴ je²-vi⁴. ⁹ C⁷oa⁴qui³tso² jme¹-ni³
 nca³ c⁷oa⁴-s⁷in² coi⁴tjo³son²-si¹ni³ en¹ xi³ qui³nchja⁴:
 Je² xi³ ji³ tsa³c⁷ai²-nai¹³, ni⁴jnc³-jin² qui³si³cha²³.
¹⁰ C⁷ia⁴ Simón Pedro tsa³c⁷a³sje³ qui⁴cha⁴nto³-le⁴,
 qui³si³qui²⁷aon³ jnc³ cho⁴⁷nta³-le⁴ na⁴⁷mi³ti¹tjon².
 Tsa³ca³te³t⁷a³ xo⁴ño³ nca³qui²xi⁴. Malco ⁷mi²
 cho⁴⁷nta³-ve⁴. ¹¹ C⁷ia⁴ Jesús c⁷oi⁴qui³tso²-le⁴ Pedro:
 Qui⁴cha⁴nto³-li⁴ve⁴ cha⁴ni²s⁷en³-ni³ čhjoa⁴-le⁴. Je²
 cho⁴tsin¹cjoa⁴ñ⁷ain³ xi³ je² N⁷ai³-na¹ qui³tsjoa³-na³,
 a³ tsi² sc⁷oia⁴.

Jesús ti¹jna³ nqui³xcon⁴ Anás

(Mt. 26:57-66, 69-70; Mr. 14:53-68; Lc. 22:54-57, 66-71)

¹² C⁷ia⁴ so³nta²do⁴ cao⁴ nai³-le⁴ cao⁴ je² policia⁴-
 le⁴ cho⁴ta⁴ judíos qui³tsoa³ Jesús, tsa³ca¹n⁷ion¹.
¹³ Ya⁴ ti¹tjon² qui³cao⁴-le⁴ Anás, je² n⁷ai³cha¹-le⁴
 Caifás, je² xi³ na⁴⁷mi³ti¹tjon² coi³ no¹-ve⁴. ¹⁴ Je²
 Caifás xi³ tsa³qui³ncha¹⁷a³ cho⁴ta⁴ judíos, nca³
 cja¹nca³ ma³chjen¹ nca³ jnc³ cho⁴ta⁴ coi⁴ya¹ntjai²
 na⁴xi⁴na³nta¹. ¹⁵ Je² Simón Pedro qui³tjen⁴nqui³-le⁴
 Jesús cao⁴ nqui²jnc³-sa³ cho⁴ta⁴-le⁴. Je² xi³jnc³-
 ve⁴ tjia¹xcon³ je² na⁴⁷mi³ti¹tjon². Ja³⁷a³s⁷en³cao⁴
 Jesús ya⁴ nti³tsin³-le⁴ na⁴⁷mi³ti¹tjon². ¹⁶ To⁴nca³
 je² Pedro ya⁴ tsa³c⁷e²jna³ nti³tsin³, ya⁴ jcho³
 xo⁴ntjoa⁴. Ji³tjo³-ni³ je² xi³jnc³-ve⁴ xi³ tjia¹xcon³
 na⁴⁷mi³ti¹tjon², tsa³cja¹cao⁴ chjon⁴² xi³ si¹coi²nta⁴
 xo⁴ntjoa⁴, qui³si³cja³⁷a³s⁷en³ Pedro. ¹⁷ C⁷ia⁴ je²
 chjon⁴² xi³ si¹coi²nta⁴ xo⁴ntjoa⁴ c⁷oi⁴qui³tso²-le⁴
 Pedro: A³ tsi² tsa² ji³-je⁴ ts⁷e⁴ je² cho⁴ta⁴ xo⁴cji³-vi⁴.
 C⁷oi⁴qui³tso² Pedro: Ma³jain². ¹⁸ Cho⁴⁷nta³ cao⁴
 policia⁴ ya⁴ ncha³nto³ntai³-le⁴ l⁷i¹ xi³ tsa³c⁷e¹tse³.

Tjio¹ma³ si¹so³-le⁴ yao³-le⁴ nca³ cjai¹nca³ nch⁷an¹. C⁷oa⁴-ti⁴ Pedro ya⁴ ti¹jna³cao⁴. Ti¹si¹so³-le⁴ yao³-le⁴. 19 Je² na⁴⁷mi³ti¹tjon² qui³sco²na³nqui³-le⁴ Jesús xi³ t⁷a³ts⁷e⁴ cho⁴ta⁴-le⁴ c⁷oa⁴ xi³ t⁷a³ts⁷e⁴ je² en¹ xi³ va³co¹ya³. 20 Jesús qui³tso²-le⁴: Cjai¹nca³ to⁴qui³nchja²tsen³-le⁴ nca³ts⁷i³ cho⁴ta⁴. Nca³ntsjai² tsa³ca³co³ya²³ya⁴³ nt⁷ia³ sinagoga cao⁴ya⁴³yo⁴nco⁴ jña³ nca³ ma³ña³ nca³ts⁷i³ cho⁴ta⁴ judíos. Ni⁴jme³-jin² xi³ qui³nchja²ma³. 21 A¹-ni³ nca³ cho¹na³nqui³-si¹ni³nai¹³. Je² cho¹na³nqui³-lai⁴ xi³ qui³nch⁷oe¹ jo³ qui³xin³-le⁴. Coe⁴-ni³ je²-ve⁴ xi³ ve³ jo³ qui³xian³. 22 C⁷ia⁴ nca³ je³c⁷oa⁴qui³tso² je²-ve⁴, jnco³ policia xi³ ya⁴ ti¹jna³ qui³si³jtsin³jnco³-le⁴ Jesús, c⁷oi⁴qui³tso²: A³ c⁷oa⁴tso² en¹ xi³ no²cjoa⁴coai⁴ na⁴⁷mi³ti¹tjon². 23 Jesús qui³tso²-le⁴: Tsa² ca²nchja²³ en¹ts⁷en⁴, t⁷ai²³ en¹-li⁴ xi³ t⁷a³ts⁷e⁴ je² cjoa⁴ts⁷en⁴. Tsa² nta³ ca²xian³, a¹-ni³ nca³ v⁷e²-si¹ni³nai¹³. 24 Jesús tji¹t⁷a³n⁷ion¹ nca³ je² Anás qui³si³ca³sen¹t⁷a³-le⁴ Caifás xi³ na⁴⁷mi³ti¹tjon².

Pedro v⁷e²jna³⁷ma³cao⁴ Jesús

(Mt. 26:71-75; Mr. 14:69-72; Lc. 22:58-62)

25 Pedro se¹jna³⁷nqui³ nca³ ti¹si¹so³-le⁴ yao³-le⁴. C⁷oi⁴qui³tso²-le⁴: A³ tsi² tsa² c⁷oa⁴-ti⁴ ji³ ts⁷e⁴ cho⁴ta⁴-le⁴. Pedro tsa³c⁷e²jna³⁷ma³cao⁴, ma³jain² qui³tso². 26 Jnco³ cho⁴⁷nta³-le⁴ na⁴⁷mi³ti¹tjon², xi¹ncjin¹ ma³-ni³ je² xi³ Pedro tsa³ca³te³t⁷a³ xo⁴ño³, c⁷oi⁴qui³tso²-le⁴: A³ tsi² tsa³⁷ve³-le²³ jña³ cji³ tso³jmi²ntje² cao⁴ Jesús. 27 Nqui²jnco³ c⁷a² mai³ ti⁴qui³tso²-nca¹ni³ Pedro. Qui³squi³⁷ntia¹ nti⁴ton⁴-sa³ni³ cha¹xi³cha¹.

Jesús ti¹jna³nqui³xcon⁴ Pilato

(Mt. 27:1-2, 11-31; Mr. 15:1-20; Lc. 23:1-5, 13-25)

28 Qui³cao⁴-ni³ Jesús nt²ia³-le⁴ Caifás sa³nta³ nt²ia³-le⁴ Pilato cho⁴ta⁴xa¹ti¹tjon². Ta⁴njon²ya³ ni¹. Cho⁴ta⁴-ve⁴ li²coi³ ya⁴ ja³a³s³en³ nt²ia³-le⁴ Pilato, jme¹-ni³ nca³ tsi² cjo⁴tson¹-si¹ni³, jme¹-ni³ nca³ coan⁴ coa⁴cjen⁴-si¹ni³ s²oi¹ pa²xco⁴. 29 C²ia⁴ ji³tjo³con³-le⁴ Pilato ya⁴ nti³tsin³, c²oi⁴qui³tso²: Jme¹ xi³ sa³yo³je¹t²ain³-nio³ je² cho⁴ta⁴x²in⁴-vi⁴. 30 Cho⁴ta⁴-ve⁴ c²oi⁴qui³tso²-le⁴: Tsa² je² cho⁴ta⁴-vi⁴ tsi² tsa² jme³ je¹ tjin¹-le⁴, li²coi³-la⁴ i⁴ cjoa²ai⁴cao⁴-lai²jin⁴. 31 C²ia⁴ Pilato c²oi⁴qui³tso²-le⁴: Ta⁴nquin¹cao⁴ nca³ jon², t²e²nta³jin³-lao⁴ jo³ tjin¹ cjoa⁴te¹xo³ma³-no³. Cho⁴ta⁴ judíos c²oi⁴qui³tso²-le⁴: To⁴nca³ jin⁴-jin⁴ li²coi³ tjo³nte³-na³jin⁴ nca³ ni²c²ain³-jin⁴ cho⁴ta⁴. 32 C²oa⁴-s²in² ji³tjo³son²-ni³ jo³ qui³tso² Jesús, nca³ c²oa⁴-s²in² tsa³c²e¹jna³ en¹ jo³-s²in² nca³ coi⁴ya¹. 33 Pilato ja³a³s²en³-nca¹ni³ ya⁴ nt²ia³-le⁴, qui³nchja⁴-le⁴ Jesús c²oi⁴qui³tso²-le⁴: A³ ji³ ni¹³ cho⁴ta⁴ti¹tjon²-le⁴ cho⁴ta⁴ judíos. 34 Jesús qui³tso²-le⁴: A³ c²oa⁴mi²-nai¹³ nca³ to⁴ji³, a³xo⁴ cja⁴ai¹ xi³ c²oa⁴qui³tso²-li² xi³ t²a³ts²an⁴. 35 Pilato qui³nchja⁴: A³ an³ nia¹³ cho⁴ta⁴ judío. Ti⁴je²-ni³ cho⁴ta⁴na⁴xi⁴na³nta¹-li⁴ cao⁴ cho⁴ta⁴ti¹tjon²-le⁴ na⁴mi³ xi³ c²oi⁴s²in² ca²fa³ai³ ca³ni¹t²a³-li² t²a³ts²an⁴. Jme¹ ni¹³ xi³ qui³n²iain²³. 36 Qui³nchja⁴ Jesús: Je² cjoa⁴te¹xo³ma³-na⁴ li²coi³ ts²e⁴ i⁴ son³nte³-vi⁴. Tsa² ts²e⁴ son³nte³-vi⁴ je² cjoa⁴te¹xo³ma³-na⁴, je² cho⁴ta⁴-na⁴ scan³-la⁴, jme¹-ni³ nca³ tsi²coi³ cha⁴ni²t²a³-si¹ni³na³ cho⁴ta⁴ judíos, to⁴nca³ cjoa⁴te¹xo³ma³-na⁴ni³

a³li² i⁴-jin² ts⁷e⁴. 37 C⁷ia⁴ Pilato c⁷oi⁴qui³tso²-le⁴: A³ cho⁴ta⁴ti¹tjon² ⁷mi²-li² tso²c⁷oa⁴. Qui³nchja⁴ Jesús: C⁷oa⁴tjin¹ xi³ ti³si³-ve⁴ nca³ cho⁴ta⁴ti¹tjon² ⁷mi²-na³. Coi³ xa¹ qui³tsin³-nia³, coi³ xa¹ ja²ai⁴-nia³ i⁴ son³nte³-vi⁴, jme¹-ni³ nca³ tsjoa³-si¹nia³ en¹-na⁴ xi³ t⁷a³ts⁷e⁴ xi³ cjoa⁴qui²xi⁴. Je² nca³ts⁷i³ xi³ ts⁷e⁴ cjoa⁴qui²xi⁴ nch⁷oe¹ jta⁴-na⁴. 38 Pilato c⁷oi⁴qui³tso²-le⁴: Jme¹ ni¹³ xi³ cjoa⁴qui²xi⁴. C⁷ia⁴ nca³ je³c⁷oa⁴qui³tso²-le⁴, ji³tjo³con³-nca¹ni³le⁴ cho⁴ta⁴ judíos, c⁷oi⁴qui³tso²-le⁴: Ni⁴to⁴jme³-jin² je¹ ma³sjai³-na³ xi³ t⁷a³ts⁷e⁴. 39 To⁴nca³ jon² c⁷oa⁴-s⁷in² ⁷ya³-nio³ nca³ si³c⁷e¹jna³ntai¹jnc³-no³ preso nca³ s⁷oi¹ pa²xco⁴. A³ me³-no³ tso²c⁷oa⁴ nca³ si³c⁷e¹jna³ntai¹-no³ je² cho⁴ta⁴ti¹tjon²-le⁴ cho⁴ta⁴ judíos. 40 C⁷ia⁴ nca³ts⁷i³ n⁷ion¹ qui³nchja⁴ nqui²jnc³ c⁷a²: A³li² je²-vi⁴, to⁴nca³ je² Barrabás. Je² Barrabás cho⁴ta⁴che¹ ni¹.

19

1 C⁷ia⁴ Pilato qui³scoe¹ Jesús, c⁷oa⁴ tsa³ca¹-le⁴. 2 Je² so³nta²do⁴ tsa³c⁷e¹nta³ jnc³ corona na³ya¹, tsa³c⁷e¹jna³son² jco⁴, qui³si³c⁷a³cja¹ jnc³ na³jño³ xi³ jco³ cji³. 3 C⁷oi⁴qui³tso²: Ti²nta³-li², cho⁴ta⁴ti¹tjon²-le⁴ cho⁴ta⁴ judíos. A³li² c⁷oa⁴cji³ qui³si³jtsin³-le⁴. 4 C⁷ia⁴ Pilato ji³tjo³-nca¹ni³ nti³tsin³, c⁷oi⁴qui³tso²-le⁴: Coe⁴-ni³ cjoa²ai⁴cao⁴-no³ i⁴ nti³tsin³-vi⁴, jme¹-ni³ nca³ c⁷oi⁴-s⁷in² jcha⁴-si¹nio³ nca³ ni⁴jme³-jin² je¹ ma³sjai³-na³ xi³ t⁷a³ts⁷e⁴. 5 Ji³tjo³ nti³tsin³ Jesús. Tji¹son² jco⁴ corona na³ya¹, y⁷a³cja¹ na³jño³ xi³ jco³ cjoan³. Pilato c⁷oi⁴qui³tso²-le⁴ cho⁴ta⁴-ve⁴: Coe⁴-ni³ je² cho⁴ta⁴x⁷in⁴-vi⁴. 6 C⁷ia⁴ nca³ je² cho⁴ta⁴ti¹tjon²-le⁴

na⁴⁷mi³ cao⁴ policía tsa³ve³ Jesús, n²ion¹ qui³nchja⁴:
 Tja³t⁷ai³ cro², tja³t⁷ai³ cro². Pilato qui³tso²-le⁴:
 Jon² chjoao¹³, jon² tja³t⁷ao³ cro², nca⁴ tsi² tsa²
 jme³ je¹ ma³sjai³-na³ xi³ t⁷a³ts⁷e⁴. 7 Cho⁴ta⁴ judíos
 qui³tso²-le⁴: Jin⁴-jin⁴ tjin¹-na³jjin⁴ cjoa⁴-te¹xo³ma³.
 C⁷oa⁴tso² cjoa⁴te¹xo³ma³-na⁴jjin⁴ nca³ ma³chjen¹-
 le⁴ nca³ coi⁴ya¹, nca⁴ [?]nti¹-le⁴ Ni³na¹ qui³tso²-le⁴
 yao³-le⁴. 8 C⁷ia⁴ nca³ Pilato qui³nch⁷oe¹ je² en¹-
 vi⁴, nqui²sa⁴-sa³ qui³tso²-le⁴ Jesús: Jña¹-ni³ tsi⁴. To⁴nca³
 Jesús li²coi³ qui³nchja⁴. 10 C⁷ia⁴ Pilato qui³tso²-
 le⁴: A³ tsi² cha²cao⁴-nai¹³. A³ tsi² [?]yai³ nca³ tjin¹-
 na³ [?]nte³ nca³ coa³t⁷a³-le²³ cro², c⁷oa⁴-ti⁴ tjin¹-na³
[?]nte³ nca³ si³c⁷e¹jna³ntai¹-le²³. 11 Qui³nchja⁴ Jesús:
 Ni⁴to⁴jme³-jin² [?]nte³ tjin¹-li² xi³ t⁷a³ts⁷an⁴, tsa² tsi²
 nc⁷a¹ qui³ts⁷ai²-ni³li². Coi³ nca³ je² xi³ ca²tsjoa¹t⁷a³-
 na³ t⁷a³tsi⁴ nqui²sa⁴ tse³ je¹ tjin¹-le⁴. 12 C⁷ia⁴
 sa³⁷nta³ coan³me³-le⁴ Pilato nca³ si⁴²c⁷e¹jna³ntai¹
 Jesús, to⁴nca³ je² cho⁴ta⁴ judíos n²ion¹ qui³nchja⁴:
 C⁷ia⁴ tsa² je² si⁴c⁷e¹jna³ntai¹, a³li²coi³ ji³ mi²yo⁴-
 le⁴ César. To⁴⁷ya³-ni³ xi³ cho⁴ta⁴ti¹tjon² tso²-le⁴
 yao³-le⁴ fi²co²ntran⁴-le⁴ César. 13 C⁷ia⁴ nca³ Pilato
 qui³nch⁷oe¹ je² en¹ je²-vi⁴, qui³cao⁴ Jesús nti³tsin³.
 Ya⁴ tsa³c⁷e²jna³son² ya¹xi²le⁴, ya⁴ [?]nte³ jña³ [?]mi²
 Xjao¹cjia³, c⁷oa⁴ Gabata nca³ en¹ hebreo. 14 C⁷ia⁴
 víspera-le⁴ s⁷oi¹ pa²xco⁴, ja⁴me³-la⁴ nchi³sen³. C⁷ia⁴
 Pilato c⁷oi⁴qui³tso²-le⁴ cho⁴ta⁴ judíos: Coe⁴-ni³
 cho⁴ta⁴ti¹tjon²-no³ xi³ tsaon⁴³. 15 Cho⁴ta⁴-ve⁴ n²ion¹
 qui³nchja⁴: Cha³⁷a²xin²³, cha³⁷a²xin²³, tja³t⁷ai³ cro².
 Pilato qui³tso²-le⁴: A³ je² cho⁴ta⁴ti¹tjon²-no³ xi³
 coa³t⁷a³ cro². Qui³nchja⁴ cho⁴ta⁴ti¹tjon²-le⁴ na⁴⁷mi³:

Tsin²-na³jin⁴ xi³ cja⁴⁷ai¹ cho⁴ta⁴ti¹tjon², to⁴je² César.
 16 C⁷ia⁴ Pilato qui³sca³ni¹t⁷a³-le⁴ cho⁴ta⁴ judíos Jesús,
 jme¹-ni³ nca³ coa⁴²t⁷a³-si¹ni³ cro². Qui³scoe¹ Jesús,
 qui³cao⁴.

Cji³t⁷a³ cro² Jesús

(Mt. 27:32-50; Mr. 15:21-37; Lc. 23:26-38, 44-46)

17 Ji³tjo³, y⁷a³ cro²-le⁴. Qui³ ya⁴ ⁷nte³ jña³ ⁷mi²
⁷nte³jco⁴c⁷en³, c⁷oa⁴ nca³ en¹ hebreo Gólgota
⁷mi², 18 jña³ nca³ tsa³ca¹t⁷a³ cro² cao⁴ nqui²jao²-
 sa³ cho⁴ta⁴, jnco¹jnco¹ ncoa³ncoa³, Jesús ya⁴
 nca³va³sen³-le⁴. 19 C⁷oa⁴-ti⁴ qui³squi³ Pilato jnco³
 en¹ xi³ tsa³c⁷e¹t⁷a³ ya⁴ cro². Je² xi³ tji¹t⁷a³ c⁷oi⁴tso²:
 Jesús xi³ ts⁷e⁴ Nazaret, cho⁴ta⁴ti¹tjon²-le⁴ cho⁴ta⁴
 judíos. 20 Ncjin² cho⁴ta⁴ judíos xi³ tsa³c⁷e¹xquia⁴
 je² en¹-vi⁴, nca⁴ je² ⁷nte³ jña³ nca³ tsa³ca¹t⁷a³
 cro² Jesús ti¹jna³čhian³-le⁴ na⁴xi⁴na³nta¹. En¹
 hebreo tji¹t⁷a³ cao⁴ en¹ griego cao⁴ en¹ latín.
 21 Je² cho⁴ta⁴ti¹tjon²-le⁴ na⁴⁷mi³ xi³ ts⁷e⁴, cho⁴ta⁴
 judíos c⁷oi⁴qui³tso²-le⁴ Pilato: A³li² chji³-jin²³
 cho⁴ta⁴ti¹tjon²-le⁴ cho⁴ta⁴ judíos, to⁴nca³ chji¹³
 nca³ je² xi³ c⁷oa⁴qui³tso²: An³ nia¹³ cho⁴ta⁴ti¹tjon²-
 le⁴ cho⁴ta⁴ judíos. 22 Qui³nchja⁴ Pilato: Je² xi³
 qui³squia³, qui³squia³. 23 C⁷ia⁴ nca³ so³nta²do⁴
 je³tsa³ca¹t⁷a³ cro² Jesús, qui³scoe¹ na³jño³-le⁴, ño³
 ya³ qui³s⁷in³ (Jnco¹jnco¹ ya³ qui³scoe¹ jnco¹jnco¹
 so³nta²do⁴). C⁷oa⁴-ti⁴ qui³scoe¹ je² na³jño³jnčo³-
 le⁴, to⁴nca³ je² na³jño³jnčo³-le⁴ li²coi³ qui³tjon³ya³,
 to⁴ña³qui³ cji³jnco³-ni¹. 24 So³nta²do⁴ qui³tso²-le⁴
 xi¹ncjin¹: Li²coi³ c⁷oe¹jnta² je² na³jño³jnčo³-le⁴,
 to⁴si⁴sca¹cao⁴-nia¹, ⁷ya³-la²xo¹ xi³ tjoe¹-le⁴, jme¹-ni³
 c⁷oa⁴-s⁷in² coi⁴tjo³son²-ni³ je² xon⁴ Escritura xi³

c⁷oi⁴tso²: Qui³si³c⁷a³vi¹-le⁴ xi¹ncjin¹ na³jño³-na⁴, c⁷oa⁴ to⁴qui³si³sca¹cao⁴ na³jño³-na⁴. C⁷oa⁴qui³s⁷in³ so³nta²do⁴. 25 Ya⁴ tjio¹t⁷a³-le⁴ cro²-le⁴ Jesús je² na⁴-le⁴ cao⁴ nti³chja³ na⁴-le⁴, María chjon⁴²-le⁴ Cleofas, cao⁴ María Magdalena. 26 C⁷ia⁴ nca³ Jesús tsa³ve³ na⁴-le⁴ cao⁴ je² cho⁴ta⁴-le⁴ xi³ Jesús cjai¹nca³ tsjoa³que³ xi³ ya⁴ ti¹jna³, Jesús qui³tso²-le⁴ na⁴-le⁴: Chjon⁴², coe⁴-ni³ ⁷nti¹-li⁴. 27 C⁷ia⁴ qui³tso²-le⁴ je² cho⁴ta⁴-le⁴vi⁴: Coe⁴-ni³ na⁴-li⁴. Sa³⁷nta³ c⁷ia⁴-ni³ hora-ve⁴ je² cho⁴ta⁴-le⁴vi⁴ qui³scoe¹tjao² na⁴-le⁴ Jesús. 28 Xi³ coan³ je²-vi⁴, Jesús tsa³ve³ nca³ je³ji³tjo³son² nca³yi³je³. C⁷oa⁴qui³tso², jme¹-ni³ nca³ xon⁴ Escritura coi⁴tjo³son²-si¹ni³: Fa³ti²-na³. 29 Ya⁴ ti¹jna³ jnco³ cho⁴tsin¹ cji³tse³ vinagre. C⁷ia⁴ qui³si³ca³⁷nchi⁴-ni³ vinagre jnco³ tsa⁴nca⁴, tsa³c⁷e¹jco³ jnco³ ya¹ hisopo, qui³si³ca²⁷a³ ts⁷oa³. 30 C⁷ia⁴ nca³ Jesús qui³ts⁷i³ vinagre, c⁷oi⁴qui³tso²: Je³ji³tjo³son² nca³yi³je³. Tsa³cjen²tjen³ jco⁴. Qui³cha³jta³.

Qui³cha³ni²s⁷en³ ni³nta³ni⁴sin⁴-le⁴ Jesús

31 Coi³ nca³ víspera-le⁴ s⁷oi¹ pa²xco⁴ cho⁴ta⁴ judíos tsa³c⁷e¹ts⁷oa³-le⁴ Pilato nca³ ca²ta³cjo³t⁷ao¹ nca³so³-le⁴, ca²ta³fa³⁷a¹xin² yao³-le⁴ Jesús cao⁴ xi³ nqui²jao²-ve⁴, jme¹-ni³ nca³ tsi² tsa² je² yao³-le⁴ sa⁴tio²-si¹ni³ ya⁴t⁷a³ cro² c⁷ia⁴ ni⁴chjin³ ni²cja¹ya³, nca⁴ coi³ ni⁴chjin³ s⁷oi¹je³. 32 Ja³⁷ai³ so³nta²do⁴, qui³sco³t⁷ao¹ nca³so³-le⁴ je² xi³ ti¹tjon². Ti⁴c⁷oa⁴qui³si³cao⁴-ni³ je² xi³jnc³ xi³ ña³tjen⁴ tsa³ca¹t⁷a³ cro². 33 C⁷ia⁴ nca³ ja³⁷ai³ jña³ cji³t⁷a³ cro² Jesús, tsa³ve³ nca³ je³c⁷en³. Li²coi³ qui³sco³t⁷ao¹ nca³so³-le⁴. 34 To⁴nca³

jnc³ so³ nta² do⁴-ve⁴ qui³ sca³ ni¹ s'en³ ni³ nta³ ni⁴ sin⁴-le⁴ jnc³ qui⁴ cha⁴ lanza. Nti⁴ ton⁴ ji³ tjo³ njin¹ cao⁴ na³ nta¹. ³⁵ Je² xi³ tsa³ ve³ je³ qui³ tsjoa³ en¹-le⁴, c'oa⁴ je² en¹-le⁴ ña³ qui³ cjoa⁴ qui² xi⁴-ni¹. Je² ve³ nca³ ña³ qui³ en¹ xi³ cjoa⁴ qui² xi⁴ xi³ nchja⁴, jme¹-ni³ nca³ c'oa⁴-ti⁴ jon² coan⁴ cjain¹-si¹ ni³ no³. ³⁶ Je² cjoa⁴-vi⁴ c'oa⁴ coan³, jme¹-ni³ nca³ coi⁴ tjo³ son²-si¹ ni³ je² xon⁴ Escritura: Ni⁴ jnc³-jin² ni³ nta³-le⁴ xi³ tjo¹ t'ao¹. ³⁷ C'oa⁴-ti⁴ nqui² jnc³ xon⁴ Escritura c'oi⁴ tso²: Je² sco¹ tsen³-le⁴ je² xi³ qui³ sca³ ni¹ s'en³-le⁴ qui⁴ cha⁴.

Qui³ s'e³ ñai³ Jesús

(Mt. 27:57-61; Mr. 15:42-47; Lc. 23:50-56)

³⁸ Xi³ coan³ je² cjoa⁴-vi⁴, je² José xi³ Arimatea ts'e⁴, cho⁴ ta⁴-le⁴ Jesús xi³ tsa³ c'a³ mjen³⁷ ma³ t'a³-le⁴, nca⁴ qui³ tsa³ cjon¹-le⁴ cho⁴ ta⁴ judíos, tsa³ c'e¹ ts'oa³-le⁴ Pilato nca³ coan⁴ cjoa⁴⁷ a² xin² yao³-le⁴ Jesús. Qui³ tsjoa³⁷ nte² Pilato. C'ia⁴ José ja³⁷ ai³ tsa³ cja³⁷ a¹ xin² yao³-le⁴ Jesús. ³⁹ C'oa⁴-ti⁴ ji³ cho² Nicodemo, je² xi³ nca³ s'a⁴ ji³ cho² nch'oe² Jesús nca³ coan³ njion². Ji³ cho² cao⁴ jnc³ xqui³ xi³ tji¹ ts'o¹ jin³ mirra cao⁴ áloes, jnc³ ciento-la⁴ libra tjin¹-ni³. ⁴⁰ Qui³ cao⁴ yao³-le⁴ Jesús, tsa³ ca¹ jte¹ jin³ sábana cao⁴ xqui³ xi³ nta³ njen⁴, jo³-s'in² ve³-ni³ cho⁴ ta⁴ judíos nca³ v'e¹ ñai³. ⁴¹ Ya⁴ 'nte³ jña³ nca³ tsa³ ca¹ t'a³ cro², tjin¹ jnc³ 'nte³ jña³ nca³ cji³ tso³ jmi² ntje². C'oa⁴ ya⁴ 'nte³-vi⁴ qui³ jna³ jnc³ tsjo¹ cho⁴ tse⁴, jña³ nca³ cje³ 'ya³-jin² c'en³ xi³ s'e³ jna³ ya³. ⁴² Ya⁴ tsa³ ca¹ ñai³ Jesús, nca⁴ je² tsjo¹-ve⁴ qui³ jna³ 'chian³, nca⁴ víspera-le⁴ s'oi¹ pa² xco⁴ xi³ ts'e⁴ cho⁴ ta⁴ judíos.

20

Jesús ja³⁷a¹ya³-le⁴

(Mt. 28:1-10; Mr. 16:1-8; Lc. 24:1-12)

1 C⁷ia⁴ ni⁴čhjin³ tai²nco⁴ nca³ je² María Magdalena ja³⁷ai³ ya⁴ tsjo¹-ve⁴ nca³ ta⁴njion², nca³ ta⁴njion²ya³-sa³. Tsa³ve³ nca³ je³qui³tjo³xin² la⁴jao⁴-ve⁴. 2 C⁷ia⁴ qui³to²ca³, ja³⁷ai³nčh⁷oe² Simón Pedro cao⁴ xi³ nqui²jnc³ cho⁴ta⁴-le⁴ xi³ Jesús cjai¹nca³ tsjoa³que³, c⁷oi⁴qui³tso²-le⁴: Je³ts⁷a³sje³ñai³-ni³ tsjo¹-ve⁴ Nai³-na¹. Li²coi³ ʔyai³⁴-jin⁴ jña³ qui³ ca¹jna³. 3 C⁷ia⁴ ji³tjo³ Pedro cao⁴ xi³jnc³ cho⁴ta⁴-le⁴ Jesús, ja³⁷ai³ ja⁴tsjo¹. 4 Ña³tjen⁴ qui³to²ca³ nca³ jao², to⁴nca³ je² xi³ nqui²jnc³ qui³to²ca³ ti¹tjon²-le⁴ Pedro. Ji³cho² ti¹tjon² ya⁴ tsjo¹-le⁴ Jesús. 5 C⁷ia⁴ tsa³ca³sen²nia³, qui³sco²tsen³s⁷en³. Tsa³ve³ je² na³jño³nta³-ve⁴ xi³ ya⁴ cjo³, to⁴nca³ li²coi³ qui³s⁷en³. 6 C⁷ia⁴ ji³cho² Simón Pedro xi³ qui³tjen⁴nqui³-le⁴. Qui³s⁷en³ ja⁴tsjo¹, tsa³ve³ je² na³jño³nta³ xi³ ya⁴ cjo³. 7 Je² na³jño³ xi³ qui³s⁷e³jte¹j³in³ jco⁴ Jesús, li²coi³ ya⁴ qui³jna³ cao⁴ xi³c⁷a³ na³jño³nta³, to⁴xin² ti¹jna³xco¹ya³. 8 C⁷oa⁴-ti⁴ c⁷ia⁴ qui³s⁷en³ xi³ nqui²jnc³-ve⁴, je² xi³ ti¹tjon² ji³cho² ya⁴ tsjo¹-ve⁴. Tsa³ve³ c⁷oa⁴ coan³cjain¹-le⁴. 9 Cje³ ve³-jin² jo³ tso² xon⁴ Escritura nca³ ma³chjen¹ nca³ Jesús cjoa⁴⁷a¹ya³j³in³-ni³le⁴ c⁷en³. 10 C⁷ia⁴ cho⁴ta⁴-le⁴ qui³-nca¹ni³ nt⁷ia³-le⁴.

Jesús va³co¹son²tsen³-le⁴yao³-le⁴ María Magdalena

(Mr. 16:9-11)

11 To⁴nca³ je² María ti¹jna³ nti³tsin³. Ti¹cji³⁷nta¹ ya⁴t⁷a³ tsjo¹. C⁷ia⁴ nca³ ti¹cji³⁷nta¹ tsa³ca³sen²nia³, qui³sco²tsen³s⁷en³ tsjo¹-le⁴ Jesús. 12 Tsa³ve³ jao²

a²ncje⁴ xi³ na³jño³čhoa³ y⁷a³cja¹, jnc³ xi³ ti¹jna³ ya⁴jco⁴, jnc³ xi³ ti¹jna³nqui³ ntso⁴co⁴ jña³ nca³ qui³ s⁷e³ñai³ yao³-le⁴ Jesús. 13 A²ncje⁴ c⁷oi⁴qui³tso²-le⁴ María: Chjon⁴², a¹-ni³ ti³chi³⁷nta¹-si¹ni³. María qui³tso²-le⁴: Qui³cao⁴ je² Nai³-na⁴. Li²coi³ ⁷ve³ jña³ nca³ tsa³ca¹jna³. 14 C⁷ia⁴ nca³ je³c⁷oa⁴qui³tso², qui³si³c⁷o¹fa³ya³. Tsa³ve³ Jesús nca³ ya⁴ ti¹jna³, to⁴nca³ li²coi³ ve³ tsa² je² Jesús. 15 Jesús qui³tso²-le⁴: Chjon⁴², a¹-ni³ ti³chi³⁷nta¹-si¹ni³. ⁷ya¹-ni³ xi³ vi³jnchi³sjai³. María qui³si³cja³⁷ai³tsjen³, je²-la⁴ cho⁴⁷nta³ xi³ si¹xa¹j¹in³ tso³jmi²ntje², qui³tso²-le⁴: Señor, tsa² ji³ c⁷in³coai⁴, c⁷oa^{4t}in²-nai¹³ jña³ nca³ ji³ tsa³ca³jnai³. An³ cjo¹coa⁴. 16 Jesús qui³nchja⁴-le⁴: María. C⁷ia⁴ qui³si³c⁷o¹fa³ya³ María, qui³tso²-le⁴: Raboni, xi³ Maestro tso²-ni³. 17 Jesús qui³tso²-le⁴: A³li² ni²cao⁴-jin²nai¹³, nca⁴ cje³ fi³mi³con³-jin²le⁴ N⁷ai³-na⁴. Ya⁴ t⁷in³nč⁷oai²³ nts⁷e³, c⁷oa^{4t}in²-lai⁴: Ti²fi³mi³con³-le⁴ N⁷ai³-na⁴, c⁷oa⁴-ti⁴ je² N⁷ai³-no³, je² Ni³na¹-na⁴, c⁷oa⁴-ti⁴ Ni³na¹-no³. 18 C⁷ia⁴ qui³ María Magdalena, qui³si³cji³nč⁷oe¹ cho^{4ta}-le⁴ Jesús nca³ tsa³ve³ Jesús, nca³ tsa³cja¹cao⁴ je² en¹-vi⁴.

Jesús va³co¹son²tsen³-le⁴ yao³-le⁴ cho^{4ta}-le⁴

(Mt. 28:16-17; Mr. 16:14; Lc. 24:36-43)

19 C⁷ia⁴ nca³ je³coan³xon² je² ni⁴čhjin³ tai²nc⁴, tjio¹chjoa² xo^{4nt}jjoa⁴ jña³ nca³ tjio¹ cho^{4ta}-le⁴ Jesús, nca⁴ qui³tsa³cjon¹-le⁴ cho^{4ta} judíos. Ja³⁷ai³ Jesús, tsa³ca³sen²jna³ jin³va³sen³-le⁴, c⁷oi⁴qui³tso²-le⁴: Nch⁷an¹ ca²ta³s⁷e³-no³ nca³ jon²-vi⁴.

20 C⁷ia⁴ nca³ je³c⁷oa⁴qui³tso², tsa³ca³co¹-le⁴ ntsja³cao⁴ ni³nta³ni⁴sin⁴-le⁴. Jo³ coan³tsjjoa³-le⁴ cho^{4ta}-le⁴ nca³ tsa³ve³ Nai³-na¹. 21 Jesús ti⁴qui³tso²-nca¹ni³le⁴:

Nch[?]an¹ ca²ta³s[?]e³-no³. Jo³-s[?]in² xa¹
 qui³si³ca³sen¹-na³ N[?]ai³-na¹, c[?]oa⁴-ti⁴s[?]in²ni³
 si³ca³sen¹³-no³ nca³ an³.

22 C[?]ia⁴ nca³ je³c[?]oa⁴qui³tso², qui³sco²na³jon³
 c[?]oi⁴qui³tso²-le⁴:

Chjoao¹³ Espíritu Santo. 23 Je² xi³ si⁴cha³t[?]a³-
 lao⁴³ je¹-le⁴, c[?]oa⁴-s[?]in² tjio¹cha³t[?]a³-le⁴. Je² xi³ tsi²
 si⁴cha³t[?]a³-lao⁴³, li²coi³ tjio¹cha³t[?]a³-le⁴.

Tomás li²coi³ coan³cjain¹-le⁴

24 To⁴nca³ Tomás, jnco³ xi³ te³jao² ma³-ni³, je² xi³
 Dídimó [?]mi², li²coi³ ya⁴ ti¹jna³cao⁴ c[?]ia⁴ nca³ ji³cho²
 Jesús. 25 Je² xi³c[?]a³ cho⁴ta⁴-le⁴ Jesús c[?]oi⁴qui³tso²-le⁴
 Tomás:

Ca²ya³-ni¹⁴jⁱⁿ⁴ Nai³-na¹. Tomás qui³tso²-le⁴:

Tsa² tsi² tsa² scoe³ ntsja³ jña³ nca³
 qui³sa³sen³s[?]en³ xo², c[?]oa⁴ tsa² tsi² tsa² sca³ni³s[?]en²³
 na⁴jma¹ntsa⁴ jña³ nca³ qui³s[?]en³-le⁴ xo², c[?]oa⁴ tsa²
 tsi² tsa² sca³ni³s[?]en²³ ntsa⁴ ya⁴ ni³nta³ni⁴sin⁴-le⁴,
 li²coi³ coan⁴cjain¹-na³.

26 Xi³ coan³ jin³ ni⁴čhjin³ ya⁴ tjio¹ya³-nca¹ni³
 je² cho⁴ta⁴-le⁴ Jesús. Tomás ti¹jna³cao⁴. Xo⁴ntjoa⁴
 tjio¹chjoa², to⁴nca³ Jesús ja³ai³, tsa³ca³sen²jna³
 jin³va³sen³-le⁴, c[?]oi⁴qui³tso²:

Nch[?]an¹ ca²ta³s[?]e³-no³.

27 Nti⁴ton⁴ c[?]oi⁴qui³tso²-le⁴ Tomás:

Cha⁴ni²s[?]ain³ na⁴jma¹ntsai⁴ i⁴-vi⁴, cho¹tsen³-
 lai⁴ ntsa⁴, tja³ntoi³ ntsai⁴ i⁴-vi⁴, cha⁴ni²s[?]ain³
 ni³nta³ni⁴sin⁴-na⁴. A³li² ni²ta²ja⁴jⁱⁿ³-jⁱⁿ²,
 ca²ta³ma³cjain¹-li².

28 C[?]ia⁴ Tomás c[?]oi⁴qui³tso²-le⁴:

Señor-na⁴, Ni³na¹-na⁴.

29 Jesús qui³tso²-le⁴:

Coi³ nca³ tsa³ya³-nai¹³ Tomás, a³ coan³cjain¹-ni³li². Jo¹ to⁴nta³-ni³ je² xi³ tsi² tsa² an³ tsa³ve³-na³, to⁴nca³ coan³cjain¹-le⁴.

Je²en¹ tjio¹t²a³, jme¹-ni³ nca³ coan⁴cjain¹-si¹ni³na¹

30 Cjai¹nca³ to⁴ncjin²-sa³ choa⁴ qui³tsjoa³ Jesús ya⁴ nqui³xcon⁴ cho⁴ta⁴-le⁴, xi³ tsi² tsa² i⁴ tjio¹t²a³ je² libro je²-vi⁴. 31 To⁴nca³ je²en¹ xi³ c²oi⁴-s²in² tjio¹t²a³, jme¹-ni³ nca³ coan⁴cjain¹-si¹ni³no³ nca³ Jesús, je² xi³ Cristo, je² ²nti¹-le⁴ Ni³na¹, jme¹-ni³ nca³ tjjin¹-si¹ni³no³ cjoa⁴vi³jna³chon³ xi³ to⁴t²a³ts²e⁴ jan³ain¹-le⁴, c²ia⁴ nca³ c²oa⁴-s²in² ma³cjain¹-no³.

21

Jesús va³co¹son²tsen³-le⁴ yao³-le⁴ ña³to³ cho⁴ta⁴-le⁴

1 Nqui²jnc³ c²a² Jesús tsa³ca³co¹son²tsen³-le⁴ yao³-le⁴ cho⁴ta⁴-le⁴ ya⁴ntai³ nta¹chi³con³ Tiberias. C²oi⁴-s²in² tsa³ca³co¹son²tsen³ yao³-le⁴. 2 Tjio¹ Simón Pedro cao⁴ Tomás xi³ Dídimo ²mi², cao⁴ Natanael, je² xi³ ts²e⁴ Caná xi³ nchja⁴-ni³ Galilea, cao⁴ xti³-le⁴ Zebedeo, cao⁴ nqui²jao²-sa³ cho⁴ta⁴-le⁴ Jesús. 3 Simón Pedro qui³tso²-le⁴: Jti⁴ ti²fi³ si³c²en³. C²oa⁴-ti⁴ ti³ma³nquin¹cao⁴-lai²⁴jjin⁴, qui³tso² xi³c²a³. Ji³tjo³, c²oa⁴ qui³s²en³ jnc³ chi³tso³. Je² ni⁴tjen⁴-ve⁴ ni⁴to⁴jme³-jin² xi³ qui³tjoe¹-le⁴. 4 C²ia⁴ nca³ qui³s²e³sen¹ Jesús tsa³c²e²jna³ntai³ na³nta¹, to⁴nca³ je² cho⁴ta⁴-le⁴ li²coi³ tsen³ coan³-le⁴ tsa² je² Jesús. 5 Jesús qui³tso²-le⁴: Xti³, a³ cje³ sa³co¹-jin²no³ jti⁴. Mai³, qui³tso²-le⁴. 6 Jesús c²oi⁴qui³tso²-le⁴:

Chjoao¹³ na⁴⁷ya³, cha⁴ni²j³ntao¹³ ya⁴ nca³qui²xi⁴-le⁴ chi³tso³, c⁷oa⁴ sa⁴co²-no³. C⁷ia⁴ qui³sca³-ni¹j³nta¹ na⁴⁷ya³-le⁴, li²coi³ coan³ qui³tjoe¹mi³-ni³le⁴ nca³ c⁷oa⁴-s⁷in² to⁴ncjin² ma³-ni³ jti⁴ xi³ qui³si³ncha³. ⁷C⁷ia⁴ je² cho⁴ta⁴-le⁴ xi³ Jesús cjai¹nca³ tsjoa³que³, qui³tso²-le⁴ Pedro: Je² ni¹ Nai³-na¹. C⁷ia⁴ nca³ qui³nch⁷oe¹ Simón Pedro nca³ je² Nai³-na¹, tsa³c⁷e¹cja¹ na³jño³-le⁴ nca³ tsi² tsa² coi³ na³jño³ y⁷a³cja¹. Qui³sca³ni¹j³nta¹ yao³-le⁴. ⁸Je² xi³c⁷a³ cho⁴ta⁴-le⁴ ja³⁷ai³cao⁴ chi³tso³ (nca³ tsi² tsa² coi³ cjin³ tjio¹j³nta¹, čhian³ na³nqui³ ni¹, to⁴tjin¹-la⁴le⁴ tsa² jnco³ ciento metro). Tsa³ca¹jve³j³ni³ na³nta¹ na⁴⁷ya³ jti⁴-le⁴ xi³ n⁷ion¹ qui³tse³ jti⁴. ⁹C⁷ia⁴ nca³ je³ji³tjo³jen³-ni³ chi³tso³ ja^{4t}a³ na³nqui³, tsa³ve³ nca³ ncha³ xo¹l⁷i¹, jnco³ jti⁴ cji³chjan¹, c⁷oa⁴ tsa³ve³ nio⁴xti²la⁴. ¹⁰Jesús qui³tso²-le⁴: Nčhoa¹cao⁴³ je² jti⁴ xi³ ca²tjoe¹-no³ nt⁷ai⁴-vi⁴. ¹¹C⁷ia⁴ qui³s⁷en³ chi³tso³ Simón Pedro. Tsa³c⁷e¹jve³ na⁴⁷ya³-le⁴ t⁷a³na³nqui³. Jo³ ncjin² jti⁴ xi³ y⁷ai³ cjoan³ cjo³ya³, jnco³ ciento va³sen³ cao⁴-ni³ jan² ma³-ni³, to⁴nca³ nta³ tsa² ncjin² ma³-ni³, li²coi³ qui³xi³jnta² na⁴⁷ya³. ¹²Jesús qui³tso²-le⁴: Nčhoao¹³, ti⁴cho³. Ni⁴⁷ya³-jin² cho⁴ta⁴-le⁴ xi³ coan³n⁷ion¹con³ nca³ scoi⁴na³nqui³-le⁴: ⁷ya¹-ni³ ji³. Tsen³ coan³-le⁴ nca³ je² Nai³-na¹. ¹³Ji³nčhoa³ Jesús, qui³scoe¹ nio⁴xti²la⁴, qui³tsjoa³-le⁴. Ti⁴c⁷oa⁴qui³s⁷in³-ni³ cao⁴ jti⁴-ve⁴. ¹⁴Je²-vi⁴ coan³jan²c⁷a³-ni³ nca³ Jesús tsa³ca³co¹son²tsen³-le⁴ yao³-le⁴ cho⁴ta⁴-le⁴, c⁷ia⁴ nca³ je³ja³⁷a³ya²j³ni³-ni³le⁴ c⁷en³.

Jesús tso²: Ti⁴coi²ntai⁴ va³rre²-na⁴

15 C⁷ia⁴ nca³ je³t³sa³cjen², Jesús qui³tso²-le⁴ Simón Pedro: Simón, [?]nti¹-le⁴ Jonás, a³ nqui²sa⁴ tsjoa³cha³-nai¹³ cao⁴-ni³ tsa² je²-vi⁴. Pedro qui³tso²-le⁴: Jaon³, Señor, ji³ [?]yai³ nca³ tsjoa³que⁴-le²³. Jesús qui³tso²-le⁴: Ti⁴coi²ntai⁴ va³rre²?nti¹-na⁴. 16 Jesús c⁷oa⁴qui³tso²-nca¹ni³le⁴ nca³ ma³jao²c⁷a²-ni³: Simón, [?]nti¹-le⁴ Jonás, a³ tsjoa³cha³-nai¹³. Pedro qui³tso²-le⁴: Jaon³, Señor, ji³ [?]yai³ nca³ tsjoa³que⁴-le²³. Jesús qui³tso²-le⁴: Ti⁴coi²ntai⁴ va³rre²-na⁴. 17 C⁷ia⁴ c⁷oi⁴qui³tso²-le⁴ xi³ coan³jan²c⁷a²-ni³: Simón, [?]nti¹-le⁴ Jonás, a³ tsjoa³cha³-nai¹³. Coan³va³-le⁴ Pedro nca³ coan³jan²c⁷a²-ni³ c⁷oa⁴qui³tso²-le⁴: A³ tsjoa³cha³-nai¹³. Qui³tso²-le⁴: Señor, ji³ xi³ [?]yai³ nca³yi³je³ cjoa⁴, ji³ [?]yai³ nca³ tsjoa³que⁴-le²³. Jesús qui³tso²-le⁴: Ti⁴coi²ntai⁴ va³rre²-na⁴. 18 Ña³qui³ cjoa⁴qui²xi⁴ ña³qui³ cjoa⁴qui²xi⁴ xi³ xin³-le²³: C⁷ia⁴ nca³ nqui²sa⁴-sa³ xti³ ti³soi³, ti⁴ji³ qui³ch⁷a²cja¹-ni³ na³jño³-li⁴, c⁷in³ jña³ nca³ coan³me³-li². To⁴nca³ c⁷ia⁴ nca³ coan⁴jchi¹ncai³ cjoe¹nc⁷ai³ ntsai⁴, cja⁴ai¹ xi³ si⁴c⁷a³cja¹-li² na³jño³-li⁴, coai⁴cao⁴-li² jña³ nca³ li²coi³ coan⁴me³-li². 19 Coi³ c⁷oi⁴qui³tso²-ni³ Jesús, nca³ c⁷oa⁴-s⁷in² qui³si³cho⁴ya³-le⁴ jo³-s⁷in² nca³ coi⁴ya¹, nca³ c⁷oa⁴sje³je³ya³ Ni³na¹. C⁷ia⁴ nca³ je³c⁷oa⁴qui³tso², t⁷in³tjen⁴nqui³-nai¹³, qui³tso²-le⁴ Pedro.

Je² cho⁴ta⁴-le⁴ xi³ Jesús cjai¹nca³ tsjoa³que³

20 Qui³si³c⁷o¹fa³ Pedro, qui³sco²tsen³-le⁴ nca³ ti¹fi²tjen⁴nqui³-le⁴ je² cho⁴ta⁴-le⁴ xi³ Jesús cjai¹nca³ tsjoa³que³, xi³ tsa³c⁷e²jna³t⁷a³-le⁴ Jesús c⁷ia⁴ nca³ tsa³cjen² nca³ njion², xi³ c⁷oi⁴qui³tso²-le⁴: Señor, [?]ya¹-ni³ xi³ sca⁴ni²t⁷a³-li². 21 C⁷ia⁴ nca³ Pedro tsa³ve³

je² cho⁴ta⁴-vi⁴, c⁷oi⁴qui³tso²-le⁴ Jesús: Señor, c⁷oa⁴ je²-vi⁴, jme¹ xi³ coan⁴-le⁴. 22 Jesús c⁷oi⁴qui³tso²-le⁴: Tsa² me³-na³ nca³ je² c⁷oe¹jna³ jo³ sa³⁷nta³ nca³ cjoe²⁷e⁴, jme¹ coi²nta⁴-li⁴. T⁷in³tjen⁴nqui³-nai¹³ nca³ ji³. 23 Ji³tjo³j³in³-le⁴ nts⁷e⁴ jnco³ en¹ xi³ tso² nca³ je² cho⁴ta⁴-le⁴ve⁴ li²coi³ coi⁴ya¹. To⁴nca³ Jesús li²coi³ c⁷oa⁴qui³tso² nca³ li²coi³ coi⁴ya¹, to⁴nca³ qui³tso² tsa² me³-na³ nca³ je² c⁷oe¹jna³ jo³ sa³⁷nta³ nca³ cjoe²⁷e⁴, jme¹ coi²nta⁴-li⁴. 24 Je²-vi⁴ je² cho⁴ta⁴-le⁴ Jesús xi³ c⁷oa⁴-s⁷in² tsjoa¹ en¹ xi³ t⁷a³ts⁷e⁴ nca³yi³je³ cjoa⁴-vi⁴. Je² qui³squi³ je² cjoa⁴-vi⁴, c⁷oa⁴ ⁷ya³-nia¹ nca³ en¹-le⁴ cjoa⁴qui²xi⁴-ni¹. 25 C⁷oa⁴-ti⁴ cjai¹nca³ to⁴ncjin²-sa³ cjoa⁴ xi³ qui³s⁷in³ Jesús. Tsa² tji¹t⁷a³-la²sa³ xon⁴ nca³ jnco¹jnco¹, an³ xian³ nca³ ni⁴⁷i⁴-jin²la⁴ son³⁷n³te³ coan⁴ jcho¹ya³ je² libro xi³ c⁷oa⁴-s⁷in² s⁷e⁴t⁷a³. C⁷oa⁴ ca²ta³ma³.

Xon⁴-le⁴ ni³na¹ xi³ tʔa³tsʔe⁴ Jesucristo
New Testament in Mazatec, Huautla
(MX:mau:Mazatec, Huautla)

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

69c7ee6e-d3c3-563f-a672-6ad58122d8ed